

WANTOK

NIUSPEPA BILONG YUMI OL PAPUA NIUGINI STRET!

32 pes

Namba 1,414

Wik stat long Fonde Ogas 2, 2001

70t

INSAIT

Toktok bilong ileksen lo
-p3

Agrimen bilong tuna fektori bai kamap
-p5

Ol raskol kilim plisman
- pes 17

Ol palamen ripot
- pes 2

Pes 30 Winim prais, painim bal resis

Ol hait nem i kamap long Madang ileksen pepa

BEN TAUMAI na HILDA WAYNE i raitim

I GAT ripot olsem moa long 4,000 giaman nem bilong ol manmeri long Madang em ol i raitim pinis long ol enrolmen fom bilong ilektorel komisina na redi long putim nem bilong ol long neks mun long provinsal ilektorel opis long taim bilong enrolmen.

Memba bilong Raikos Stahl Musa i tokim palamen aste olsem em i kisim ripot long dispela pasin na em i no amamas tru long kain pasin olsem i kamap long Madang long bagarapim ileksen. Mista Musa i autim dispela hevi i go long Praim Minista Sir Mekere Morauta.

Mista Musa i tok dispela samting i kamap long sapatim wanpela kendidet husat bai resis long Madang Open sit i givim giaman nem long ilektorel enrolmen fom long mekim isi long kisim ol wantok bilong em long ausait i kam vot long mekim dispela kendidet ya long helpim em long winim 2002 nesanel ileksen.

Long wanpela ripot plis i bin sekim wanpela haus long Ron Albert Oval na painim 3,750 fom i stap wantaim wanpela man husat ol i ting em go pas

long mekim dispela pasin hait long mun Mei. Long Jun 19 i go long Jun 28 wanpela wok painimaut i soim olsem ol dispela lain we i gat nem long ol fom em ol i no stap long Sisiak 3 we ol i raitim long fom.

Em holim tu kopi bilong 250 narapela bilong ol dispela fom we i gat tu ol giaman nem tu long en we i soim long *Wantok*.

Dispela pasin ya i kamap na ol manmeri bilong Madang i tok ol i les pinis long ol lain autsait i kam na traim yusim ol pasin nogut long winim ileksen. Ol i tok long 1992 na 1997 nesanel ileksen wankain pasin i bin kamap na ol i no laik bai dispela i kamap gen long neks yia.

Provinsal Plis Komanda i no bin stap long opis taim *Wantok* i ring long kisim toktok bilong em tasol plis i mekim ol wok painimaut yet long dispela samting.

Sampela woklain bilong ilektorel opis long Mosbi i tok olsem em bai hat tru long ol manmeri i kamapim ol giaman nem nabaut. Man husat i tokim *Wantok* na i no laik givim nem bilong em i tok ol ilektorel lain i no save wok long kisim nem bilong ol manmeri nating nating.

Em i tok ol i save go long wanwan haus na

askim ol lain long givim nem bilong ol yet na man o meri husat i no stap long haus em ol i save askim em long go long ilektorel opis long givim nem bihain taim em i kisim toksave.


Em i tok olgeta fom i gat ol yunit namba bilong ol na sapos sampela i no stap ol i ken isi tru long luksave long dispela long rekot bilong ol.

Tasol long palamen miting aste memba bilong Raikos Stahl Musa i tok dispela samting i save kamap na Praim Minista Sir Mekere Morauta kisim planti tingting.

Sir Mekere i tok ilektorel Komisen i mas lukaut gut long wanem kain wok em i mekim na ol woklain i mas lukaut long kain samting olsem hait mani we ol i save givim long mekim wok bilong ol.

Em i tok em i no amamas long dispela ripot na plis i mas lukluk i go insait long dispela samting na stretim na stapim dispela kain giaman pasin.

Sir Mekere i tok tu olsem gavman bai i no inap senisim ilektorel komisina bilong PNG na ol toktok we i raun olsem ol i bai senisim em i no trupela ol toktok.



Lida soim rot • Yunivesiti studen

lida, Augustine Molonges i sindaun wantaim sain long soim ol studen i no inap kaikai bikos Praim Minista i no givim bekim yet long ol.

Minista askim ol PNGBC woka long go bek wok

YAKAM KELO i raitim

OL wokmanmeri bilong haus mani, PNGBC i mas go bek long wok bikos ol i mas tingim gut ol bikpela hevi ol i kamapim long ol manmeri bilong Papua Niugini, Minista bilong Leba na Emploimen Chris Haiveta i mekim dispela toktok long aste.

Mista Haiveta i tok dispela straik bilong ol PNGBC wokmanmeri i givim bikpela hevi na hat taim tru long planti tausen manmeri husat i save go long PNGBC beng long kisim mani na putim mani.

PNGBC beng em wanpela beng tasol we i sevim tru ol manmeri insait long olgeta provins na ol distrik.

Mista Haiveta i tokaut olsem dispela hevi bilong ol wokmanmeri bilong PNGBC i stap nau wantaim Abitresen Traibunel long lukluk i go insait na stretim wanem menesmen na ol wokmanmeri bilong beng. Dispela em wanpela bodi bilong bungim tupela grup ya long stretim

ol toktok na hevi nau i kamap.

Mista Haiveta i tokaut olsem ol hevi we ol PNGBC wokmanmeri i straik long en em;

- 13 poin bilong toktok insait long ritrensman ekksesais,

- 11-pela poin long ol senis PNGBC bai go insait na wanem samting bai kamap long ol seavings bilong ol wantaim POSF na arapela fainens institut,

- 7-pela poin long CPI bilong las yia 2000, (pe i go antap),

- rausim lon o dinaun long ol haus we ol wokmanmeri i bin kisim,

- 4-pela poin bilong toktok long ol sea ol wokmanmeri i laik baim insait long PNGBC taim gavman i salim beng,

- 7-pela poin long ol hevi ol PNG wokmanmeri i gat wantaim ol ovasis woklain na ol arapela pasin we ol ovasis woklain i save mekim long ol PNG woklain.

Mista Haiveta i tok ol dispela toktok istap pinis wantaim Abitresen Traibunel long lukluk long en na glasim.

Mista Haiveta i mekim dispela toktok long bekim askim bilong memba bilong Kagua Erave David Basua we em i askim long wanem kain rot na pasin em ol atoriti i wok long bihainim long stretim hevi bilong PNGBC.

Mista Basua i tok taim PNGBC beng i pas, dispela i givim bikpela hevi tru long planti tausen manmeri husat i stap long ol taun na siti bikos mani tasol em olsem gaden bilong ol long kisim kaikai na stap strong long en.

Em i askim Minista long tokaut klia long wanem samting i wok long kamap wantaim PNGBC bai ol turangu ples lain i noken kam longwe hap tru long kisim mani long beng taim beng i no op long sevim ol.

Long dispela wik, PNGBC menesmen i askim ol wokmanmeri bilong PNGBC beng long go bek long wok o nogat bai olgeta i pinis long wok. Menesmen i bin tokaut tu olsem sapos ol wokmanmeri i no wok, bai i nogat pe.

Ol yunion lain o Nesanel Staf

Asoiesen (NSA) eksekutiv i tokaut olsem sapos ol i go bek long wok, ol i mas kisim ful pe yet na tu menesmen i noken givim hat taim long wanpela wokmanmeri husat i go long straik. NSA eksekutiv i tok sapos menesmen bilong PNGBC i no inap mekim olsem, bai ol i no inap go bek long wok yet.

Moa long 500 wokmanmeri bilong PNGBC i stap long dispela straik.

Dispela straik bilong ol wokmanmeri bilong PNGBC i go het yet na i stap tupela wik olgeta nau.

Ol ripot i kamap pinis olsem planti provins na ol distrik i gat hevi long kisim na rausim mani long beng bikos ol beng i pas na i hat long ol pablik sevans husat i wok long ol provins na autstesin long go kisim mani long pasbuk long baim ol kaikai na ol samting. Na tu i hat long ol i kisim sek bilong ol i go senisim na kisim mani bikos ol beng i pas.

Disisen bilong Abitresen Traibunel bai kamaut long tude.

PLIS RIPOT

MOSBI:

• Plis i holimpas wanpela man bilong Malaysia bilong wanem em i save operetim ol poka masin na hos res tasol em i nogat laisens long mekim ol kain wok. Plis i tok man ya i gat faivpela poka masin na i save mekim mani nating long wanem em i brukim lo long mekim dispela kain bisnis.

Man ya save mekim bisnis bilong em long Barakau eria long Central provins na ol i tok bisnis i bin stat long Mas na Jun long las ya.

Plis bai holimpas em yet na putim ol sas bilong ol bihain.

LAE:

• Het man bilong Yunivesiti ov Technology long Lae i tok sapos ol studen na woklain bilong yuni i brukim lo long ol kain pasin ol i mekim bai em i larim plis i mekim save long ol. Em i tok bipo yunivesiti yet i save yusim ol lo bilog em yet long mekim save long ol tasol nau dispela bai i senis long wanem sapos ol studen ol woklain i laik mekim nabaut nabaut na brukim lo ol i mas kisim save long ol plis. Em i tok sapos ol lain laik bikhet na brukim lo ol i mas go long narapela hap bilong wanem yuni em i no ples bilong ol lain i laik mekim dispela kain pasin.

Gavana i givim luksave long provins

MEMBA bilong Wabag Daniel Kapi i tok ol Gavana i givim luksave long wanwan provins na ol i mas stap.

Em i askim olsem sapos nogat rijinel sit long palamen, ol pipel bilong provins bai tokaut olsem wanem na husat bai makim maus bilong ol.

Em i tok yumi no inap long kamapim tupela kain gavman sistem long kantri. Wanem sistem yumi gat i mas stap tasol stretim ol lo bilong givim moa indidpenden long Gavana na wankain taim stretim ol lo bai Gavana i no mekim nabaut.

Em i tok planti Gavana i wok long raus na ol projek i no save kamap gut bikos nesenel gavman i save putim han bilong em i go insait long provinsel gavman.

Gavman bai kamapim nupela ileksen lo

Ol palamen ripot wantaim PEKU PILIMBO

OL memba bilong palamen i tokpait namel long palamen long traim kamapim nupela lo bilong kamapim ileksen insait long PNG.

Konstitusene Developmen Komisin (CDC) i redim pinis dispela lo aninit long lukaut bilong siaman na memba bilong Suave Yauwe Riyong.

Dispela lo bai traim long lukim olsem planti manmeri insait long wanwan ilektoret i makim wanpela memba i kam long palamen.

Nau yet hap liklik manmeri tasol i wok long makim ol memba i kam long palamen na dispela i no makim laik bilong olgeta manmeri long ilektoret.

Dispela nupela ileksen lo bai givim sans long ol manmeri i ken makim tripela kendidet ol i gat laik long em.

Taim bilong kaunim bai ol i lusim ol man wantaim hap liklik vot inap long ol i kamap wantaim wanpela, maski sapos em kisim namba tri laik bilong ol manmeri tasol sapos planti manmeri i makim em, em i ken kamap memba.

Dispela i min olsem sapos

kendidet i kisim bikpela ol namba wan laik tasol sapos em i no winim man husat kisim moa namba tri laik man, em bai stil lus yet na namba tri vot man husat kisim bikpela bai kamap memba.

Tasol bikpela wok nau gavman bai mekim em long givim skul long olgeta manmeri long kantri.

Ol manmeri i save long olpela sistem yumi yusim long kantri na gavman bai traim putim mani bilong kamapim aweanes kempen insait long kantri.

Sampela memba i ting ol i mas traim nupela lo bilong votim kendidet long 2002 ileksen tasol sampela i ting em hariap tru na ol mas skulim ol manmeri long gut pastaim na kamapim dispela ileksen lo long 2007 jenerel ileksen.

Ol memba husat tok lo mas kamap long 2002 i ting olsem ol kendidet bai go raun na kamapim kempen na tok-save long dispela lo na ol husat tok nogat i ting olsem dispela pasin i hariap tumas na ol manmeri bai paul yet.

Bikpela toktok tru kamap dispela wik long bung bilong palamen bipo long ol memba i pasim tok na kamapim dispela lo.

Givim 20 palamen sit long ol meri, Akesim i tok

MEMBA bilong Ambunti Drekkir Judah Akesim i singaut long gavman i rausim olgeta sia bilong gavana long palamen na givim sia i go long ol meri.

Em i mekim dispela toktok long palamen bung dispela wik bihain long ol i tok olsem ol rijinel memba i mas stap long provins na noken kamap long sindaun bilong palamen.

"Mi sanap hia na mi tok mi bai sapotim ol meri i mas kam insait long palamen," em i tok.

Em i askim tu olsem insait long ilektoret bilong em i gat planti manmeri tru na i hat long em i lukim olgeta long wankain taim.

Em i askim palamen long burukim ol bikpela ilektoret i go kamap liklik bai wanwan memba i kam long liklik hap eria na makim maus bilong ol pipel.



• Judah Akesim

Mista Akesim i askim gavman long katim daun ol namba bilong ol pipel long wanwan ilektoret.

Em i askim tu olsem ol memba i mas kisim bikpela namba tru long winim ileksen bikos nau yetv em i tok ol memba i no makim maus bilong ol pipel.

Planti i kisim liklik namba tasol long kamap memba bilong palamen na dispela i no makim stret laik bilong ol pipel.

Ol pipel i mas votim kaunsil presiden, Koimanrea i tok

ILEKSEN bilong bilong Gavana i mas noken kam aninit long nesenel ileksen tasol i mas stap olsem wanpela provinsel ileksen na olgeta pipel bilong provins i mas votim Gavana bilong ol.

Nau yet planti nesenel gavman i wok long ronim na bagaramim wok bilong ol provinsel gavman.

Em i tok wok nau em long palamen i lukluk long wanem rot ol inap kamapim na strongim posisen bilong Gavana long em i ken mekim wok kamap long provins.

Planti gutpela sevis olpela Gavana i save kamapim i no go het bikos em i raus na dispela hevi i save lukim planti manmeri i no kisim sevis ol inap kisim long en.

Em i toksave tu olsem olgeta kaunsil presiden i mas ol pipel i votim ol na salim ol i go long opis na i no wanpela ol tupela kaunsila i

makim olsem nau i kamap.

Em i tok dispela bai givim strong long ol kaunsil presiden tu bikos nau ol i westim gavman mani long traim baim vot long ol kaunsil na holim yet presiden sia.

Dispela i nogut na ol pipel i mas votim ol i go insait long kamap presiden.

Em i tok gavman i mas lukluk long ol dispela hevi na traim stretim bai gavman sistem long kantri i ken strong tru na helpim ol manmeri long stap gut.



• Mista Koimarea.

Long wankain taim em sutim tok long ol pablik sevans olsem ol i

no mekim wok bilong ol gut na planti i stap nating.

Em i tok long taim bilong em, ol bos i save lukim wanem kain wok ol i mekim na save givim promosen o pe i go antap.

Nau em i tok ol i save toktok tumas wantaim pren bilong ol long telepon na i no mekim wanpela samting.

Em i askim palamen long lukluk long dispela na traim kamapim wanpela sistem we i soim olsem ol i mekim wok bilong ol.

Planti bikpela pablik

sevans nau i kamap aninit long wanpela memba husat makim em na planti i no save long wanem samting ol bai mekim.

Mista Koimanrea i tok memba bilong palamen i mas kisim toktok bikos taim wantok i wok long opis, ol memba i save putim han bilong ol i go insait long mani bilong pablik.

Em i tok ol senis long sistem i mas kamap bilong strongim gavman sistem bilong yumi.

WANTOK

All departments, Phone: 325 2500 • Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group Editor in Chief: Anna Solomon.
Acting Advertising Manager: Jocko Oberleuter.

Papers distributed by air throughout PNG. Available by air mail subscription within Papua New Guinea and overseas.
Email address: word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

TORO

TORO GO LUKIM OL MERI PILAI SOKA LONG BISINI SOKA GRAUN... (WOMENS SOKA SEMPRONSIP).
MI SAPOTIM OL MERI MOSBI !OL MERI TELIKOM BAI PILAI LONG MOSBI SAIT!

TORO SAPOTIM OL MERI MOSBI... TORO I GAT LAIK LONG STRAIKA BILONG OL...
GO PRISILA!! STRAIKIM I GO LONGI GOL MAUS!! NOKEN ISI! FAIA TASOL!!

NAU STRAIKA KARIM BAL IGO TASOL FULBEK BILONG OL WABAG I BLOKIM ROT BILONG EM NA GIVIM HOTWAN LONG STRAIKER BILONG MOSBI...
OUFF! PILIM?!

TORO KARI TRU LONG STRAIKA BILONG MOSBI NA EM BELHAT WANTAIM NA EM LAIK KALAPIM BANIS NA GO PAITIM FULBEK YAH. TASOL OL MAN HOLIMPASIM EM...
LUSIM MI! MIGO PAITIM DISPELA MERI! LUSIM MI. EM LAIK TRAIM MIPELA OL MOSBI LAH?!

Nesanel gavman mas makim gavana

PEKU PILIMBO i raitim

GAVANA bilong Morobe Luther Wenge i tok long palamen dispela wik olsem nesanel gavman mas makim wanpela open memba long kamap gavana.

Em i tok olsem ol i mas makim tu ol kaunsel presiden na larim ol i mekim wok na i no pret long ol bai raus long opis.

Mista Wenge i tok sapos dispela kamap, wanpela gavman tasol bai ronim olgeta samting na i nogat wanpela man bai stap nating.

Em i tok nau ol kaunsel presiden tu i wok long pilai politik na yusim mani bilong ol pipel long traim holim

pawa yet.

Em itok taim Nesanel gavman i makim olgeta man, stat long provisel i go long lokel level, olgeta samting bai orait bikos em wanpela gavman tasol bai wok.

Mista Wenge i mekim ol dispela toktok long taim bilong tok pait long palamen long traim rausim gavana na tu senisim ileksen sistem bilong kantri.

Em i tok rausim rijinel sit bikos em kos bikpela mani tru long kempen na kamapim planti open sit.

Em i tok samepal rijinel sit olsem Manus na Sentrel provins i liklik tasol Morobe i bikpela tru wantaim liklik namba bilong memba.

Mista Wenge i askim gavman long katim ol elektoret i go liklik na larim ol manmeri i gat inap memba i makim maus bilong ol long palamen.

Em i tok em i askim pinis wanpela baudi ripot na taim em i redi nau bai em i kamap long palamen.

Memba bilong Wapendama Masket langalio i askim palamen long larim ol riinel memba i stap.

Em i tok sapos ol lida pipel i makim na i stap na nogat wanpela man i gat rait long rausim na makim nupela man long laik bilong ol.

Mista langalio i tok sapos ol lida i asua orait toksave long ol pipel na larim ol pipel yet i ken luksave na noken rausim olgeta nating long laik.

Kot bilong lida bai kotim John Kamb

OMBUDSMEN Komisin i tok olsem Memba bilong Kerowaghi Open na Minister bilong Komunikesen na Hai Teknoloji John Kamb bai sanap long lidasip traibunal.

Dispela i kamap bihain long Ombudsmen i painim

aut olsem memba ya i kisim K11,182.14 i kam long Nesanel Geming Kontrol Bod na yusim dispela mani em yet wantaim ol wantok bilong em yet.

Ombudsmen i tok olsem Mista Kamb i wanpela lida na em i gat rait long sanap logn

lidasip traibunal aninit long ogenik lo bilong dispela kantri.

Ombudsmen Komisin husat mekim wok painimaut long dispela samting i tok ol i paiknim aut olsem em i asua na i mas sanap bipo long kot bilong lida.

Em i holim opis yet i stap na mekim dispela pasin we i rong tru.

Ombudsmen Komisin i givim pinis dispela ol toktok i go long pablik prosekuta na ol bai sanapim memba long lukim sapos em i rong.



Bogia rot i bagarap • Ol pipel bilong Boroi, Garik, Ndamur na Kayan i stre-tim rot long ples bilong ol. Dispela em Bogia/Boroi rot. Dispela rot i save sevim Sepik provins na ol Hailans tu i save yusim long wokim buai bisnis wantaim ol Ramu na Sepik.

Ol yuni studen mekim hangare straik na lida kisim sas

HILDA WAYNE i raitim

OL STUDEN bilong Yunivesiti ov Papua Niugini i bin statim wanpela hangare straik bilong soim gavman olsem ol strong yet long pait bilong ol long gavman i mas stapim praive-taisesen na len mobilaisesen.

Hangare straik i min olsem bai ol sumatin i no inap kisim wanpela kaikai na stap nating inap gavman i harim kra i bilong ol.

Studen Kaunsel Presiden Augustine Molonges i tok ol studen bai i no inap lusim skul graun i go ausait long mekim gen ol protes bilong ol olsem na ol i painim we long stap insait long skul na go het long pait bilong ol.

Em i tok gavman i no bin givim wanpela ansa long diman bilong ol em ol i bin givim long Prais Minista Sir Mekere Morauta las mun na i luk olsem gavman bai i no inap harim toktok bilong ol.

"Mipela bai i no inap stapim pait bilong mipela na gavman i mas save long dispela," Mista Molonges i tok.

Yunivesiti administresen i bin sasim sampela studen lida tu long dispela wik bikos ol i tok sampela bilong ol i bin stapim ol wanwan studen na woklain husat i laik go long

klasrum long taim protes i laik stat.

Het man bilong yuni Dokta Thomas Wagner i tok dispela ol sas i no kamap long ol long wanem samting ol i bin mekim ausait long yuni tasol em ol sas bilong kain we ol i yusim long pulim ol sumatin i kam long joinim straik.

Tasol Mista Molonges i tok edministresen i noken mekim dispela kain pasin long stapim pait bilong ol sumatin.

Em i tok dispela kain pasin em han mak bilong gavman i laik stapim na holimpas ol lida na ol studen i noken mekim pait bilong ol egensim gavman.

Nesanel Unien ov Studens i sapotim ol toktok bilong ol wan sumatin bilong ol long UPNG na ol i laik bai gavman i noken hariap long kamapim praive-taisesen na len mobilaisesen.

Mista Molonges i tok ol sas em i lukim pinis tasol em i tok i nogat wanpela trupela samting long dispela.

Em i tok yet olsem i tru sampela i bin toktok long em i mas noken mekim ol toktok tasol em i gat rait long mekim wanem kain toktok em i ting olsem i stret.

Mista Molonges i tok komisisen ov inkuairi i laik kamap na em i stap redi long dispela tu.

Suprim Kot makim Oktoba long harim VAT kot

YAKAM KELO i raitim

MOROBE Gavana Luther Wenge itokaut olsem Suprim Kot i makim mun Oktoba long harim kot bilong enti VAT (Veliu Eded Takis) we 5-pela Jas olgeta bai sindaun na harim insait long Suprim Kot.

Mista Wenge itokaut olsem olgeta wok bilong Morobe gavman long kamapim dispela kot egensim Stet i go orait. Tasol kot i bin kamap isi isi bikos opis bilong takis o Intenel Revenu Komisin (IRC) na Stet i no redim ol yet gut wantaim ol pepa na toktok bilong ol long salensim Morobe gavman long dispela kot.

Tupela wik ago pinis, Sief Jas Sir Arnold Amet i bin harim dispela kot na i askim ol long kam bek long mun Oktoba long kot stret i mas kamap.

Mista Wenge i tok em i bilip olsem nau wantaim Oda bilong Suprim Kot long sapotim salens bilong ol pipel bilong Morobe long dispela lo bilong VAT, Stet i mas bihainim wanem oda kot i givim na dispela kot i mas kamap bihainim taim.

Mista Wenge itok sapos Stet i abrus long i no bihainim dispela kot oda bai Morobe Provinsal Gavman i go het yet long pinisim dispela kot long dispela ya.

Gavana Wenge i tok tu olsem em i amamas long kot i mekim oda long harim dispela kot long Lae siti. Dispela bai givim sans tru long ol pipel bilong Morobe long kam sindaun na harim dispela salens ol i kamapim long kot egensim Nesanel Gavman.


Mista Wenge i tok em i bilip dispela salens bilong VAT kot em i bikpela samting i no long ol pipel bilong Morobe tasol, tasol

i bikpela samting tu long olgeta pipel bilong Papua Niugini.

Dispela enti VAT kot salens em Morobe Provinsal Gavman i bin kamapim long salensim lo bilong takis we Nesanel Gavman i bin kamapim pinis we opis bilong VAT we IRC i go pas long en i kisim olgeta takis long olgeta hap provins na bihainim skelimi i go bek long ol provins. Mak bilong IRC i sasim takis long olgeta kaikai na ol samting insait long kantri em long 10 persen (%).

Morobe Provinsal Gavman i bin egensim dispela na i laikim Gavman i mekim sampela gutpela senis long dispela VAT lo o nogat, rausim olgeta.

Bikpela wok bilong pulim mani i bin kamap long Morobe provins na tu long Hailans, Morobe, Wes Nu Briten na Mosbi long kamapim dispela kot.



Pawa bilong makim ol Gutpela Lida o Lida Nogut i stap long vot bilong yumi

PLANTI ol manmeri pikinini i save kros taim ol Memba bilong ol long Nesanel Paliamen i no wok gut long developim ples bilong ol o i no kipim ol kainkain promis ol i bin mekim long taim bilong ileksen.

Dispela hevi i no nap kamap sapos ol manmeri i yusim gut vot bilong ol long taim bilong ileksen na votim gutpela lida long makim ol long Nesanel Paliamen.

Nau 2002 Nesanel na Lokol Level Gavman ileksen i laik kamap na ol lain husat i laik sanap olsem kendidet i wok long mekim kainkain samting long winim sapot bilong ol vota.

Pis, olgeta vota mas tingting gut. Sapos yu vot long lida nogut, pren, lida nogut

bai makim yu na Papua Niugini long Nesanel Paliamen na yu no nap rausim ol long Paliamen inap long narapela ileksen ken long 5-pela ya bihain.

Aninit long Lo bilong ileksen, ol Papua Niugini sitisen tasol i ken vot long ileksen na vot wanpela taim tasol.

Yu ken vot sapos yu enrol na putim nem bilong yu long Komon Rol. Komon Rol em i buk wantaim nem bilong olgeta manmeri husat i ken vot long ileksen na nau Iektorol Komisin i wok long enrolim ol vota long stretim gut Komon Rol bilong ileksen neks ya.

Iektorol Komisin em i ofis bilong lukautim olgeta ileksen insait long Papua Niugini na bos bilong ileksen, Mista

Reuben Kaiulo husat em i Iektorol Komisina, i tok ken tudei olsem olgeta manmeri i mas sapotim vota enrolmen na putim nem bilong ol long Komon Rol. Nogat, bai yu i no nap vot, Mista Kaiulo i tok.

Em i tok olgeta vota i mas enrol wanpela taim tasol na vot wanpela taim tasol long elektoret tru bilong ol. Yu noken giaman na enrol ol vot long 2-pela, 3-pela ol planti elektoret, Mista Kaiulo i tok.

Yu ken enrol sapos krismas bilong yu i 18 o abrusim pinis 18 ya, yu i no het longlong na save long pasin bilong vot, na yu i stap long elektoret bilong yu inap long 6-pela mun pinis o longpela taim mo long 6-pela mun.

Yu i no nap enrol sapos yu bin mekim wanpela bikpela trabel na Nesanel Kot i makim yu pinis long dai o kot i kalabusim yu long 9-pela mun o longpela taim mo long 9 mun.

Yu i no nap enrol tu sapos kot i tok olsem yu i bin brukim wanpela lo bilong ileksen 3-pela ya bipo long taim bilong ileksen.

Bos bilong ileksen, Mista Kaiulo, i tok olsem vota enrolmen bai i go het yet na pinis long April 4 neks ya taim ileksen bai stat.

• PNG Iektorol Komisin i sponsorim dispela ileksen Tok Save.

NIUGINI AILAN NIUS

Politiks mekim nois long Nu Ailan provins

TONY SAPAN i raitim

POLITIKS kempen bilong 2002 nesenel ileksen i wok long kamap bikpela nau long Nu Ailan provins we ol politikel pati i wok long tokaut long ol kendidet bilong ol long Namatanai na Kavieng open sit na tu long rijinol sit.

Limus kabinet bilong bilong lan Ling Stuckey Faundesen long Kavieng i sanapim pinis ol kendidet bilong ol long Namatanai na Kavieng sit. Tasol ol i no tokaut klia yet long bikpela pablik bung yet.

Wanpela opisa insait long opis bilong lan Ling Stuckey, Martin Aini husat i pikinini bilong Lavongai i kisim luksave long sanap resis long Kavieng sit. Long Namatanai sit em ol i luksave pinis long sanapim wanpela strongpela sapota bilong memba na menesa bilong wanpela spin op bisnis long Lihir gol maining em Ellias Salot.

Ol lain bilong Gavana Paul Tohian tu i sanapim pinis ol kendidet bilong ol.

Rommy Tobo husat em memba bilong wod 6 na Kavieng taun meya bai sanap long Kavieng open sit.

Deputi Gavana Sialis Sabagas em ol i luksave long em olsem kendidet bilong Namatanai open sit. Em i presiden bilong Sentrel Nu Ailan lokol level gavman na tu em i siaman bilong Kalsa na Turism.

Gavana Paul Tohian i tokaut long dispela tupela kendidet long taim ol i go opim tripela nupela komyuniti projek long Kulangit ples ausait tasol long Kavieng taun long Sarere Me 12, 2001.

Pipels Progres Pati (PPP) tu i wok long mekim toksave bilong em i kamap klia long ol lokol level gavman na ol pipel long Namatanai eria.

Nau olsem olpela memba bilong Namatanai Sir Julius Chan i no tokaut klia yet long tingting bilong em long sanap gen, i gat ol singaut i kamap long em i mas sanap gen. Longpela taim PPP sapota, Levi Salot bilong Pakinsela ples long wes kos eria i tokaut olsem ol sapota bilong PPP i sanap wan-



• Sir Julius Chan.

taim nau long givim bikpela sapot bilong ol long Sir Julius Chan sapos em i laik traim Namatanai sit gen.


Wanpela plen nau pati i wok long kamapim em long strongim sapot namel long ol sapotas insait long lokol level gavman olsem ol wod memba. Ol i lukluk tul ong kamapim ol membas husat bai



• Ian Ling Stuckey.

map ol presiden bilong Namatanai, Nimamar, Tanir na Konoagil lokol level gavman long neks lokol level gavman ileksen long Oktoba 2002. Dispela em long soim pati i sanap yet long strongim wok bilong developmen i go long ol pipel insait long eria.

Wanem samting i kamap long nau i go inap long taim bilong 2002



• Paul Tohian.

nesenel ileksen em samting bilong yumi wet na lukim. Ol pipel bilong Nu Ailan nau i save long husat ol bai votim. Ol i gat wankain pasin olsem ol arapela Papua Niugini manmeri we ol i ken go long bung bilong ol pati na harim ol toktok bilong ol na tu kisim wanem kaikai ol pati na kendidet i redim tasol ol i gat man bilong ol yet long votim.

WANTOK NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

Talasia presiden singaut long mani bilong kaunsil eria

FRED RAKA i raitim

PRESIDEN bilong Talasia Lokol Level Gavman Lucas Waka i mekim bikpela singaut nau i go long Gavana Clement Nakmai na Wes Niu Briten Provinsel Gavman long givim nau ol mani bilong kaunsil bilong em, na tu bilong ol arapela tenpela Kaunsil insait long provins. Presiden Waka i tok olsem olgeta wok projek, ol ekstensen wok na ol arapela ol wok bilong LLG bilong em i hangamap nau bihainim sot bilong mani.


"Yumi stap nau long namba 3 Kwata' bilong yia 2001, tasol i

nogat tru wanpela wok kamap i kamap insait long Kaunsil eria bilong mi.

Kaunsil nau i wok long tokim ol pipel husat i kam long opis bilong kisim helpim olsem LLG i nogat moa mani olsem na projek bilong ol, wari na wanem kain askim ol pipel i gat, Kaunsil bai no inap wok long en," Presiden Lucas Waka i tok.

Mista Waka i tokaut tu olsem kaunsil bilong em i rausim pinis sampela wokman na liklik lain wokman tasol nau i stap long lukautim opis bilong LLG.

Kimbe Sekendri Skul tu i gat wankain hevi. Menesmen bilong skul i bin salim ol sumatin i go bek long ples las wik bihainim



• Clement Nakmai.

sot bilong mani long skul.

Bod ov Menesmen bilong skul i mekim dispela pasin bikos skul i no inap tru long lukautim

ol sumatin we namba bilong ol i sanap olsem 600 taim skul i nogat inap mani.

Menesmen bilong skul i tok olsem ol i bin sambai long Provinsal Gavman bilong givim seken kwata mani i go long skul, we bai ken helpim skul long muv i go insait long namba 3 taim tasol dispela i no bin kamap.

Long dispela taim yet hetman bilong edukesen insait long provins Tony Luvongit i tokim redio Wes Nius Briten olsem seken kwata sabsidi bilong ol skul i redi nau na ol skul bai stat long kisim ol dispela mani neks wik.

Biabia ELEKSEN 2002!
KLOSTU NA BIABIA LAIK GO SANAP GEN LONG ELEKSEN...

HE! HE! HE! KLOSTU TAIM BILONG ELEKSEN... MIMAS SALIM TOK I GO LONG PLES!

EM SALIM OL KEMPEN BOS LONG GO TOKSAVE LONG OL PIPOL LONG PLES...

GO TOKSAVE LONG OL LAIN LONG PLES... FADA IS BEK!!

RAIT OLGETA!

NAU OL I GO NA TOKTOK LONG OL PIPOL...

MINISTA BIABIA SALIM TOKSAVE.. EM BAI SANAP GEN! GIVIM VOT!

OL PIPOL KIRAP NA GIVIM TOKTOK BILONG OL I GO LONG BIABIA...

TOKIM MINISTA... FAIPELA YIA OLGETA MIPELA WETIM EM. MIPELA LES PINIS LONG EM!

AIYA MATMAT BILONG EM IREDI NA WET I STAP!

ORAIT! ORAIT!

Plis na Woda mekim gutpela wok long daunim trabel

EKTING Provinsal Edministreta bilong Wes Niu Briten, Paul Rame i givim bikpela tok amamas na tenkyu i go long ol plisman na ol woda long Kimbe long gutpela wok tru ol i bin wokim bihainim tupela bikpela hevi i bin kamap long taun na ol setelmen na ples klostu long taun tupela wik i go pinis.


Dispela tupela trabel em long i dai bilong wanpela plis sajen long ran bilong ol raskol long Ligo setelmen insait long taun na pait namel long ol asples Mai pipel na ol welpam taun bilong Kavui. Dispela tupela trabel i bin givim hat taim tru long plis we namba bilong ol plisman long Kimbe i bin sot tru.

"Mi salim tok tenkyu tru i go long ol plisman bilong yumi, ol woda bilong Lakiamata Korektiv na ol lain plis i bin kam long Rabaul bilong karim aut gutpela wok we i bin mekim na i bin nogat bikpela birua i kamaut long dispela tupela trabel Mista Rame i bin tok.


Mista Rame i luksave tu na em i tenkim ol gutpela pipel bilong taun long luksave bilong ol long dispela hevi, na long yusim gutpela tingting we ol i bin stap isi tasol na bihainim ol oda na toktok i kam long edministren na ol gavman lida bihainim dispela tupela trabel.

Long dispela taim yet spesel operesen bilong ol plis na woda i wok long go helt yet, olsem na edministreta i mekim bikpela askim i go long ol pipel na ol bisnis haus insait taun long sapotim na helpim dispela operesen, we plis i ken holim pasim olgeta raskol lain we ol i bin kamapim dai bilong dispela plis sajen na bilong strongim bel isi namel long ol pipel bilong Mai ples na ol wel pam setelmen lain long Kavui.

"Sapos yumi laikim gutpela sindaun na bel isi insait long komyuniti bilong yumi na wok kamap na bisnis i ken go het, yumi mas putim han wantaim long kamapim gutpela na stretpela pasin i bihainim lo na oda, em i tok.



SEPIK NIUS



Nogat petrol long plis helpim komyuniti

ALISON ANIS i raitim

PLIS long Wewak i bin laik go holimpas sampela raskol husat i bin stil long wanpela stoa long Marienberg long las mun tasol ol i no inap mekim olsem nau long wanem ol i nogat petrol long go mekim wok bilong ol.

Long Marienberg misin stesen las tupela wik i go pinis sampela raskol i bin kam insait long stesen na stilim planti samting tru bilong misin na ol plis i laik go mekim wok painimaut tasol hevi bilong ol em nogat petrol. Is Sepik Provinsal Plis Komanda

Leo Kabilo i tok ol planti ripot i kam olsem sampela raskol i wok long raun bagarapim ol lain manmeri long komyuniti tasol em i tok i no gat we tru long ol i ken go mekim ol wok painimaut na holimpas husat man i wok long bagarapim ol komyuniti.

Ol plis i redi long kisim bot bilong ol i go long wanem bot em wanpela we bilong ol i ken yusim long go antap long Wara Sepik na lukluk long hevi.

Ol plis long Angoram na Wewak i wok bung long wok long dispela hevi tasol i no gat ripot i kam long ol plis long Angoram long wanem samting ol i mekim long dispela hevi.

Agrimen bilong Is Sepik tuna projek i orait nau, Auali i tok

GAVMAN bai sainim olgeta agrimen na ol pepa bilong larim Is Sepik Tuna projek i go het long dispela wik. Minista bilong Praivetaisesen Vincent Auali i tokaut long dispela long palamen long dispela projek i go het.

Mista Auali i mekim dispela toktok long bekim ol askim bilong rijinol memba bilong Is Sepik Sir Michael Somare.

Sir Michael i askim long wanem taim tru bai olgeta wanbel na pepa i go orait long larim dispela bikpela projek bilong provins na kantri i go het.

Sir Michael i askim tu long wanem as na PNG Habas Bod i kamap wantaim nara-

pela lis pemen bilong wof bihain long olgeta wanbel na tok orait i bin kamap gut pinis.

Minista Vincent Auali i tok dispela hevi i pinis na olgeta pepa i orait nau long sainim agrimen long larim dispela tuna projek i go het.

Mista Auali i tok olgeta wanbel namel long South Sea Tuna na Gavman i orait nau na wanem arapela senis we i kamap em ol i stretim pinis.

Mista Auali i tok taim ol i sainim dispela agrimen long dispela wik, gavman i no inap oraitim arapela moa askim o singaut.

Em i no tokaut long wanem taim o de tru bai ol i sainim dispela agrimen bilong Is Sepik Tuna projek.

Dispela projek i bin kisim tok orait na sapot bilong dispela gavman bilong Sir Mekere Morauta na kabinet i bin oraitim.

Dispela hevi i pinis na olgeta pepa i orait nau long sainim agrimen long larim dispela tuna projek i go het.

- Minista Vincent Auali i tok

Yumbui wetim Elcom long pulim pawa long ilektoret


YAKAM KELO i raitim

MEMBA bilong Wosera Gawi Gallus Yumbui i pret nogut Elcom i nogat mani na mani bilong em long wokim pawa lain i go long ilektoret bilong em bai lus nating.

Mista Yumbui i bin mekim dispela toktok long palamen long dispela we em i askim Minista bilong Praivetaisesen sapos Elcom i ken go pulim pawa lain long ilektoret bilong em bihain long em i putim mani i go pinis bilong mekim kamap dispela projek.

Mista Yumbui i tok em i bin putim mani olsem K200,000 pinis long las mun na K300,000 bai i kam long ruel distrik fan bilong em long pulim pawa lain i go insait long ilektoret bilong em.


Mista Yumbui i tok em i harim tu olsem Elcom i sot long mani nau na nogut mani bilong em long projek bilong em i bagarap o lus nating. Olsem na em i laikim Minista i lukautim wok bilong Elcom long lukuk long



• Michael Somare dispela hevi na stretim projek bilong em hariap.

Minista bilong Praivetaisesen Vincent Auali i tokaut olsem em i tru em i save long mani bilong memba long pulim pawa lain i go long ilektoret bilong em.

Mista Auali i tok em i kisim ripot i kam long Elcom pinis long K120,000 memba i bin



• Vincent Auali.

putim long las yia na tu em i bin kisim risit bilong narapela K200,000 memba i bin putim long projek bilong em long mun Jun. Long K300,000 em dispela mani bai kam long fan bilong memba aninit long opis bilong Ruel Dvelopmen. Tasol Elcom i no kisim dispela mani yet bikos dispela mani i no redi yet.

Mista Auali i tok Elcom i no sot long mani tasol BP kampani husat i save saplaim Elcom long fiul i laikim Elcom i mas baim ol stret na kisim fiul. Olsem na dispela i mekim sampela wok bilong Elcom long pulim pawa lain long ol distrik i go isi liklik insait long sampela distrik.

Gavman katim daun kaikai bilong ol refuji

WINIS MAP i raitim

GAVMAN atoriti i givim toksave long ol lain husat i wok long givim kaikai long ol refuji kem arere long Nesenel Brodcasting Koporesen trensmite stesen klostu long Vanimo taun i mas isi isi na lukaut gut long givim kaikai.

Pater Tommy Thomas bilong Katolik

sios long Vanimo i tokim Wantok olsem ol provinsal afeas opisals i givim oda long katim daun namba bilong kaikai ol i save givim long ol refuji lain.

Pater Tommy i tok Chris Kati, wanpela opisa bilong provinsal afeas dipatmen i tokim ol long daunim kilo bilong rais i go daun long wanpela kilo long wanwan man o meri long wanpela wik.

Em i tok sios i tok orait long toktok bilong gavman tasol dispela toksave bai i stap long olgeta kaikai gavman tasol i givim.

Pater Tommy i tok dispela kilo bilong rais i no inap long lukautim wanpela man long wanpela wik bilong wanem em i liklik kaikai tumas.

Em i tok sios bilong em i bin karim hevi long givim kaikai long ol refuji lain husat ol Wes

Papua boda krosa na gavman i save givim liklik helpim tru taim ol boda krosa i muv long Wutung boda pos i go long Vanimo long Disemba las yia.

Las wik Salvesen Ami givim 50 beg rais na sampela katen tin pis na mit.

Pater Tommy i tok laip bilong ol lain long boda i no senis taim ol muv i go long Vanimo.

Em i tok ples nau ol i

stap long em i nogat gutpela wara saplai na ol i wok long yusim ol blupela sel long mekim haus em ol sios na narapela ejensi i givim.

Katolik sios i wok long toktok strong long refuji kem i mas go long Blek Wata klostu long Vanimo bilong wanem i gat graun bilong helpim ol boda krosa long mekim gaden bilong ol na gutpela wara i stap bilong ol i ken dring.

O PLIS.. MP B'LONG MI... NOKEN LUS TING-TING LONG VOT "YES" LONG NUPELA ILEKSEN RIFORMS... GUD4 MI, NA GUT 4 PNG!!



Awareness on proposed changes to the electoral system

TI (PNG) Inc. and its coalition partners together with the Constitutional Development Commission and Electoral Commission bringing education and awareness on the electoral reforms to the people through the Electoral Reform Project.

For information on Preferential voting System, Fax 321 3716, or write to: Electoral Reform Project, PO Box 591, Port Moresby, NCD, PNG or Email: dlayfor@online.net.pg

Electoral Reform Project SUPPORTED BY THE EUROPEAN UNION



SAUTEN



RIJON



Oro pipel nogat beng sevis

HELEN REI i raitim

OL pipel bilong Oro provins i kisim taim stret na painim hat long rausim mani bilong ol long beng bikos wanpela beng tasol long Popondeta, PNGBC i stapim sevis bilong em bihain long ol wok manmeri i straik.

Ol pipel i save go long wanpela beng tasol na taim em ol manmeri i no wok na ol stapim ol ATM masin tu bikos mani i pinis long ol dispela masin.

Provinsel Edministrata Raphael Yibmaramba i tok save olsem ol pipel i nogat mani stat long taim beng i pas las wik Tunde.

More long 300 oil pam wok manmeri na pablik sevan i kisim taim na i painim hat long kisim kes mani long sek. Ol stua tu i no kisim sek mani o tok orait long yusim kat long ol kastoma.

Ol manmeri pasim tok long kamapim wanpela mas i go long opis bilong provinsel edministrata tasol Provinsel Plis Komanda i tambuim ol.

Mista Yibmaramba i tok ol yunien opisal long wanpela miting olsem jenerel pablik i sapotim tru straik bilong ol wok manmeri long beng tasol ol wok manmeri mas traim na luksave long hevi ol i kamapim long ol manmeri na givim sevis i go bek.

Em i tok ol pablik i no wanbel na traim kisim ol i

go long han bilong ol yet tasol plisman i stapim hariap.

Wanpela kastoma i tok stat long las wik Fraide, nogat wanpela kes mani i stap long ATM masin. Stat long dispela taim ol kastoma i stat long gat hevi na painim rot long rausim mani.

Mista Yibmaramba i tok sampela wok manmeri i kisim pret toktok bikos Popondetta em liklik taun na ol pipel i save long husat wok long beng na ol i slip long wanem hap.

Em i tok i no olsem narapela ol senta long kantri we i gat planti beng, Popondetta i gat PNGBC tasol na ol i kisim taim stret.

PNGBC long Popondetta i save gat longpela lain wanwan de long fran long beng na ol stua tu i nogat manmeri raun i stap.

Mista Yibmaramba i tok ol i ting long askim provinsel gavman bai ol narapela beng na i ken kam sanapim wanpela beng long Popondetta.

Em i tok ol i raitim pas i go pinis long wanpela beng na i wet tasol long kisim bekim.

Long wankain taim ol i luksave pinis long wanpela haus we beng i ken sanap na tu graun bilong beng i ken kamapim wanpela narapela senis em i laik mekim.

Cameron Sekenderi Skul kisim helpim

MILEN Be Provinsel Plening na Baset Praioriti Komiti i tok orait pinis long K150,000 bai go long Cameron Sekenderi Skul.

Skul bai yusim dispela mani long baim sia, desk, narapela samting bilong skul na wankain taim yusim sampela bilong kamapim narapela projek.

Gavana bilong Milen Be i tokaut long dispela mani taim em i toktok long Kalsarel So bilong Cameron Sekenderi Skul las wik.

Skul i kamapim dispela wanpela de so long kirapim na toksave long ol narapela manmeri insiat long i kantri na ovasis tu long wanem kankain pasin kalsa i stap

insait long Milen Be na tu long kantri.

Wanpela tisa long skul, Thomas Crehan i givim tingting olsem i mas gat wanwan haus stail ol i painim insait long Milen Be na tu arapela provins.

Bihainim dispela tingting ol i sanapim pinis wanpela haus -bilong ol grup i kam olsem long Niugini Aillans na narapela bilong ol Sentrel, Galf na Westen provins.

Mista Philemon i tok amamas long Milen Be Visitas Biro na PNG Turism Promosen Atoriti long wok bung yet na kirap turism insait long provins na Cameron em wanpela gutpela piksa.

Em i tok olsem ol praivet bisnis i beksait bun tru bilong kamapim developmen insait long provins.

Em i tok long kamapim wanpela kain ples we ol kankain manmeri bilong PNG na opvasis i kamapim bisnis em wanpela gutpela samting tru na ol ol praivet sekta inap mekim dispela samting.

Em i tok amamas long ol tisa, papamama na pipel bilong Cameron olsem wanem pasin ol i mekim i karim bisnis i kam insait long eria hna dispela em wanpela gutpela pasin stret.

Mista Philemon i tok olgeta manmeri i mas tuhat pas-taim na bihain kisim bekim

bilong em na pikinini bilong ol i ken stap gut.

Em i tok PNG i laki tru long gat ol kankain kastom na kalsa bilong em holim yet na i no olsem ol narapela kantri.

Em i tok yumi olgeta noken lukim dispela pasin bilong yumi olsem samting bilong tumbuna na llus tingting bai ol skul manmeri i kam stadi.

em i tok yumi mas luksave olsem dispela em wanpela gutpela kastom bilong yumi na yumi mas holim pasim gut.

Ol pipel i mas yusim kastom olsem wanpela mak bilong bihainim na bringim developmen i kam insait long kantri.

Kuni pipel i selebretim 100 yia bilong Katolik sios

DANIEL MONA i raitim

SENTREL Provins Gavana Opa Taureka na Kairuku Hiri memba Moi Avei i joinim moa long 100 manmeri bilong Kuni, Roro, Nara, Mekeo, Kairuku na Gailala long selebretim 100 yia bilong kamap bilong ol namba wan misinari long hap bilong ol.

Gavana Taureka i tokaut long gavman bilong em bai wok klostu wantaim Bereiona Katolik Daiosis long bringim ol helt na edukesen sevis long ol pipel.

Mista Taureka i rausim karamap long ston we i holim mak bilong 100 yia bilong Katolik sios i kamap long Kuni eria long Desemba 25, 1900.

Em i mekim bikpela tok amamas i go long Katolik sios long sapotim ol pipel wantaim ol sevis olsem rot long Arapokina i go long Kubuna na Bakoiudu na tu wantaim gutpela senis ol pipel i kamap long en tude.

Dispela em namba wan taim bilong Gavana Taureka long go long Kuni we em i maus rot i go long Gailala eria. Em i selebret wantaim ol pipel na stap long wiken long hap.



• Ol yut memba bilong Kivori yut i soim wanpela drama pilai long makim 100 yia bilong Katolik sios i go long ples bilong ol.

Mista Taureka i mekim bikpela tok amamas i go long ol komiti husat i go pas long kamapim dispela gutpela selebresen. Ol komiti em siaman Andrew Fanau, Thomas Kanufa na Paul Kafaia.

Bisop bilong Bereina Gerad Deschamps i askim gavman, ol pipel na sios long wok bung wantaim long narapela 100 yia i kam. Em i salensim ol pipel bilong Kuni long strongim bilip

bilong ol na wok i go moa long nupela spirit bilong developmen.

Em i tok amamas long ol pipel long strongim yet pasin tumbuna na kalsa bilong ol long stap isi na gutpela laip insait long komyuniti bilong ol.

Minista bilong Bogenvil Afeas Moi Avei i bin go tu long dispela taim em em amamas long lukim dispela selebresen na em i promis long putim K10,000 i go

insait long wok bilong kamapim Kubuna Helt Senta.

Bisop Gerad Deschamps na Oksilari Bisop John Rimbati i selebretim misa na bihainim joinim ol sief na ol lida bilong ples long kaikai long bikpela haus bilong sief we ol i wokim we inap holim moa long 300 pipel.

Ol ples lain i mekim ol singsing na danis na ol yut i putim aut ol drama na ol gospel singsing long nait.

BOROKO FOODWORLD

AT GORDONS

Groseri Spesol

Cheese Twist 25gr	K0.35t
Maggi Noodles 85gr	K0.55t
Diana Tuna in Tomato Sauce 425gr	K2.55
Sigri Coffee 250gr	K4.39
Rosella Tomato Sauce 300ml	K2.34
Prima Fruit Juice 250ml	K0.99t
Globe C/Beef Round 200gr	K1.77
Cold Power 200gr	K1.57
Paradise No.1 Biscuit 100gr	K0.47t
Weet Bix 375gr	K3.78
Meadow Lea Oil 250 ml	K0.99t
Mortein Lure & Kill 100gr	K2.65

Ol Spesol bilong dispela Wik!

Zenag Stewing Pieces 900gr	K3.74
Zenag Soup Pieces 700gr	K2.89
Saveloys per kg	K5.49
Beef Sausages per kg	K6.95
Pork Sausages per kg	K6.95
Flavoured Sausages per kg	K7.95

EXTENDED TRADING HOURS

Monday to Wednesday - 8.00am to 7.30pm
 Thursday / Friday - 8.00am to 7.30pm
 Saturday / Sunday - 8.00am to 7.30pm

Hamamas na baim kaikai long Boroko Foodworld Gordons!

Planti moa kaikai prais i go daun long en!
 Ph: 325 7566, 325 7310 Fax: 325 7096



HAILANS



NIUS



• **Westen Hailans Kausel of Wimens Presiden Paula Mek i givim setifiket long John Mond bihain long wanpela pri-skul trenas woksop long Kugark mission stesen, Minj, WHP. Meri namel em Presiden bilong Kugark Wimens Asosiesen Wkum Dorum. Foto: Sape Metta .**

Ol man katim wanpela plisman

WANPELA plisman i dai na planti i kisim bagarap long wanpela birua insait long Isten Hailans provins las Sarere.

Ol i katim man wantaim busnaip na planti arapela plisman kisim bagarap long spia na naip tu.

Ol plisman i lusim wantok bilong ol husat laik dai bihain na ol i ronawe long dispela birua we i kamap long Batanabura viles.

Wanpela bikpela plis grup tru bilong Goroka i bin traim painim aut wanem samting i kamap kisim wantaim bilong ol i kam aut long Sande tasol ol painim bodi bilong plisman ya wantaim ol mak bilong spia, naip na tamiok mak.

Dispela plisman em fes konstebol Albert Ela Kapala wantaim ol pren bilong em i traim holim pasim wanpela bikpela raskol man husat

ronawe long kalabus taim dispela raskol man i tanim na katim plisman ya wantaim bus naip.

Nem bilong dispela raskal man husat ronawe em Neso Tana, kris-mas bilong em namel long 20-30 bilong Batanabura viles.

Plis i biilp olsem em i tanim na katim tripela plisman wantaim bus naip na ol man i bung na ronim ol plisman.

Mt Hagen So bai kamap

NAMBA 22 Maunt Hagen So bai kamap neks mun long Kagamuga So graun na dispela kain sò save pulim planti manmeri tru.

So Komiti Siaman Simon Kuk long dispela wik i tok olsem ol i redim pinis ol samting long kamapim wanpela bikpela so insait long nupela milenium.

Dispela so bai kamap long 18 na 19 de bilong Ogas na dispela so bai lukim planti singsing grup i stap insait. Namba bilong ol singsing grup i winim las yia na i stap long 60, 20 moa long las yia.

Bikpela samting long so em ol singsing grup. Narapela samting em empiteta, gris pol, matiel ats na ragbi lig gem namel long Waghi Turnbe na Mt Hagen Eagles husat i no moa sap insait long dispela yia SP Kap resis.

"Mipela statim pinis wok long stretim ol samting long so graun. Ol bisnis manmeri i givim gutpela bekim wantaim sponsa na kamapim toksave long traim holim strong gutpela pasin tumbuna bilong kantri.

"Bihain long tripela wik bikpela Mt Hagen so bai kamap," Mista Kuk i tok.

Ol hotel, lods na gast haus insait long provins i salim pinis spes long ol manmeri pinis na i pulap tru.

I luk olsem moa long 300 i go long 400 ovasis turis bai kamap long dispela so bikos so ya i winim tru na bikpela long Saut Westen Pasifik.

Wanpela hotel menesa long Mt Hagen i tok dispela wik olsem ol manmeri i bukim pinis na planti i wet yet long kisim rum na long wankain taim ol i askim Kalsa na Turism Minista Sir Pita Lus long opim dispela so tasol i luk olsem em bai i no inap kamap.

Mista Kuk i kisim K1,500 dispela wik olsem sponsa mani long Coca Cola na narapela K1000 sek mani long Lae Bisket Kampani. Long wankain taim tupela kampani wantaim i givim 100 katon bilong bisket na sof dring tu.

Bikpela sponsa em Westen Hailans provinsel gavman husat kamap wantaim K50,000 long kamapim so.

Ol narapela sponsa husat stap insait long kamapim dispela so em long Turism Promosen Atoriti, Trans Niugini Tours, Daewon Trading, Collins & Leahy, Wamp Nga Group of Companies and Coral Sea Group of Hotels.

Long taim bilong givim sek mani, Coca Cola Haailans Rijinel Menesa Quill Balen i tok em wanpela pasin bilong kampani long sponsorim so ya insait long las 11-pela yia na dispela pasin bai i stap yet.

"Dispela gutpela pasin i soim olsem yumi gat laik long gutpela pasin kastom bilong yumi long Westen Hailans na kantri tu. Olsem wanpela kampani, mipela amamas long helpim," Mista Balen i tok.

Eria Sels Supavaisa bilong Lae Bisket Kampani long rijen Samuel Koyomu i tok olsem ol bisnis wantaim ol pipel i mas wok bung wantaim na kamapim na holim yet pasin tumbuna bilong yumi."

"Yumi ken kamapim bisnis na tingting long bisnis tasol taim em kam long pasin bilong amamas pasin tumbuna, yumi olgeta i mas stap insait na stretim," Mista Koyomu i tok.

ENROL NAU



TOK SAVE I GO LONG OL PIPEL BILONG ENGA, SIMBU, ISTEN, SAUTEN NA WESTEN HAILANS

Ilektorol Komisin bai i kam long ples bilong yu stat long mun Julai i go inap long mun Ogas long dispela yia 2001.

Sapos yu laik vot long 2002 ileksen, nem bilong yu i mas stap insait long buk ol i kolim Komon Rol. Taim ol lain bilong Ilektorol Komisin i kam lukim yu, yu mas stretim gut toktok bilong yu long Komon Rol.

Sapos krismas bilong yu i 18 o krismas bilong yu i abrusim pinis 18 yia, yu ken putim nem bilong yu insait long Komon Rol taim yu filim Enrolmen Fom.

Ol pipel bai bilip olsem ileksen bilong Papua Niugini i fea na gutpela sapos Komon Rol i stret na i no rong.

Tingim Gut! Lo i tok Yu Mas Enrol!



**ELECTORAL
COMMISSION
Papua New Guinea**

SAPOS YU I NO KLIA GUT LONG WOK BILONG ENROLMEN, RINGIM OL DISPELA TELEFON NAMBA:
SAUTEN HAILANS PH: 549 1378 · ENGA PH: 547 1144 · WESTEN HAILANS PH: 542 2349
SIMBU PH: 735 1204 · ISTEN HAILANS PH: 732 1151

Toktok i kam long Papua Niugini Ilektorol Komisin

Madang Nius



Bikpela bung bilong ol meri bai kamap long Madang

ALISON ANIS i raitim

WOMEN in Politik (WIP), em wanpela non gavman oganaisesen na bai em i holim wanpela bung bilong em long Madang stat long August 13 i go 17 neks mun. Dispela bung bai traim long kamapim aweanes long ol elektrol wok na traim long givim save long ol lain long sistem bilong vot long PNG na promotin ol meri kenidet bilong neks yia jenerel eleksen.

"Tingting bilong mipela em long mekim sampela aweanes namel long ol meri husat i laik sanap long ileksen bai ol i ken save long olgeta level bilong gavman long lokol level na palamen olsem bai ol i ken redi long ileksen neks yia," ekting presiden bilong WIP Margaret Loko i tok.

Sampela hap toktok bai ol i mekim em long ol elektrol rifom projek na vota edukesen sistem na tu toktok long ol politikel pati.

Mis Loko i tok wanpela samting bai ol i lukluk gut long em, em long vota edukesen sistem em Nesenel Kaunsil ov Women i bin toktok long em long Lae i no long taim i go pinis. Dispela bai i helpim ol meri long taim ol i laik mekim ol wok bilong ol long ileksen.

Em i tok long dispela bung em i laikim bai ol politikel pati i ken kam na luksave long wanem kain ol meri i laik sanap long ileksen na givim sapot long ol i ken sanap resis wantaim ol man.

Mis Loko i tok ol pati bai helpim ol memba long sanap long ileksen na go insait long palamen na ol meri i mas luksave long dispela. Ol meri husat i laik sanap i mas kisim ol fail bilong ol na ol polisi bilong ol na toktok long dispela bung na bai olgeta i ken luksave.

Ol lain husat i laik kam long bung i mas stretim we bilong ol long go long Madang na kam bek long ol ples bilong ol taim bung i pinis.

Em i tok WIP i mekim planti wok wantaim PNG Ilektrik komisen, Konstitusyenel Developmen Komisen na ol memba bilong palamen long sapotim ol meri kenidet long sanap long ileksen.

Tim bilong Angau go long Modilon long helpim

WANPELA speselis tim long Lae i bin go raun long Modilon Jenerel Haus sik long Madang long mekim ol fri mentenens na stretim ol atifisel pat bilong ol bodi bilong ol man na ol wil sia.

Dispela tim i kam long Angau Memorial Haus sik long Lae em tim lida Rajesh Nanda na tripela teknisen bilong em i bin go wantaim.

Planti ol lain husat i nogat ol hap lek o han na ol lain husat i save sindaun long wil sia long Madang i save go long Lae olgeta taim ol kisim helpim bilong ol long wanem Modilon i save painim hat long helpim ol. Dispela tim long Lae i stap

tripela de olgeta long stretim ol wil sia na ol giman o atifisel lek na han nabaut.

Sista Judith Aupae'e bilong Modilon i tok dispela tim i bin kam na helpim ol gut tru na stapim wari bilong sik kain long go olgeta long Lae long kisim ol wil sia na han lek we i no save stap long Madang.

Em i tok dispela tim i bringim sevis i kam klostu long ol sik lain na ol i save kam wanwan taim long olgeta yia na dispela em i namba foa taim bilong ol i go long Modilon. Long las yia Mas ol i bin go na givim helpim long 33 atifisel lain.

Tim lida Mista Nanda i tok namba bilong ol sik lain i go daun long dispela yia.

Em i tok em i sori tru long dispela bilong wanem ol i bin traim long bringim toksave i go long olgeta lain long Madang tasol redio NBC Madang i no bin wok na i hat long ol i tok save long pablik i ken kam kisim helpim olsem na namba i go liklik long dispela yia.

Mista Nanda i tok narapela as em nogat planti aweanes i bin kamap long toksave long tim bilong em bai go long Madang tasol ol i bin amamas long givim helpim long ol lain husat i bin kam.

I gat tripela senta we i save givim helpim long ol lain husat i nogat ol hap lek o han bilong ol.

Tupela man Madang go stadi long UK

TUPELA man husat i save mekim ol wok painimaut wantaim ol binatang long Madang Parataxonmist Trening Senta (PTC) em ol i bin makim long go long United Kingdom (UK) long mekim stadi neks mun.

Dispela tupela man em Kenneth Molem na William Boen na dispela sans bilong tupela em British gavman i bin fandim. Taim tupela go bai tupela i go raun liklik long America, Czech Republic na Australia olsem stadi raun bilong tupela.

Gavman bilong UK i bai mekim 6-pela man olgeta long go stadi insait long tripela yia na tupela man em pes long go long dispela plen bilong UK.

Taim tupela i go long UK bai

tupela i stadi long we bilong mekim ol sevei na moa gutpela we bilong mekim ol wok painimaut wantaim ol kankain binatang. Bihain bai tupela i yusim ol dispela sevei long mekim ol mep bilong PNG long soim ol kain binatang we ol i no mekim wok painimaut yet long en na bai tupela i save long wanem ol bikbus o renfores long PNG em ol gutpela binatang i stap yet long mekim wok painimaut.

Tupela man i gred siks liva tasol ol i bin makim tupela long stadi long wanem tupela i gat planti ekspirians long mekim ol planti wokpainimaut long ol projek na stadi bilong kankain binatang long PNG.

Kenneth na William i bin

wok long PTC long Madang long 5-pela yia olgeta na tupela i save wok na helpim ol saintis bilong planti hap kantri long mekim ol wok painimaut.

Tupela bai mekim wanpela sotpela raun i go long Yunivesiti ov Minnesota na Smithsonian Institution long Washington DC long America. Bihain bai tupela i go long wanpela skul long Czech Republic na las raun bai tupela i go long Griffith Yuniversiti long Brisbane, Australia.

PNG i gat plantri kankain binatang long ol bikbus bilong em we i ken kamapim ol kain marasin nabaut na bikbus bilong yumi i gat planti kain plens na binatang we ol sain-

tis long wol i save kam mekim ol wok painimaut.

Ekting British Hai Komisina Christopher Thompson i tok em i amamas long wok bung long mekim dispela projek long Madang na raun stadi bilong tupela man.

Mista Thompson i tok PNG i gat planti gutpela samting bilong bus na ol plens na animals tasol em i nogat ol risos long helpim long lukautim ol na em i tok gavman bilong em i laik salim tupela man i go long tupela i ken mekim ol wok wantaim ol bikpela save man long ol yunivesiti long wol na kam bek wantaim gutpela save long we bilong lukautim ol samting em yumi tasol i gat na planti lain long wol i nogat.

Kos bilong helpim Madang kisim rifom

LILLIAN BAISE i raitim

MADANG Tresari Dipatmen i bai mekim wanpela wanwik kos long mekim ol lain redi long kisim rifom we bai i kamap long pinis bilong dispela yia.

7-pela lain bai kisim dispela kos na bai ol i kisim

trening long ol kain klem bilong ol mani wok long mani.

Provinsal Tresara Gabriel Saul i tok dispela rifom long sait bilong mani em long kamapim faivpela tresari sekta insait long faivpela distrik long Madang.

Dispela rifom i kamap bihainim nupela ogenik ol long Provinsal na Lokol

Gavaman Ekt.

Mista Saul i tok long taim bipo lokol level gavman i save mekim ol akaunting wok

bilong em yet tasol taim rifom i kamap tresari dipatmen bai mekim ol dispela wok bilong nesenel na ol provinsal gavman.

Em i tok Bogia na Karkar bai kamap pes tupela sekta

long traim aut dispela nupela sistem long mekim ol wok bilong ol sek mani.

Mista Saul i tok ol i no bin kamapim rifom hariap long wanem ol infrastraksa sevis long provins i bin bagarap nogut tru. Ol haus bilong ol hetkuata wok lain bai silip i no bin gutpela na ol kompyiuta koneksen i no bin stap stret. Antap long ol dispela

hevi em nogat-men long stretim ol dispela wok long rifom i mas go het.

Em i tok ol i mekim pinis tupela haus long Bogia na Karkar long ol wok lain bilong em i go na silip bai i isi long ol pablik sevens i ken kisim sek mani bilong ol long eria bilong ol na maski hat wok i go olgeta long taun long kisim.

GENERATOR SET	ESKI KULAS
LAKI NAMBA TICKET 5423300	LAKI NAMBA TICKET 5215303 0900457 0187013 5487200 5297482 0864246 0395752 5482633 5431577 0799012 0500478 5181141 5379657 0897369 0600362 5109090 5479434 5133004 0967362 5137009 5411909

WINNERS CONTACT GFI OFFICES:
 PORT MORESBY PH: 320 2260 - LAE PH: 475 7066
 MT. HAGEN PH: 545 1570 - GOROKA PH: 732 3213
 RABAU PH: 982 9209 - BUKA PH: 973 9141
 MADANG PH: 852 1622 - WEWAK PH: 856 1708
 ALOTAU PH: 641 0472 - KIMBE PH: 983 4907
 POPONDETTA PH: 329 7366

Lae Nius

Pipel yet makim gavana

MEMBA bilong Lae Open Bart Philemon i tokim palamen dispela wik olsem ol rijinel sit o memba insait long kantri em ol wait man i bin putim na yumi bihainim yet.

Em i tok i nogat wanpela amting rong tasol nesene gavman i putim han na wok long rausim o mekim nabaut logn laik bilong olsem na sampela lo mas kamap bai ol rijinel memba i noken mekim sampela samting nabaut.

Em i tok planti provinsel gavman i kisim taim pinis na planti ol open memba i kamap gavana o sampela taim ol akunsel presiden i kamap gavana.

Em i ting olsem dispela em i no wanpeal gutpela samting.

Ol pipel bilong provins i no votim wanpela open sit memba, em wanpela ilekjtoret tasol na ol i noekn holim opis bilong gavana.

"Planti pipel i no votim yu long kamapim gavana," em i tok.

Em i tok open na rijinel memba i mas lus tingting long wanem kain tingting tupela yet i gat long nara-pela arapela. Lusim ting long hevi bilong tupela na wok bung wantaim long traim givim sevis long ol pipel.

Em i tok planti tok pait long pipia samting i kamap long palamen na nogat wanpela gutpela samting ol



• (Namel) Gavana Luther Wenge na Seko Presiden Guikta Nakalip i sanap wantaim ol viles kot na ol kuskus bilong Seko Kaunsel eria long Kabwum.

Givim K1.5 milien RDF long provinsel baset

MOROBE Gavana Luther Wenge i askim Nesene Palamen long stretim na pasim tok olsem dispela K1.5 milien rurel Developmen Fan bilong ol open memba i mas go long wanwan Provinsel Gavman aninit long baset.

Em i tok planti open memba i no save long yusim mani bilong ol gut na i mekim nabaut na planti paul pasin i kamap.

Gavana Wenge i tok Wol Beng na IMF i no inap givim dispela mani bikos ol lida bilong PNG i no gutpela.

"Yumi no fit long yusim mani na yumi pipia tru

long mekim gutpela wok," em i tok.

Em i tok ol lida save mekim ol pipia paul pasin na paulim mani olsem na Wol Beng na IMF i askim ol lida long senis.

Gavana Wenge i tok em i gutpela sapos ol open memba pasim tok na givim dispela K1.5 milien nau sampela i wok long paulim i go insait long Provinsel Gavman baset.

Em i ting olsem provinsel baset bai lukluk long helpim olgeta manmeri na i no olsem sampela grup tasol olsem nau ol open memba i wok long mekim.

Em i sutim tok long ol

Ol memba i stap we, Philemon i askim

MEMBA bilong Lae Bart Philemon i kros long ol memba no kamap long bung bilong dispela wik long sampela rifom gavman i laik kamapim long ileksen sistem na provinsel na lokal level gavman sistem long PNG.

Planti rifom gavman i kamapim na laikim palamen long tok orait i stap bipo long ol na ol i mas sindaun wantaim na tok orait o nogat tasol planti memba bilong palamen i no kamap.

"Yupela makim maus bilong husat na i kam stap long palamen?" em i askim.

"Yumi bai kamapim ol dispela rifom bilong ilek-

torel sistem o nogat?"

"Bilong wanem na ol i no stap long hia (palamen haus)?" Mista Philemon i askim.

Em i tok wok i stap wantaim palamen long stretim bihain bilong dispela kantri tasol planti memba i no save kamap long ol bung.

Em i tok bihain long 25 yia, i gutpela long sindaun wantaim na lukluk long ol lo bilong kantri nau na senisim wanem samting i bin go rong.

Em i tok nau em taim bilong lukluk long wanem hap gavman i go rong pinis na stretim ol dispela asua.

Em i tok planti samting i abrus na i no kamap stret

long ol yia i go pinis na dispela ol memba i mas sindaun wantaim na senis.

Em i tok planti memba i no kamap long laik bilong planti manmeri olsem na ol i sem logn sindaun long palamen.

Mista Philemon i tok nau em i taim bilong kantri long sindaun na stretim politiks insait PNG we i wok long bagarapim kantri.

Em i tok ol memba olsem wanem hap yumi go rong long en, lukluk gen long lo na traim stretim dispela.

Em i tok samting olsem ilektorel rifom lo we stap bipo long palamen i gutpela bikos dispela lo bai

lukim ol memba we planti manmeri i gat laik long en.

Em i tokim palamen olsem lo ya i gutpela na ol i mas bung wantaim na tok orait.

Na tu gavman i mas putim sampela mani bai kempen na toksave i go gut long ol pipel na ol i ken save.

Em i tok tu olsem wok bilong wanwan kandidate husat laik sanap long ileksen long toksave pipel dispela nupela lo bilong ileksen.

Mista Philemon i askim gavman long luksave olsem ol open memba i noken kamap gavana bilong ol provins bikos

Givim Nadzab ples balus long Morobe Gavman, Wenge i tok

PEKU PILIMBO i raitim

MOROBE Gavana Luther Wenge i askim Minista bilong Sivel Eviesen Atoriti (CAA) John Tekwie long givim Nadzab ples balus long Morobe Provinsel Gavman i ken ronim.

Gavana Wenge i tok em i askim i go na dispela em namba faiv taim em askim gavman long dispela askim.

Em i tok olsem Nadzab em wanpela bikipela ples balus insait long kantri tasol opis bilong CAA i no save lukautim na planti samting nau i bagarap tru na i stap.

Em i tok ples balus em bikipela bus tru i karamapim na i no moa luk olsem wanpela bikipela ples balus long PNG.

Em i tok olgeta toilet i bagarap na sia bilong ol manmeri husat go long ples balus i bagarap nogut tru.

Nogat wok manmeri bilong rausim ol pipia na i pulap yet i stap na ol trakta bilong katim gras i stap tasol nogat draiva na bensin bilong ronim ol.

Em i tok ol lain husat inap mekim dispela wok na stretim hevi i no mekim na bikipela hevi i stap yet.

Em i tok Morobe Provinsel Gavman i gat sampela mani i stap na i ken mekim dis-

pela wok na ronim ples balus gut.

Gavana Wenge i askim sapos opis bilong CAA inap givim sans long Provinsel Gavman.

Em i tok AUSAid i givim mani ol i stretim rot inap long Lae taun eria tasol ples balus i no luk gut.

Em i tok Provinsel Gavman yet bai sanapim wanpela atoriti na ronim dispela ples balus.

Long wankain taim Gavana Wenge i askim Nesene Gavman long lukluk long Hailans Haiwe, long Kassam Pass.

Em i tok kampani we kisim K6 milien na stretim dispela hap eria i no mekim gutpela

wok na ples i bagarap gen.

Em i tok planti wok bisnis i kamap long dispela hap bilong haiwe na Gavman mas lukluk long dispela.

Ol hailans i save karim kopi i kam bilong salim long ovasis na ol baim buai na nara-pela samting i go bek na em i gutpela sapos Gavman i mekim sampela samting long stretim dispela hevi bilong rot hariap.

Em i tok kopi i save karim bikipela mani i kam insait long kantri tasol nogat wanpela samting i kamap bilong helpim ol pipel.

Mista Wenge i askim tu Nesene Gavman long lukluk long Lae, Zenang na Bulolo Haiwe bikos dispela hap rot em bus i

Simbai lukautim namba 13 Sinod bilong Angliken Sios

ANGLIKEN daiosis long Aipo Ronge i holim namba 13 Sinod bilong em long Kaironk ples klostu long Simbai long Madang provins long las wik bilong mun Jun. Dispela Sinod i save kamap long olgeta tupela krismas.

Kaironk ples em olsem tripela aua long wokabaut na ol visita na deligesen i bin kamap long balus na bihain wokabaut long lek i go kamap long Kaironk ples we ol i sindaun long wanpela wik bilong toktok long ol wok na ol samting bilong wok insait long sios.

Ol pris na planti arapela wokman bilong sios na ol arapela deligesen tu i bin kamap makim 60 paris olgeta. Ol lain i kam olsem long Wewak, Lae na Nambaiyufa i bin kamap long dispela Sinod.

Asbisop James Ayong i go pas long dispela miting insait long tripela de. Wanpela bikipela toktok i bin kamap long makim Rijinol Bisop bilong Simbai na Movi eria we dispela inap kamapim bikipela senis long wok bilong sios insait long eria we i gat bikipela namba bilong ol Angliken manmeri long hap. Luksave i kamap olsem ol i inap makim Bisop long stat bilong yia 2002.

Arapela bikipela toktok tu i kamap we ol i toktok tu long Karina Evenjelikel Koles long Tsendiap, Aiome Angliken Hai Skul na Simbai Engliken Vokesenel Senta.

Ol manmeri i kamap long dispela Sinod i tok dispela em wanpela gutpela Sinod tru we i kamap taim ol i skelim wantaim ol arpaela



Ol studen long Simbai Angliken Vokesenel Senta i wokim wanpela klasrum.

Sinod long ol arapela krismas i go pinis. Daiosis bilong Aipo Rongo i go olsem long Lae, Morobe provins i go long Westen Hailans na Madang wantaim Wewak. Pastaim daiosis i stap long Rongo (Maunt Michael) na

Aipo eria (Maun Wilhelm) tasol i bin surik i go moa. Daiosis hetkota i stap long Maunt Hagen we Asbisop James i stap. Edministresen bilong daiosis i kam aninit long Seketeri, Martin Gardham husat i bin

holim dispela wok long 1996 i kam. Pater Irenaes Banpo i kam olgeta long Wewak na i ariamas long lukimi bikipela senis tru i bin kamap long dispela hap eria. Ol senis olsem Angliken Vokesenel

Senta na Sen Laurence Top Ap Praimeri Skul we i bin gat namba wan gret 8 greduesen long las yia. Pater Dennis Ririka bilong All Souls long Lae i bin kamap tu. Em i save gut long dispela eria bikos em bin go

Nupela Asbisop bilong Madang

KATOLIK Asbisop bilong Madang, Reveren Benedict To Varpin i risain na nupela Asbisop bilong Madang nau em Reveren William Joseph Kurtz, S.V.D.

Asbisop William Kurtz mama i karim em long Kepa daiosis bilong Opole long Polan long Me 28, 1935.

Em i go long Nesenel Hai Skul long Nysa. Long 1952 em i go insait long Sosaiti bilong Divine Word. Na long 1954 em i mekim namba wan wok lotu bilong em. Emm i kisim skul long wok bilong lotu long Maja Seminari long Pienienzno long Polan. Long Januari 28, 2962 em i kisim Odein na kamap pris.


Bihain long em i bin wok olsem

asisten paris pris long Bytom paris long tupela krismas, em i go long Gorna Grupa we em i karimaut wok pastorel long narapela tupela krismas gen.

Long 1967 Monsignor Kurtz i kamap long Papua Niugini na i go stap long Goglme we tude em yumi kolim Simbu provins (Long dispela taim em i bin hap bilong Isten Hailans provins na hap bilong Goroka Daiosis) na wok olsem asisten paris pris.

Long narapela yia, em i bin strong long kamapim nupela paris long Mai. Long Me 1981 ol i makim em Vika Jenerel bilong Goroka daiosis. Em i bin paris pris long Sen Michael tu long Koge.

Long 1982, daiosis bilong Kundiawa i bin kamap



• Asbisop William Kurtz.

Monsignor Kurtz i kamap namba wan Bisop. Long Oktoba 15, 1999, Monsignor Kurtz i kamap

Wanpela pris na tripela dikon bai kisim odinesen

POT Mosbi Angliken daiosis bai lukim wanpela pris na tripela dikon i kisim odinesen long dispela wiken.

Dispela odinesen bai kamap tu wantaim Sen Lawrence De long Ogas 5. John Madigabuni bilong Sen Martin paris long Boroko bai kisim odinesen bilong kamap pris na tripela dikon em bai Ken Ono bilong Sen John paris, Nigel Sirigoi bilong Sen Francis long Koki na Paulus Gerari bilong 9 Mail paris.

Asbiop James Ayong bai go pas long dispela odinesen lotu.

Sen Lawrence De selebresen i save kamap long olgeta Angliken provins long Papua Niugini long makim namba wan taim ol Angliken misinari i bin kamap long Kaieta long Dogura, Milen Be provins. Bai i gat bikepla selebresen long Mosbi long makim dispela de.

Konfemesen sevis bilong daiosis tu bai kamap long Sen John paris long Ogas 4.

Long las wiken Mama Yunion membas bilong Pot Mosbi Angliken daiosis i holim lotu bung long Sen John Katedrel.

Dispela lotu bung i bin kamap wantaim singsing na prea na Brada Tom Anayabere bilong Sen Francis paris long Koki i mekim toktok long ol. Ol yut long wanwan paris long Mosbi i putim kamap ol singsing na ol drama pilai. Dispela em namba tri feslopsip bilong grup long kamap.

Ol yut na mama grup nau i bung wantaim aninit long saplin bihainim ol senis daiosis i kamapim.

Gerehu Luteran wok poroman wantaim Jemeni

ELC-PNG Gerehu Luteran kongrigesin i poroman wantaim Donauworth Seket Luteran sios long Jemeni long mun Jun.

Mista Nalau Nathaniel siaman bilong kirap bek (Resureksen) Luteran sios long Gerehu na lida bilong wok Poroman (Pot Mosbi) Tim husat we bil i bin lusim Pot Mosbi PNG long June 20, 2001 na ol i go long Jemeni i tok bikipela amamas i go long ELC-PNG. Wok poroman Word Mission bilong Jemeni. Na ELC-Papua distrik long kamapim dispela rot. Nathan i tok tenkyu long ELC-Papua distrik long makim Gerehu Luteran sios long namba wan wok Poroman.

Siaman Nalau Nathan, i tok bikipela i laik yu i go long wok prooman na skolasip. Siaman i Mista Winsley Degeba, long stretim olgeta dispela rot bilong balus, Paspots, na ples slip namel long PNG, Singapore na Jemeni.

Nathan i tok gen olsem dispela lain wokabaut em bilong ol sios lida Pasto, wokman meri bilong sios.

Tasol nau sios i kamapim dispela rot i wok Poroman komiti olsem, na ol arapela kristen manmeri, na ol yangpela bai i gat sans long i go i kam long Jemeni, asples bilong sinia John Friel husat i bringim tok bilong God i kam kamap long Simbang Finsafen long mun Julai 12, 1886. Sios Luteran i kamap 115 yia long mun Julai long dispela yia.

Mista Nathan i tok, taim dispela wok poroman i kamap planti sios distrik em ol i salim planti lain ol i go pinis long Jemeni, tasol distrik bilong Papua em i namba wan taim.

Nathan i tok tenkyu long Word Mission Tim bilong Jemeni long Fandim dispela trip. Em i tok tu olsem, grup bilong em, em 2-pela meri na 4-pela man, em namba wan taim bilong ol long i go long Yurop kantri tasol em i amamas olsem God papa yet i kamapim dispela rot.

Wol Kaunsil ov Sios soim rispek long biknem wokman

REVEREN Dokta Stanley J. Samartha, namba wan dairekta bilong Wol Kaunsil ov Sios (WCC) sab yunit we i wok long Pipel ov Living Faith and Ideologies) long 1970 inap 1981. Em i dai long Julai 22 long Bangalore long India bihain long em i bin sik longpela taim i kam.

Georges Lemopoulos, eking jenerel seketeri bilong WCC i raitim olsem Dokta Samartha bai olgeta lain i tingim em wantaim

bikipela rispek long bikipela wok em i mekim insait long Wol Kaunsil ov Sios.

Ol lain i bin wok wantaim em i tokaut tu long bikipela wok em i bin mekim na gutpela lidasip em i soim long go pas na kamapim ol gutpela wok.

Em i save opim rot long ol arapela lotu long kam bung na sindaun toktok wantaim ol na toktok long ol wok na ol samting we i bikipela long wok bilong sios na long bilip.

Wok bilong em i sanapim pinis ol rot bilong moa gutpela wok i ken kamap bihain antap long em insait long wok bilong WCC.

Dokta Samartha i bin stap insait long ol toktok wantaim ol arapela lotu na gutpela pasin na toktok bilong em i mekim ol kain bung olsem i save kamap gut tru bihainim strongpela bilip bilong em long Jisas Kraus husat i kirap bek long dai.

Sios bilong Saut India na India Sios i lusim wanpela

bikipela na gutpela lida long sait bilong wok sios.

Wok bilong em long ol skul bilong wok sios olsem long Karnataka Theological College long Mangalore, Serampoe College long Calcutta na United Theological College edukesen long India i bikipela tru we em i wok strong long ol studen i save gut long bilip bilong ol Esia.

Skul bilong em long Hindu Kristen i bihainim stret nau ol hevi we India i



Wanpela man i prea long God long helpim em

Bikipela, mi laik bai yu harim prea bilong mi. Putim yau long krai bilong mi. Yu stretim na yu save tok tru oltaim, plis, harim beten bilong mi. Em i kalabusim mi long ples tudak, na mi stap olsem man i dai longtaim pinis. Olsem na tingting bilong mi i bagarap, na bel bilong mi i hevi moa yet. Nau mi tingting gen long ol samting i bin kamap bipo. Na mi tingting long ol samting yu bin mekim na long ol gutpela wok bilong yu. Mi save beten long yu na spirit bilong mi i laikim yu tru olsem nek bilong man i drai na em i laikim tumas long dring wara. Bikipela, yu ken harim prea bilong mi nau, long wanem, bilip bilong mi i bagarap.

Buk Song 143: 1,3b-8

Independen Kendidet bai kamapim trabel long 2002

Oi palamen ripot wantaim PEKU PILIMBO

MEMBA bilong Bulolo Samson Napo i tok long Palamen dispela wik olsem ol kendidet husat sanap olsem Independen long neks yia bai kamapim trabel.

Em i tok pasin bilong baim ol memba na kisim ol i go insait long wanpela pati bai i stap yet.

"Oi pati husat i gat mani bai baim yet ol

dispela Independen memba," Mista Napo i tokim bung bilong palamen dispela wik long taim bilong ol memba i autim wari bilong ol.

memba na ol politikel pati bai mekim planti hait na paul pasin yet.

Em i tok long abrusim dispela pasin, olgeta kendidet i mas regista

"Oi pati husat i gat mani bai baim yet ol dispela Independen memba." - Mista Napo

Em i tok dispela nupela politikel pati na integriti lo i no inap mekim wanpela samting long ol Independen

na stap aninit long wanpela politikel pati bipo long ol i go sanap long ileksen.

Redim masin bilong rot na bris

GAVMAN save westim planti mani long karim ol masin na samting bilong wok long wanpela ples i go long narapela.

Memba bilong Pomio Francis Koimanera i tok kisim ol pipel long rurel eria i kam insait long wok wantaim Gavman long developim dispela kantri.

Oi Gavman i lus tingting olgeta olsem i gat ol manmeri i stap long bus. Gavman mas stretim rot bai ol pipel long bus i ken kam mekim bisnis salim wanem samting ol i groim long maket.

Em i askim Rurel Developmen Minista na Minista bilong Woks long traim putim sampela masin i sanap redi long wanwan provins na larim ol memba i putim mani bilong operetim dispela ol masin tasol.

Planti taim ol masin na samting bilong wok i save stap longwe tru long ples bilong wok na mani i save lus nating taim kampani o man husat mekim wok i karim i go long ples bilong wok.

Em i tok dispela hevi save mekim na mani i save lus nating na nogat



• Samson Napo. wok i save kamap.

Sapos ol liklik woksop wantaim masin stap long wanwan eria, ol open memba ken yusim ol dispela masin na givim sevis long ol pipel.

Rot, bris, haus sik, skul na ol dispela kain sevis bai helpim pipel long wok bung wantaim.

Lus kendidet i noken holim pablik opis

MEMBA bilong Bulolo Samson Napo i tok ol kendidet husat i lus long ileksen i mas stap bek long ples inap 3-pela yia bipo long ol i holim wanpela pablik opis.

Em i sutim tok long ol man husat i save mekim apoinmen long ol kendidet husat i lus olsem ol i noken kisim ol dispela lus man.


em i tok sapos ol i lus long ileksen, ol i mas stap longples wantaim ol pipel na noken givim siksti i go aut holim pablik opis hariap.

Mista Napo i tok ol dispela lus kendidet i kam givim planti giaman toktok long edvaisim gavman na gavman i save mekim planti asua.

Em i tok ol sanap, lus long ileksen na save givim siksti nating i kam holim wanpela bikpela pablik opis hariap.

"Ol lus man o meri i noken holim wanpela pablik opis," em i tok.

Em i tok ol i mas stap long ples



• Sir Pita Lus.

pastaim na larim ol pipel i luksave long ol olsem lida bilong ples pastaim na ol i mas kamap memba.

Minista bilong Kalsa na Turism na memba bilong Maprik Sir Pita Lus i mekim wankain singaut long gavman i mas noken kisim ol lusman i kam bek long pablik sevis.

"Ol les long pablik sevis na ol i laik kamap memba. Sapos ol lus, larim ol i stap tripela yia pastaim," em i tok.

Em i tok planti longlong pablik sevans i save go sanap long ileksen, lus na bihain ol i kam holim bikpela opis long ol gavman dipatmen nabaut.

Em i tok: "Sapos yu laik kamap politisen, yu mas stap pastaim long ples na helpim ol pipel pastaim."

"Larim ol pipel i save gut long yu pastaim," Sir Pita i tok.

Em i tok wanpela bikpela sik long kantri em gavman wok long kisim ol man husat i no save long wanpela samting i kam bek na rongim ol samting.

Sir Pita i tok sapos wanpela kendidet i lus, em i save olsem em i nogat save na i no bin winim ileksen na em mas noken wok long pablik sevis gen.

Komunikesen hevi bikpela long Galf provins

GAVANA bilong Kerema Riddler Kimave i tokim palamen long taim bilong autim ol hevi olsem em i no wanbel long gavman i lus tingting olgeta long ol pipel bilong Galf provins.

Em i tok dispela em namba tri taim bilong em long tokim palamen olsem telepon long Kerema taun na ol ausait ples i no wok gut.

Planti i brukim lo long eria olsem salim mariwana namel long Westen na Galf, ol ausait man i kam stilim pis na abus bilong solwara na planti arapela pasin nogut i stap.

Sapos i gat toktok namel long pipel, gavman na atoriti wantaim telepon ating olgeta

samting bai orait tasol. Em i tok nau wanwan manmeri i yusim setelait telepon na dispela i save kos bikpela mani stret.

Gavana Kimave i tok em i tokim pinis Minista bilong Komunikesen tasol nogat wanpela samting i kamap bilong stretim dispela hevi.

Em i tok paipalain na Kumul Terminal bilong oil i stap long Galf provins. Em i tok Kerema taun i nogat wanpela ripot bilong wanem samting i

kamap ausait na i stap long tudak stret.

Em i askim gavman long kamapim sevis bilongTelikom insait long provins hariap bai ol pipel i ken kisim sevis bek.

Em i ripot olsem ol pipel bilong em i lukim sampela sabmarin (sip bilong aninit long solwara) tasol long ripotim dispela kain samting long ol atoriti i nogat bikos nogat toktok wantaim ausait wol.

Mista Kimave i tok planti bisnis, gavman na ol praivet ogenaisesen insait long provins bilong em i kisim taim longpela taim long dispela hevi.

Oi sevis tu i bruk daun na em i tokim Minista husat go pas tasol i kam inap nau nogat wanpela samting i kamap.

Galf provins i save helpim provins long kisim bikpela mani i kam tasol gavman i no putim wanpela i go bek gen.

Planti polisi tasol nogat sevis

AMBUNTI Drekkir memba Judah Akesim i kompeln olsem em i no kisim ol fan bilong em yet na ol pipel bilong em i kaikai das i stap.

Em i tok gavman i tingting long kamapim ol polisi na i no tingim sait bilong helpim ol pipel wantaim sevis.


Planti polisi i nogut na i no mekim wanpela samting tasol Gavman i go het yet long kamapim kainkain polisi na samting tru ol pipel i lusim sevis ol inap kisim long en.

Mista Akesim i tok ol memba i laikim moa pe na bikmaus long palamen tasol ol i mekim wanem samting bilong ol pipel.

Em tokim ol memba olsem ol i tingting long ol yet na i no save tingim ol pipel.

Em i tok ol pipel bilong em i kaikai das long Wewak Lumi rot bikos i nogat wanpela sevis i go na tu olgeta edpos long eria i pas pinis.

Em i tok dispela 30 kilomita rot i mas kamap gut tasol Nesenel Gavman i no givim aut fan long ilektoret bilong em yet.



• Judah Akesim.

"Planti polisi tumas na mani na sevis i no go long ol pipel," em i tok.

Em i tok dispela yia em i kisim K120,000 tasol long mani bilong em na narapela hap i no kam yet.

Em i tok pasin bilong kamapim kaikain polisi i no nogut tasol planti tumas na ol manmeri i save paul tu.

Kamapim wok bilong pipel

MEMBA bilong Pomio Francis Koimanera i tok olsem em i no wanbel taim ol memba i mekim kainkain pipia toktok long palamen.

Em i tok ol memba i no save mekim sampela gutpela toktok bilong kamapim wok na givim sevis long ol pipel.

"Mipela ol lida i traim hat olsem wanem tru long kamapim wok?" em i askim.

"Yumi no save toktok long sampela gutpela samting, olgeta taim

yumi save westim taim bilong yumi na toktok long ol pipia samting tasol," em i tok.

Mista Koimanera i tok ol memba mas toktok long kamapim ol fektori na kamapim wok bilong olgeta pipel.

Em i ting olsem planti memba i slek na wok long stap nating na i no mekim wanpela samting bilong helpim ol pipel.

Em i tok olsem Rifom insait long Is Niu Briten provins i wok gut tru taim em bekim toktok

bilong Not Flai memba husat i tok Rifom long Westen Provins i no wok.

Em i tok olsem sapos ol Provisnel Gavman na pablik sevans long provins i no mekim wok bai nogat senis i kamap na rifom i no inap wok gut.

Em i tok gutpela sapos yu rausim ol manmeri husat go pas taim yu lukim olsem nogat wanpela senis i kamap.



• Francis Koimanera.

Oi pipel i no laikim praivetaisesen

MEMBA bilong Markam Andrew Baing i tok olsem sapos Gavman i go long ileksen neks yia wantaim praivetaisesen toktok bai ol i lus nating.

Dispela bilong wanem ol pipel i no wanbel long praivetaisesen polisi bilong Gavman.

Em i tok long Sandlain hevi i bin nogat wanpela man i dai tasol foapela man i dai pinis long dispela praivetaisesen samting.

Em i tok: "Gavman i no harim tok.

"Oi pipel i no laikim na gavman i no kisim tingting bilong ol pipel tu," em i tok.

Planti memba husat i sapotim praivetaisesen polisi i stap long wanpela giaman paradais na i no luksave long wanem hevi ol pipel inap kisim.

Em i tok ol i mas wet pastaim na salim liklik liklik go na i no hariap tasol na salim olgeta.

Em i tok: "Putim ol gutpela menesa na ol ronim gut na mekim win mani bilong kantri."

Planti wantok sistem long ples bilong wok i save lukim ol man nogat save na sampela taim ol stil man i go ronim pablik bisnis na i no save mekim win mani.

Gutpela menesmen inap lukim sampela bekim long sait bilong kirapim wok, kamapim developmen.

Stretim ol bagarap insait long kantri, Pokawin i tok

GAVANA bilong Manus Stephen Pokawin i tok olgeta lida i mas wok bung wantaim long daunim pasin bagarap na nogut insait long kantri.

"Mi harim Praim Minista i tok yumi korap. Yumi mekim wanem mas kamap ol pasin olsem pamuk, wantok sistem na planti pasin nogut?" em i askim.

Gavana Pokawin i tok olsem Gavman i wok long mekim planti senis long pablik sevis na putim planti wantok i go insait.

Em i tok korapsen i stap wantaim olgeta memba na i gutpela sapos ol senis i kamap.

"Rausim ol man husat i gat asua. Oi kain man olsem i bagarapim kantri," em i tok.

Kabinet bai tokaut long rausim poka masin long neks wik

YAKAM KELO i raitim

TOKTOK bilong rausim poka masin insait long Papua Niugini bai kabinet i tokaut long ol rot bilong bihainim long rausim poka masin long kantri. Praim Minista Sir Mekere Morauta i tokaut long dispela long Tunde dispela wik.

Sir Mekere i tokaut olsem wok bilong rausim poka masin long kantri i no isi bikos i gat planti Papua Niugini man i bin kisim mani long beng long ronim dispela bisnis. Na long

rausim hariap bai mekim ol dispela lain i stap long bikpela hevi tru bikos long ol dinau ol i gat wantaim beng na tu planti PNG man-meri husat i wok long poka masin haus bai lusim wok.

Sir Mekere i tok, bikos dispela em tok promis bilong gavman bilong em long rausim poka masin, ol bai mekim bihainim gut-pela na isi rot long ol husat i stap long dispela bisnis.

Em i tok wanpela komiti i go pas pinis long lukluk insait long ol wok na hevi bilong poka masin insait long kantri na em i kisim pinis bipo bilong ol i

kam long Minista bilong Hom Afeas. Olsem na Nesenel Eksekutiv Kaunsil (NEC) bai sindaun neks wik na tokaut long wanem eksen bai gavmni i karamapim long dispela wok bilong rausim poka masin long kantri.

Sir Mekere Morauta i mekim ol dispela tok-tok long bekim ol askim bilong memba bilong Mul Baiya Robert Nagle.

Mista Nagle i bin askim Praim Minista long wanem samting gavman i mekim nau long dispela promis bilong ol taim kabinet i bin holim bung long Hagen long mun Jun

na Praim Minista i tokim ol sios lida na ol pipel bilong Papua Niugini long ol bai rausim poka masin long kantri.

Mista Nagle i tok dispela toktok bilong rausim poka masin i bin kamap olsem wanpela praivet membas bilong palamen tasol i nogat sapot Jong en. Olsem na nau wantaim dispela disisen na plen bilong gavman long rausim poka masin, gavman i mas mekim kamap wanpela gavman bil bai olgeta memba bilong gavman i ken sapotim na plen bilong rausim poka masin i ken wok bihainim.

Praim Minista askim PNG Redress long mekim klia kompensesen

PRAIM Minista Sir Mekere Morauta i askim PNG Redress Asosiesen long tokaut klia long wanem kain kompensesen na wanem kain rot ol bai bihainim long stretim olgeta lain i bin kisim bagarap long taim bilong wol woa 2 insait long Papua Niugini.

Insait long wanpela pas Praim Minista i salim i go long presiden bilong PNG Redress Asosiesen, Gabriel Laku long Epril dispela yia, em i askim sapos em i ken save long amas tru em dispela kompensesen i sanap long en na amas pipel olgeta bai kisim helpim long dispela kompensesen na wanem kain rot tru bai asosiesen i bihainim long luksave na skelim stret kompensesen long olgeta membas.

Insait long pas bilong Praim Minista em i tokaut olsem em i givim wok i go long Sief Seketeri bilong Praim Ministas dipatmen long go pas long stretim na kamapim wanem

kain helpim Gavman i ken givim long dispela hevi o singaut bilong PNG Redress Asosiesen.

Pas bilong Praim Minista i tok em i amamas long luksave long dispela hevi bilong asosiesen wantaim komyuniti olsem na wanem samting em i askim antap, em i laikim asosiesen i mas stretim na givim em bai dispela i ken helpim em long luksave gut na save klia long wari na hevi PNG Redress Asosiesen i pait long en long askim kompensesen long gavman bilong Japan.

Mista Laku i tok em i redim olgeta samting pinis na i wet tasol long wanem taim Gavman i sambai na stap redi long bungim em.

Mista Laku i tok em i bin tok-tok pinis wantaim Sief Seketeri Robert Igara tasol em i kisim toksave olsem gavman i bisi tru long planti bikpela hevi na wok olsem straik bilong ol yuni studen na pablik na nau palamen kibung.

Rifom i no wok long Westen provins

MEMBA bilong Not Flai Gabia Gagaramabu i tokim palamen olsem Rifom Sistem insait long Westen provins i no wok bikos Gavman i no givim inap mani bilong karim aut rifom wok.

Mista Gagaramabu i tok ol Gavman Minista i no laik go lukim wanem samting i wok long kamap insait long provins bikos nau yet nogat senis.

Gavman i no save go lukim Westen Provins na traim helpim wantaim baset bikos Westen provins i save kamapim bikpela mani bilong kantri.

Em i tok ol memba i bin mekim wanpela lukluk raun i no long taim i go pinis i no bin toksave long em. Em i tok ol i lus tingting em olgeta na go raun long Saut Flai na Daru eria na i kam bek.

Em i tok ating ol pablik sevans long provins i no mekim wok o em i no lukim wanpela senis long hap bilong em yet.

Em i tok em laik surikim opis bilong em i go long Kiunga bikos nau yet em nogat wanpela opis long Daru.

Em i askim Gavman long soim sampela rispek na go lukim wanem samting i kamap long eria bilong em.

Politiks i bagarapim pablik sevis, Sir Mekere i tok

YAKAM KELO i raitim

GAVMAN bilong Mekere i mas mekim strongpela lo nau bilong banisim gut wok bilong ol pablik sevis bai politiks i noken go insait na bagarapim ol wokman na wok bilong ol, memba bilong Makam Andrew Baing i tokaut long palamen long dispela wik.

Mista Baing i askim Praim Minista Sir Mekere Morauta sapos gavman bilong em i ken kamapim wanpela lejislesen (lo) bilong strongim wok bilong pablik sevis egensim politiks long noken go insait long wok bilong ol.

Mista Baing i mekim dispela toktok long sapotim toktok bilong memba bilong Mosbi Saut Ledi Carol Kidu we em i no amamas long pasin gavman i mekim long rausim ol gutpela save-man bilong pablik sevis.

Ledi Kidu i tok dispela kain pasin i soim olsem gavman i laik putim ol lain husat i gat politiks tingting bilong sapotim Minista na gavman tasol na i no wari long saveman tru bilong mekim dispela wok long opis.

Ledi Kidu i tokaut tu olsem taim dispela kain pasin i kamap, dispela i save daunim tru bel na tingting bilong ol wokmanmeri long pablik sevis na i


save daunim wok bilong ol tu. Olsem na em i askim sapos gavman i ken kamapim sampela kain rot o sistem we i ken skelim na tokaut sapos wok bilong pablik sevis i ron stret o politiks i wok long go insait na bagarapim wok na ol wokmanmeri.

Praim Minista Sir Mekere Morauta i bekim ol dispela toktok na tokaut olsem i tru dispela pasin i kamap na i stap bikpela tru insait long pablik sevis. Politiks i go insait pinis long pablik sevis we wok bilong pablik sevis i no moa fri na ron long em yet.

Sir Mekere i tok ol lida long gavman tu i wok long paulim wok bilong pablik sevis. Gavman i gat wok bilong mekim lo na polisi tasol em i go insait tu na karimaut wok bilong pablik sevis na dispela i soim olsem mipela i no bihainim stret ol lo na sistem bilong gavman na pablik sevis long ronim gut kantri.

Sir Mekere i tok wanpela rot nau i stap ples klia em long go bek na bihainim olupela sistem we kantri i bin bihainim bipo long taim bilong independens i kam.

Em i tok pablik sevis bai go insait long bikpela rifom o senis na dispela bai bihainim wanbel we i stap pinis long Straksarel Ajasmen Program (SAP) we Esian Developmen Benk (ADB) bai givim mani long karimaut.



• Ol bikman ya i bilong Tambul long Westen Hailans provins na ol i sanap wantaim bek potato. Em ol sid bilong planim gen. Foto: SAPE METTA.

Kopra groa laikim praivet bisnis holim laisens

PIUS IKUMA i raitim

OL kopra groa bilong Madang i singautim Kopra Marketing Bod long givim laisens long husat bisnis i gat laik bai i ken baim kopra.

Sinia Vais Presiden bilong Momase Groas Asosiesen Lamur Agimik i tok olsem ol kopra groa i no inap salim kopra bilong ol bikos Kopra Marketing Bod i nogat mani bilong hepim ol kopra groa.

Miting bilong ol kopra groa long las mun long

Pot Mosbi i bin tok olsem Kopra Marketing Bod i nogat mani na ol mas pasim operesen bilong ol na larim ol bisnis haus wantaim mani i ken kisim laisens na ronim wok bilong baim kopra long ol groas.

Mista Agimik i tok long dispela miting ol mausman bilong Dipatmen bilong Agrikalsa na Laiivstok na kopra maketing indastri i tok long hevi bilong ol kopra groa.

Ol i bin tok long dispela miting olsem Kopra maketing Bod mas i no moa stap na ol i mas kamapim nara-

pela bodi long lukautim kopra insait long PNG.

Mista Agimik i tok ol i tingting long putim kamap nupela bodi ol bai kolim Kononas Indastri Koperesen. Ol dispela plen i stap redi pinis na i wet tasol long kisim tok orait bilong Nesenel Gavman. Dispela nupela bodi bai kisim wok bilong menesmen bilong Kopra Marketing Bod na mekim wok i go.

Em i tok dispela plen bai kisim planti gutpela samting i kam bilong ol groa.

Mista Agimik i tok Kopra Marketing Bod i no pinis tru tasol bai i

kam anit long narapela nem na wok bai senis liklik.

Em i tok Kopra Marketing Bod i mas givim sans long ol narapela bisnis husat i gat laik long stap insait long kokonas bisnis. Larim ol dispela baim kopra na salim i go long narapela kantri.

Em i tok dispela bai helpim ol kopra groa long ples olsem Karkar, Manam, Long Ailan na Not Kos bilong Madang na tu narapela provins long salim kopra na mekim mani hariap.

Wanpela miting bai kamap dispela wik long Madang Resort Hotel



• Edukesen Minista Dokta John Waiko, Edukesen Seketeri Peter Baki long taim ol i makim nupela Tising Sevis Komisn las wik. Foto: PEKU PILIMBO.

Kempein bilong helpim ol pikinini i stat

PLANTI samting i wok long kamap long palamen haus long Waigani las wik taim ol pikinini long ol skol long NCD i bin bung lonsim wanpela kempein bilong olgeta pikinini long wol ol i kolim "Say Yes for Children" o "Tok Yes long ol Pikinini.

Dispela kempein i bin stat long olgeta hap long wol long Epril 2001 na long PNG UNICEF PNG opis i bin bung wantaim Dipatmen ov Sosol Welfea Developmen (DSWD).

DSWD Sekretari Joseph Sukwianomb i tok PNG i luksave long lidasip long sait bilong helpim ol pikinini long wol.

Mista Sukwianomb i tok olgeta lida i mas luksave long helpim ol pikinini bilong PNG long givim ol helt, edukesen, rait na lukaotim bilong ol na i mas gat gutpela ples bilong ol pikinini long kantri i ken kisim gutpela laip na kamap gut.

Em i tok opis bilong

em bai wok bung wantaim gavman long helpim ol pikinini long promotim welfea bilong olgeta pikinini long PNG.

Mista Sukwianomb i tok dipatmen bilong em i kisim dispela tingting long mekim kamap ol gutpela sevis long ol pikinini i ken save long posisen bilong ol long komyniti nau i go inap tenpela yia bihain.

DSWD i bin kamapim sampela plen bilong helpim ol wantaim dispela wok ol i laik kamapim long kantri. Sampela samting ol i bin mekim pinis em:

- Pikinini Welfea Ekt Rivi

- Registresen bilong ol pikinini i bon

- Raitim nupela lo bilong ol Disebel lain long PNG

- Komiti bilong stapim poka masin long PNG

- Wok painimaut long ol lapun manmeri

- Rivi long ol lo bilong ol meri long PNG

- Kamapim Pikinini Welfea Kaunsil long

2000

- Yut forum bilong ol pikinini

- Lidasip forum bilong ol PNG lida na

- Tok Yes long ol Pikinini em ol i bin kamapim long palamen haus las tupela wik i go pinis.

Mista Sukwianomb i tok ol meri na pikinini long PNG bai dipatmen i plen long mekim wanpela nupela projek klostu taim.

Ol as tingting bilong lonsim kempein bilong ol pikinini em bilong kamapim moa gutpela sindaun bilong olgeta pikinini insait long kantri. Dispela kempein em bilong olgeta lain long komyniti i ken luksave long gutpela bilong ol pikinini bilong mipela long bihain taim.

Man makim UNICEF long PNG Mista Richard Prado i tok dispela kempein i gutpela long wanem ol pikinini long Bogenvil i bin kisim hat taim tru long taim bilong hevi long hap na planti sapot i mas go long ol husat i

Sios sapatim edukesen rifom

EVANJILIKEL Luteran Sios ov Papua Niugini (ELCPNG) i luksave olsem ol misinari bilong bipo i bin go pas long sapatim olgeta edukesen sistem long kantri.

Eking Sekretari bilong ELCPNG, Fua Singin i bin mekim dispela toktok long wanpela bikpela Momase forum long Wewak.

Mista Singin i tokaut long olgeta edukesen plen bilong sios na em i tok sios i mekim planti moa wok long helpim sios long helpim skol na wantaim dispela

helpim ol i ken givim gutpela sevis long olgeta pikinini husat i save skol.

Narapela samting em bilong kamapim ol skol progrem na yusim Tok Ples long olgeta skol wantaim ol elementri skul tu long kam ananit long rifom.

Mista Singin i tok edukesen sistem i mas kamap strong long olgeta level we sios o gavman i ken helpim taim ol provins i kisim rifom.

Em i tok ELCPNG i wok long kamapim nupela rifom long

edukesen sistem bilong em yet long sapatim edukesen rifom long kantri.

Mista Singin i tok ol mekim dispela ol gutpela senis long helpim na wok wantaim planti nupela senis i wok long kamap long dispela taim long ol edukesen sistem long kantri.

ELCPNG i save wok bung wantaim gavman long helpim long developmen i mas go het long kantri na planti taim ol pipel i save kisim sevis na planti bilong ol dispela sevis

em ol sios i save givim.

ELCPNG i wok yet long edukesen na helt sevis bilong kantri na dispela em we bilong sios i no long kamapim gutpela komyniti tasol bilong go long komyniti long kantri we han bilong gavman i no save go long en.

Ol tisa long rurel eria mas kisim helpim

PEKU PILIMBO i raitim

OLGETA tisa i mas save long rait bilong ol na wok wantaim gavman long givim gutpela sevis long pikinini bilong dispela kantri.

Dispela toktok i kam long nupela siaman bilong Tising Sevis Komisn (TSC) Allan C. Jogioba.

Mista Jogioba em yet i wanpela komyniti skul tisa, skul inspekta na mekim sampela arapela wok i kamapo inap long Julai 5 taim gavman i makim em long kamap siaman bilong TSC.

Mista Jogioba i senisim Mista Toby Davis husat kontrak bilong em pinis long Jenuari dispela yia.

Palamen i save makim husat man bai stap siaman na dispela inap kamap long Jenuari 29 tasol

i no bin kamap bikos Pablik Sevis Minista Philemon Embel i bin askim Edukesen Minista Profesa John Waiko long ol i sindaun wantaim na makim nupela siaman.

Ol nupela TSC em Jerry Kuhena na Michael Pearson. Olpela husat bai pinis enm Toby Davis na Sport Varage.

Edukesen Minista Profesa John Waiko husat stap long bung i sori olsem makim bilong siaman i no kamap hariap.

Dokta Waiko i tok olsem K100,000 i redi pinis na stap long dipatmen bilong Pesenel Menesmen na dispela mani i mas i go bilong sekim wanpela ripot. Dispela ripot las yia i lukluk long wok bilong ol tisa na amas ol i save kisim long pe.

Dispela ripot i mekim na l tisa i bin pasim tok na lusim wok long

Ogas las yia.

Em i askim nupela siaman, Mista Jogioba long kamapim wanpela independen ripot bai ol i lukim wanem helpim ol tisa i laikim.

Mista Jogioba i promis olsem em bai mekim wok stret bilong lukim olsem ol tisa long rurel komyniti i kisim gutpela sevis.

Em i tok em yet i bin wanpela tisa bipo na save long hevi ol tisa i save karim na em bai traim hat long mekim wok bilong ol isi.

Olpela siaman Toby Davis i bin stap siaman inap tripela yia na kontrak bilong em pinis long stat bilong dispela yia tasol em i wok yet bikos gavman i no makim wanpela nupela man long kisim ples bilong em.

Mista Davis i wok wantaim Edukesen Dipatmen inap 37 yia olgeta, 21 bilong dispela ol yia em i wok wantaim TSC na em i amamas olsem em bai pinis wok.

Em i tok amamas long nupela siaman na tok ol i mas mekim samting bilong lukim olsem ol tisa insait long kantri i amamas long givim sevis long pipel.

Mista Jogioba i promis olsem em bai wok hat long lukaotim hevi bilong ol tisa long sait bilong pe, wok, haus na narapela rot bilong mekim ol tisa i amamas bai ol i ken mekim wok bilong ol gut.

Em i promis olsem em bai harim wari bilong ol tisa na stretim sampela rot bai ol tisa i ken wok gut.

Mista Jogioba i wok bilong tisa i kamap bikpela wanwan yia na ol tisa i mas amamas long wok bilong ol.

Helt wokas holim woksop

WANPELA woksop i kamap long Kiunga, Westen provins na i bungim ol helt wokas husat i save wok wantaim ol disebel lain.

34 helt wokas long olgeta hap long Not Flai distrik i bung yet long dispela woksop.

Dispela woksop em Callan Sevises, wanpela Non Gavman Oganaisesen em i bin kamap long Ireland we i save lukaotim ol endikep lain.

Sista Pierette Gagnon bilong Callan Sevises bilong Kiunga Katolik Sios i tok woksop i stat long Trinde Julai 18 na bai go het inap 10-pela de olgeta.

Sista Pierette i tok woksop i kamap long Sir Peter ToRot Foundation Senta na Patrick Moon

bilong Callan Sevises i givim skol long ol lain husat i kam long woksop.

Sista Pierette i tok woksop bai lainim ol helt wokas long helpim ol long givim gut helpim long ol disebel o endikep lain.

Planti disebel lain i save painim hat tru long fit insait long komyniti bilong ol na ol i save kisim planti helpim long ol lain bilong ol husat i save sori long ol.

Tasol sori em i no save helpim ol long wanem ol yet i save laik helpim ol yet long wok na pilai olsem ol nomol manmeri.

Dispela woksop tu i bai givim skol long helt wokas long lainim ol disebel lain long kamapim gutpela na nomol laip long komyniti.

Madang kisim skol saplai pinis las mun

SKUL saplai bilong ol elementri na praimer skul insait long Madang em Momase School Supplies i givim aut las mun.

MenesingDirekta bilong kampani Pius Bugatar i tok aut dispela wik olsem olgeta skul i pinis tasol ating i gat wanpela o tupela skul i stap yet na dispela bai pinis long neks wik samting.

Em i tok ol i givim gutpela sans long kamapim bilong em na em bin givim aut olgeta saplai long wanwan skul gut na nogat wanpela samting

inap lus.

"Olgeta saplai long ol skul i wankain tasol na olgeta skul bai yusim gut wanem saplai mipela givim aut pinis," em i tok.

Madang em wanpela bilong ol rprovins husat givim kontrak long wanpela kampani i ken givim aut ol saplai. Ol narapela provins husat mekim wankain pasin em long NCD, Milen Be, Westen Hailans, Niu Allan, Is Niu Briten na Sentrel provins.

Em i tok ol dispela provins i

ting olsem edukesen bilong ol pikinini em wanpela nam-bawan samting olsem na provinsel gavman givim kontrak olsem.

Dispela wik Mista Pius Bugatar wantaim Siaman bilong Fainens na Plening Stahl Musa i go givim saplai long Josephstal.

Long ples balus moa long 100 skul pikinini wantaim tisa bilong ol i kamap na amamas tru long kisim saplai long skul bilong ol.

Ol i tok amamas olsem skul

sapalai ol i wet longpela taim i kamap na tenkim provinsl gavman long mekim gutpela wok.


Mista Musa i tok olsem mamba bilong Madang Jacob Wama i no save logn wanem samting i kamap long Madang na askim sampela rong askim long palamen.

Em i tok Mista Wama i no sekim gut wanem samting i kamap long Madang bikos em i no save stap logn Madang.

Mista Wama i no bin stap long provinsel asembl miting las wik.



• Ol tripela ya i amamas long soim gaden kumu bilong ol. Poto: SAPE METTA.



• Sief Seketeri bilong olgeta gavman dipatmen, Robert Igara (namel) i raun long Milen Be provins long bung bilong Papuan Rijon Konferens.



• Ol musikman bilong Bogia i bin amamasim ol pipel bilong Bogia insait long wangepa konset.



• Em ol elementeri skul tisa i kisim trening long Tambul long Westen Hailans provins. Poto: SAPE METTA. (Aninit) Ol skul manki i kisim trening long planim kaikai long gaden.



• Dispela mama bilong Kerema i kilim skin long wokim bilum long banis bilong em. Em i lainim planti bubu bilong em tu long wokim bilum. Poto: IAN KAKARERE.



Wanem wok tru i kamap long Cayman Ailan pasbuk?

WANTOK

NIUSPEPA BILONG YUMI OL PAPUA NIUGINI STRET

PRAIM Minista Sir Mekere Morauta i tokaut olsem i nogat wanpela samting i asua long gavman bilong bipo i bin putim mani i go insait long wanpela pasbuk long Keimen (Cayman) ailan long Sentrel Amerika. Bikos olgeta mani em gavman i kisim i kam bek.

Oposisen lida Bill Skate i bin holim wanpela buk we i gat ripot bilong gavman bilong bipo we Paia Wingti i bin Praim Minista na ol i bin kisim US\$800,000 dola dinaw long Wol Beng na putim i go insait long dispela pasbuk akaun long Keimen ailan. Dispela namba bilong mani i olsem K1.5 bilion dinaw olgeta Papua Niugini gavman i bin kisim long Wol Beng long 1994.

Praim Minista Sir Mekere Morauta i tokaut olsem long dispela taim, Papua Niugini i painim hat tru long mani. Na nogat wanpela beng o kantri i laik helpim Papua Niugini long dispela taim. Olsem na gavman i kisim dispela dinaw. Wol Beng wanpela PNG gavman i bin wanbel olsem PNG gavman i mas opim wanpela pasbuk gen long Inglan. Na dispela pasbuk bai kisim ol mani we i kamap long ol wok bilong maining long PNG long gol na kopa long Porgera na OK Tedi long dispela taim. Dispela bai i soim olsem PNG i gat mani i

kamap long gol na kopa long bekim dispela dinaw bilong Wol Beng.

Sir Mekere i tok olgeta mani i kam bek pinis long Papua Niugini. Na em i wanbel long lukim olsem wanpela wok painimaut o Komisn ov Inkwairi i kamap long sekim olgeta wok na rekot bilong dispela Keimen ailan pasbuk. Em i strong olsem nogat wanpela samting i asua long dispela. Long 1994, Sir Mekere Morauta i bin Gavana bilong Sentrel Beng we em i olsem edvaisa bilong gavman long dispela taim.

Oposisen lida Bill Skate i bin tokaut olsem sapos dispela mani i bin kam bek long PNG, dispela inap stretim sampela dinaw na hevi bilong mani PNG i bin gat long dispela taim.

Mista Skate i tok bikos PNG i bin sot long mani long dispela taim, dispela mani tu i no bin kam long kantri na i mekim PNG i sot moa yet.

Mista Skate i tok dispela em stat bilong kantri i bin stat long bungim hevi wantaim mani inap nau.

Mista Skate i strong olsem dispela mani i no stap long wanpela gutpela pasbuk na tu ol rot na pasin gavman i bin bihainim long dispela taim long kisim dinaw mani ya i no stret tumas. Olsem na i mas

gat Komisn ov Inkwairi i kamap long sekim ol dispela ripot na soim klia sapos olgeta samting i stret na nogat asua i kamap.

Fainens Minista long dispela taim we gavman i opim pasbuk long Keimen ailan em memba long Wapenamanda Masket langalio. Na Mista langalio i tok em i bin karimaut dispela wok bilong opim pasbuk na mekim ol samting i ron stret. Tasol em bai wanbel sapos wanpela wok painimaut i kamap

long dispela. Long 1994 Paia Wingti i bin Praim Minista na Sir Julius Chan i bin namba tu Praim Minista.

Dispela em wanpela bikpela mani tru PNG inap kisim long stretim planti hevi em i bin gat long dispela taim. Sapos PNG i bin sot long mani o ekonomi i bin pundaun, dispela mani inap long stretim dispela hevi bilong kantri. Wanem kain save gavman bilong dispela taim i bin gat long mekim wantaim

dispela mani long yusim ol minerel bilong PNG olsem sekyuriti bilong bekim dispela dinaw em samting bilong gavman. Tasol yumi i no klia sapos gavman i bin mekim wanpela gutpela na klinpela tingting o nogat. Wanpela kot i mas kamap long tokaut long dispela.

Long dispela insait long haus palamen, memba bilong Tambul Nebilier na Minista bilong Praivetaisesen Vincent Auai i tok strong long Oposisen

lida Bill Skate i mas givim dispela ripot bilong em i go long han bilong Palamen Spika. Mista Auai i tok sapos Mista Skate i givim dispela ripot i go long Spika, bai gavman tu i ken go het na kamapim wanpela kot o Komisn ov Inkwairi long lukluk i go insait long dispela.

Dispela i soim olsem gavman i pusim Oposisen long soim dispela buk bai ol i ken lukim dispela ripot na save. Tasol Ekting Spika Sir Tom Koraea i tokim ol memba olsem dispela ripot em sam-

ting bilong Bill Skate na em yet i gat rait long askim liv long palamen long bringim dispela ripot igo long Spika.

Long 1999, Bill Skate taim em bin Praim Minista i bin salim ol sampela loya i go long painimaut na sekim dispela samting. Nau ol i pinisim na givim ripot long em.

Sapos igat ol hait samting i stap long dispela ripot, orait ol pipel i mas save. Sapos olgeta samting i orait tasol orait ol pipel i gat rait tu long save. Olsem na gavman i



• Wanpela lapun kava bilong ples Boroi long Ramu eria long Madang. Piksa i soim ol kaving bilong em na ol pes tumbuan. Nau em i save lainim ol tumbuna bilong em long wok kaving. Foto: FUZO PAUL.

Hevi bilong paspot soim aut tupela minista

• Wok painimaut i go insait long hevi bilong paspot na ol ovasis lain i kam long PNG i soim olsem tupela Minista long gavman tu i bin pasim tok wantaim wanpela bisnismen. Dispela em long mekim isi ol sampela wok namel long save na tingting bilong ol tripela yet. Long dispela taim tu, wanpela meri Australia i tekov lusim kantri long wiken bikos paspot pepa bilong em i no oraitim em long wok olsem volentia wantaim Hom Afeas dipatmen. Meri ya i bin kam olsem turis na dispela i stap klia long pepa bilong em. Taim ol Foren Afeas wokman i painimaut na go toktok wantaim em, em yet i stretim ol balus tiket bilong em na tekov pinis long wiken yet. Minista bilong Foren Afeas John Pundari i tokaut long dispela.

OL
HAP HAP
nius

• Wok bilong kaunim namba bilong ol manmeri bilong Papua Niugini i pinis long las ya na opis bilong Nesanel Stetistik i tokaut olsem namba bilong ol PNG manmeri i sanap nau long 5 milien. Dispela namba i go antap abrusim olpela mak bilong 4 milien we i bin sanap 10-pela krismas i go pinis.

Dispela namba nau i opim tingting bilong ol lida bilong palamen long kamapim moa ilektoret insait long kantri long lukim olsem olgeta pipel i gat inap lida i makim ol long palamen na tu ol i ken kisim gut sevis. Dispela toktok i stap yet

na bai kamap gut taim wok bilong glasim na skelim gut ilektoret baundri i kamap long bihain taim.

• Eksekutiv Siaman bilong Praivetaisesen Komisn Ben Micah i tok em i no wari olsem Pipel's Progres Pati i rausim em long pati. Mista Micah i tok em staopo sambai tasol long joinim wanpeal nupela politikel pati ol i laik kamapim na em bai sanap long 2002 ileksen.

• Ol manmeri long pablik sevis husat laik sanap long 2002 jenerel ileksen i mas risain long Oktba 4. Ol i mas toksave olsem ol i laik sanap long ileksen na risain. Seketeri bilong Dipatmen bilong pesenel Menesmen Peter Tsiamalili i tok olsem dispela bai givim inap taim bilong ol i painim nupela manmeri long kisim ples

bilong ol na tu ilektoret lo bilong kantri i tok ol mas mekim olsem.

• Wanpela plisman long Toguata bareks long Is Niu Briten i go kalabus foapela mun bihain long em i planim mariwana insait long bareks rum bilong em. Henry Korup bilong Lou ailan long Manus i paul na em i palnim smok nogut.

• Ol man i stilim tupela komyuta bilong Nesanel Kot Haus logn Maunt Hagen. Olgeta rekot bilong ol kot kes i stap logn tuepal komyuta ya. Logn wankain taim ol i katim telepon rop long kot haus tu. Dispela em namba tu taim ol stil olsem.

• Ol yunivesiti sumatin i singautim gavman long pasim praivetaisesen polisi na noken salim ol

samting yet. Ol i mekim dispela singaut bihain long olgeta lida bilong ol yunivesiti insait long kantri i bung na givim sapot long dispela tingting.

• Provisnel gavman bai lukautim ples balus bilong ol yet. Sivel Eviesen Minista John Tekwie i tok provinsel na praivet bisnis manmeri i ken ronim ol ples balus aninit long lukaut opis bilong em.

• PNGBC bai nogat mani sapos ol 500 wok manmeri bilongng beng husat i no wok nau i askim long kisim K118 milien. Dispela kain askim bai inap pinisim olgeta mani bilong beng na i hat tru long beng bai mekim bisnis yet.

• Polisi bilong Wol Beng i mekim na planti manmeri i lusim wok logn Forestri. Moa long 6,000 wok



Ol sempien swima

Dispela foapela yangpela man i bilong Australia. Ol i kamap nambawan long sait bilong swim resis long wara. Dispela ol yangpela man em long (lep-rait) Michael Klim, Ian Thorpe, Bill Kirby na Greg Hackett. Ol i holim wol rekot long 4x200m fristail riley. Ol i winim ol narapela kantri long wanpela resis long Japan. *Poto: The Weekend Australian.*

Wanpela man bagarapim tupela turis bilong Ingran

WANPELA waitman bilong Australia i bin stapim tupela yangpela turis boi na gel pren na i laik kilim tupela tasol meri i ranawe na man ya em ol plis i wok long painim em yet long Noten Teritori long Australia.

Yangpela man nem bilong em Peter Falconio husat i gat 28 krismas na gelpren bilong em Joanne Lees husat i gat 27 krismas i bin raun holide long planti hap long wol na tupela i kam long Australia na bihain tingting long go long New Zealand na go bek long ples Ingran tasol dispela plen i stap nau.

Hevi i kamap taim

tupela i kisim kar bilong tupela na i laik go olsem long Darwin na holide long hap na long rot wanpela man i giaman stapim tupela na tok kar bilong tupela i bagarap. Taim Mista Falconio i laik go ausait long kar na lukim meri ya i bin harim wanpela gan i pairap baksait long kar na hariap tru dispela man nogut i holimpas lek han bilong meri na pasim ai bilong em na tromoi em i go baksait long kar.

Mis Lees i tokim plis olsem em i no save wanem samting i bin kamap long pren bilong em long wanem taim man nogut i bin traim long draiv i go

meri i rausim ol samting man i bin yusim long taitim lek han na opim baksait dua bilong kar na ranawe i go insait long bus. Man traim long painim em tasol meri i bin hait gut na man ya i lusim na go.

Meri i go tokim ol plis na ol i wok long painim Mista Falconio yet. Ol i no save yet sapos em i dai pinis ol nogat. Papa na bik brata bilong em i bin hariap tru kisim balus na go long Ingran na go long Australia na papa i tok em i gat bilip olsem pikinini bilong em i stap laip yet.

Ol plis mekim bikpela wok painimaut i stap yet.

Sekuriti i dai long wok ples

LAPUN meri ya em mama bilong wanpela sekuriti gad bilong wanpela klinik we ol meri i gat bel i save go na kilim ol pikinini ol i no laik karim. Dispela sekuriti gat em Steve Rogers na plis i holimpas pinis man husat i sutim em las wik.

Pasin bilong kilim pikinini long bel bilong mama ol i save kolim abosen em bipo lo i bin tambu long en long Australia tasol nau sampela Klinik i

wok long kamap long mekim abosen. Planti lain tru i no save laikim dispela pasin long Australia long wanem ol i ting olsem dispela i pasin bilong bagarapim laip bilong pikinini God yet i givim long mipela.

Plis i bilip olsem man husat i sutim Mista Rogers i dai i wanpela bilong ol dispela lain husat i no save egensim abosen na tok abosen i nogutpela samting.



• Sapos Megawati laik winim bilip bilong olgeta pipel bilong Indonesia, em i mas stapim ol pait long wanwan provins bilong kantri. *Poto: TheWeekend Australian.*



Les long wok bung

• Planti manmeri i les long wok bung na kamapim wanpela wol. Ol i kamapim protes mas na tok wanpela wol na wok bung wantaim i mas noken kamap dispela bai hat tru. Planti samting i kamap olsem telepon, radio, vidio, TV, na planti arapela i mekim na graun i kamap liklik tru. Nau wanpela man inap salim tok na piksa bilong em long wanpela sait bilogn gruan na em i ken kamap logn narapela sait. Ol dispela pipel i mas na tok nogat tasol em bai i no inap wok. Wol bai wok bung yet. *Poto: TheWeekend Australian.*

Indonesia gat nupela meri presiden

INDONESIA, kantri husat i save gat wanpela boda wantaim Papua Niugini i gat nupela presiden ol i bin makim las wik tasol na em i wanpela meri.

Dispela meri em Megawati Sukarnoputri na em i kisim ples bilong Abdurrahman Wahid husat palamen bilong ol ol i save kolim nesenel asembli bilong kantri ya i bin rausim em taim ol i vot na Megawati i kisim 591 vot olgeta na Wahid i no kisim wanpela vot.

Megawati Sukarnoputri na em i gat 54 krismas na em pikinini bilong nambawan presiden bilong Indonesia, Sukarno. Taim em i liklik yet papa bilong em i presiden na nau em i kisim dispela posisen we papa i bin mekim kantri i kamap independen bihain long Wol Woa Tu.

Planti milien manmeri i save sapatim em na sampela i askim sapos em yet i kamap long dispela posisen long laik na strong

bilong em yet o ol narapela i laik yusim em long mekim em i kamap presiden.

Dispela askim bai yumi stap na lukim tasol bikpela salens bilong em em long traim long stapim planti hevi i wok long kamap long kantri we papa bilong em i yet i bin bringim independens long en.

Long 1996 ol i bin rausim em long kamap siaman bilong Indonesian Demokratik Pati na Suharto husat i bin presiden long dispela taim i bin traim long bagarapim em na rausim het opis bilong em tasol Megawati i abrusim dispela birua tasol Suharto i go het long stapim em long go long eleksen long 1997 Me jenerel ileksen.

Planti moa pipel i tingim papa bilong em na strongpela tingting bilong meri i no Jusim pait bilong em long politiks sapat bilong em i go bikpela tru.

Megawati i save sapatim wok



• Megawati Sukarnoputri bihainim papa bilong em na kamap presiden bilong Indonesia.

bilong demokratik pasin i mas go het long Indonesia na tu em i bin kamapim pati bilong em yet em i kolim Indonesian Demokratik Pati ov Stragel.

Long nau em bai stap presiden bilong Indonesia inap palamen i go long eleksen long 2004.

Marasin pait bek long sik

PLANTI marasin i no moa gat pawa long pait bek sik na sik inap bagarap man tu sapos ol i kisim marasin.


Wanpela marasin bilong helpim ol man wantaim sik long bel

rop i no wok long wanpela lapun man na ol i bilip olsem dispela marasin bai i nogat pawa moa.

Ol dokta na saintis i tingting long mekim nupela marasin bikos i no

long taim dispela marasin bai i no moa paitim sik.

Ol saintis bilp olsem marasin ya i nogat pawa moa long stapim narapela strongpela binatang bilong kamapim sik.



Potos: The Weekend Australian.



Graun bilong ol tasol ol nogat !

• Dispela famili (antap) i nogat wanpela ples long go long ples bilong ol yet. Ol i stap olsem refuji. Ples bilong ol wara i bagarap. Famili na tupela man ya em ol las lain long lukim ol wait man long 1956 na ol bilong Pintubi traib bilong Australia. Ol papa-graun stret bilong Australia. Ol nau i stap wantaim wantok na lukaut bilong gavman.

Kamapim pawa long skin bilong rais

WANPELA bikpela fektori bilong wokim rais insait long Australia i tingting long kamapim pawa wantaim skin bilong rais we i stap yet.

Fektori i save salim o sampela taim givim nating i go tasol skin bilong rais i kamap bikpela olgeta taim na noga ples bilong putim. Ol bai tok aut long

mun Oktaba long wanem kain tingting ol man bilong groim rais na ool man bilong kamapim pawa i ting long en. Nau tupela grup i wok long wok bung na tingting long kamapim pawa wantaim dispela skin bilong rais.

Sapos tok orait i kamap, Denilquin Rais Fektori long NSW bai stat kamapim pawa

wantaim skin bilong rias na saplaim long ol haus na fektori.

Em i gutpela long kamapim sampela samting na yusim gen long pipia bilong rais. Planti skin bilong rais i save go long haus pik, kakarauk, bulmakau na sampela save go bek long rais fam tasol nau ol bai yusim stret longkamapim pawa.

Dai boi i kirapim pait



• Ol Palestain man i pasim pes bilong ol na karim wanpela man ol Israel i kilim na krai long wanpela rot long taun bilong ol. Poto: TheWeekend Australian.

OL AMI wa tenka bilong Israel i bomim ol ami bes bilong Palestain bihain long ol Paletsain i sutim na kilim i dai wanpela yangpela boi Israel.

Yangpela ya i pilai i stap long wanpela fil an ol i sutim em long het. Ol ambulens ripot i tok ol i traim olgeta samting long kisim laip bilong manki ya tasol nogat.

Ol ami i sutim ol lain long Palestain tasol i nogat wanpela


ripot bilong dai i kamap ples klia yet.

Dispela hevi namel long Palestain wantaim Israel i kamap long mak bilong bel isi tasol dispela hevi i surikim samting i go moa yet.

Ol opisel bilong Amerika na arapela kantri husat i go pas long daunim dispela hevi i ting olsem Palestain lida Yaser Arafat i mas wok hat long traim holim gut ol

kainkain ami grup long sait bilong em na noken larim ol lus nabaut.

Ol Palestain i sutim tok olsem Israel i makim na kilim 40 man husat go pas long pait egensim Israel na ol Israel i tok ol Palestain i kilim 10 pipel na bagarapim moa long 100 manmeri aim ol i pasim ai na karim bom bilong dai i go insait long ples bilong Israel i stap long en.



NATIONAL WEEKLY HIT PARADE

28/07/2001

SPONSOR: TRADEWINDS

TW	SONG	ARTIST	TW	SONG	ARTIST
1(11)	PONDO PONDO	Felix Yausi	11	VUVU AI	Navi Marona
2	O ULAMAGI	Demas Saul	12	O SINE	Demas Saul
3	NONGA BASE	Anslom	13	WOPA KANTRI	K-Dumen
4	TE-AROHA	X-Vibes	14	WARA SEPIK	Felix Yausi
5	AKA BAI TEKE	Anslom	15	TOMARTIN	Patti Doi
6	50,000	Lista Serum	16	KEKENI E	Kelis Garona
7	ELISON	Kabu Rita	17	10,000	K-Dumen
8	BALLUS IRON ANTAP	Split Image	18	TAVINE	K2-Biis Band
9	SHANNA	Patti Doi	19	WARIAMBO	Kanage
10	SORI VADA LASI	Demas Saul	20	BAUNSIM BAUNSIM	K2-Biis Band

IN: NIL

OUT: NIL

SOURCES: YUMI BELO SHOW
LAIK BILONG ANKOL E.T
COCOA COLA GARAMUT
FLAME CULTURE & PHONE ENQUIRES

LAIPSTAIL

Ol sios i stap na senisim planti manmeri

SAPE METTA i raitim

TOKTOK i stap pinis na toktok i sanap yet we olgeta kristen na sampela ol manmeri nating i save tok sapos yu husat manmeri i stap insait long ol kainkain hevi we i save daunim yupela tru, yupela i mas kam long Jisas na em bai givim yupela malol.

Em i tru long wanem dispela hap tok em i stap insait long buk tambu (baibel) na ol kristen i save gut tru long dispela hap bikpela tok, long wanem ol i save harim dispela tok insait long wan wan sios bilong ol klostu long olgeta de na wik.

Nau yet lukluk i go insait long wan wan ol sios, ol i save pilaim bikpela pat tru long senisim planti man na meri insait long ol komyuniti, provins na kantri bilong yumi. Dispela pasin tu i kamap long olgeta kona bilong wol tu.

Manmeri na pikinini tu husat i save mekim ol kainkain rabis pasin we i save bagarapim sindaun insait long ol komyuniti i save senisim pasin bilong ol na kisim gutpela sindaun long wanem ol sios i stap na ol i save senisim pasin bilong planti ol lain manmeri.

Na sapos yumi sindaun bek na lukluk long ol dispela hat wok em ol sios i save mekim, yumi mas amamas bikos i nogat ol arapela lain i

stap we bai i ken senisim ol man na meri.

Olsem na yu husat lida meri na man insait long komyuniti, provins na long kantri, ol bisnis lain na tu yumi wan wan husat i laikim gutpela sindaun i mas givim bikpela sapot long ol sios.

I no long taim i go pinis mi i bin i go long witnesim opening bilong wanpela sios long Lufa stesin insait long Isten Hailans.

Long Sarere Jun 9, 2001 Yunaited Pentikostel Asemblis i bin opim wanpela nupela haus lotu long Auno viles ausait tasol long Lufa stesin.

Na dispela haus lotu long Auno viles i bin tokim 14-pela krisman long bildim. Na tingim long kirapim ol haus lotu

em i no isi. Ol marr na meri husat i save senis na givim stret bel na tingting bilong ol long kirapim ol haus lotu i save mekim samting i save kamap tru.

Pasto bilong dispela Auno haus lotu Abraham Finde husat i asples man long dispela hap i bin tokaut long taim bilong opening olsem long bildim na sanapim haus lotu em i no isi-pela wok.

Em i tok, tru ol sios i save mekim planti bikpela wok long helpim na lukim gutpela sindaun insait long ol komyuniti. Tasol long kisim sapot em i save hat tru. Pasto Finde i tok taim em i yangpela manki yet, em i save kamapim planti kainkain trabel we em i save wokim stil pasin, paif nabaut na ol arapela



• Pasto Abraham Finde wantaim meri bilong em i amamas long lukim wanpela haus lotu ol i opim long Lufa.

rabis pasin moa.

Mekim olsem i go i go na wanpela taim em i tingting i go i go na em i tok "inap em inap". Taim em i tok inap, em i tanim na givim baksait long olgeta rabis pasin em i save mekim long en, na i stat long i go long lotu.

Bihain liklik em i kamap na mekim wok olsem pasto. Na taim em i kisim nem na kamap olsem pasto, em i save i go pas na givim sevis long liklik namba bilong ol kongregesen bilong en. Long dispela taim ol i no bin i gat wanpela gutpela haus lotu olsem na ol i save lotu nabaut aninit long ol diwai na ausait long san na ren tu.

"Mipela i mekim olsem tasol mipela i no lusim bilip na givap long pre. Na tu mipela i askim i go i kam long kisim sampela helpim. Tasol ol askim bilong mipela i save wara nating, long wanem i luk olsem long sapotim ol wok bisnis, em i gat bikpela sans long kilim helpim. Tasol long sapotim wok bilong sios, em bai nogat tru, Pasto Finde i tok.

Em i tok taim em i lukluk raun na askim long helpim, em i no bin kisim wanpela gutpela bekim i

kam bek long en.

Dispela i mekim na em i kisim bikpela belhevi tru na em i bin tingting long lusim sios na i go bek long ol olupela pasin bilong en.

Pasto Finde i tok bihain long bungim ol kongregesen aninit long san na ren, em i bin kamap wantaim sampela tingting long bildim wanpela haus lotu. Tasol em bai kisim fans long wanem hap tru na kirapim nupela haus lotu. Na bikos em i wanpela yangpela man husat i snap strong long ol tingting bilong em, Pasto Finde i bungim ol liklik lain kongregesen bilong en na tokim ol olsem em i taim bilong wok hat long mekim ol kasava gaden we ol i ken traim long bungim sampela liklik mani long baim ol diwai na kapa samting long bildim haus lotu.

Ol kongregesen i wanbel na ol i wok hat tru long planim ol kasava na salim long ol maket.


Bihain long 14-pela yia ol i bin bungim moa long K1,000 na ol i yusim dispela mani long baim ol liklik diwai na kapa samting na bildim dis-

pela nupela haus lotu bilong ol long Auno viles.

Pasto Finde i tok, "planti taim yumi ol lain Papua Niugini i save lukluk na singaut tumas long helpim. Sampela taim yumi yet i mas pasim ai na maus na kamapim ol samting long strong bilong yumi yet. Na husat i laik i kam long bihain na sapotim wok, em i gutpela long wanem samting tru em yumi yet i statim pinis."

Pasto Finde i tok em i tru olsem ol sios i nidim tru ol sapot long wanem ol i save pilaim bikpela pat long senisim ol man na meri long painim gutpela sindaun. Tasol antap moa long dispela ol sios tu i mas traim hat long kamapim ol samting long strong bilong ol. Na ating bihain long ol i kamapim na kirapim ol wok, ol lain husat i laik sapotim wok bai i ken luksave na i kam insait na sapotim.

Em i tok long singaut na askim i go i kam em bai hat tru, tasol long sanap strong long bilip na kirapim ol samting insait long wok bilong sios, samting i save kirap na i save sain moa yet wantaim blesing bilong Papa God.



*Advertising on
FM100 works and
is cost effective.*

**CALL OUR SALES TEAM NOW ON
TELEPHONE 300 4304 OR FAX**

"SOUNDS BEAUTIFUL ONE DAY, PERFECT THE NEXT"

Yumi mas holim yet ol pasin tumbuna

HILDA WAYNE i raitim

PLANTI samting i soim yumi olsem ol pipel bilong Papua Niugini long bipo taim i save gut long lukautim ol yet long pasin bilong mekim gaden long bipo. Ol tumbuna bilong yumi i save gut tru long mekim ol kain gaden na katim bus na dikim baret o mekim spia bilong sutim pis long solwara na mekim kanu go pul wara. Dispela ol pasin em waitman i no bin lainim ol o ol no lukim wanpela piksa na kisim tingting na mekim.

Ol tumbuna i bin lukluk tasol na tingting i kamap olsem piksa long het bilong ol na ol i mekim ol dispela gutpela samting.

Traim askim yu yet husat i bin skulim ol tumbuna long kukim kaikai insait long hul bilong graun na miksik kaikai wantaim kokonait long givim gutpela swit long kaikai. Husat i lainim tumbuna long katim biwai na mekim kanu na spia bilong sutim pis. Husat i givim tingting long tumbuna long wokim haus yumi gat long olgeta hap bilong kantri.

Tingim ol lain hailans i mekim ol haus i tait nogut tru bilong stapim kol win long go insait na ol lain nambis i mekim haus we ol i no inap skin hat.

Sampela taim yumi mas tingting gut na askim yumi yet long wanem we yumi kamap na stap nau long dispela taim. Yumi mas lukim ol samting nau i save kamap long pes bilong yumi na tingim kain pasin ol tumbuna bilong bipo i save silip, kaikai, marit, wok, amamas na kamapim gutpela sindaun long komyuniti.

Long Saina ol i save makim sampela spesel ples na de bilong ol pipel i ken bung na lukim tingting bilong ol tumbuna long bipo long kain samting ol i save yusim long mekim ol wok bilong ol.

Dispela ples em ol i save kolim Chinese Postal Museum na long dispela ples ol i save putim ol samting we bipo ol tumbuna i save yusim long mekim ol wok nabaut. I no long taim i go pinis ol i bin mekim wanpela so long museum na planti manmeri na pikinini i bin kam bung long lukim wanem samting i stap long museum.

Man husat i go pas long dispela so o eksebisen i tok tingting bilong ol long mekim dispela so i bilong soim ol yangpela lain long dispela taim olsem ol i mas amamas long ol gutpela samting ol tumbuna i bin mekim long kisim yumi kam long dispela taim nau.

Long eksebisen ol i putim ol olupela samting bilong wok em ol tumbuna lain i mekim na save yusim long mekim gaden na planim rais na paitim ol kumu bilong kisim rais.

Dispela wok em i hat tru tasol ol tumbuna bilong bipo i save hat wok long mekim. Long dispela pasin bilong mekim fam wok tasol na Saina i kamap gut long developmen bilong kantri.

Saina i stap lida bilong planim rais long wol na tu em i save salim i go long ol narapela kantri long kisim mani bilong kantri.

Nau long dispela taim Saina i joinim ol narapela kantri na i bungim America, Japan, Inglan, Australia na Jemeni long kamap wanpela strongpela kantri long sait bilong developmen bilong em, tasol planti kastom na pasin bilong tumbuna bilong ol em ol i no lusim tingting na ol i save holim strong tru.



• Poto i soim olsem wanem ol pipel bilong Sepik i save sapim kanu bilong ol.

Japan em wankain olsem Saina tasol ol pipel bilong Japan i no save lusim pasin tumbuna bilong ol. Ol lain Japan i save gat bikpela rispek tru long ol narapela na ol i save opim doa bilong kantri bilong ol na laikim ol narapela i ken kam lain pasin bilong ol.

Yumi yet long Papua Niugini tu em dispela kain pasin i no nupela long wanem planti gutpela pasin i stap yet tasol sampela i wok long dai isi isi. Long Nesenel Museum long Mosbi ol i bungim planti samting tru na i stap yet long ol lain pipel bilong tude i ken go na lukim.

Taim mi yet i bin go raun long museum, bikpela sori tru i kisim mi taim mi lukim ol olupela samting bilong bipo em ol tumbuna i bin yusim long mekim wok. Ol samting kain olsem ol ston tamiok, stik bilong dikim graun, bilum bilong karim kaikai, naisepla bilas bilong bodi na ol kain samting olsem we i mekim mipela kamap spesel long wol long wanem nogat wanpela hap long wol bai yu inap painim ol kain samting olsem i stap.

Mi lukim han mak bilong ol tumbuna long bipo na mi tingim Bikpela Papa God bilong dispela kantri i no bin lusim ol lain tumbuna. Em i givim gutpela tingting long ol i ken lukautim ol yet na kain samting bilong bipo ol i mekim i nambawan tru. Ol bilum ol tumbuna i kisim rop bilong bus na mekim. Klos bilong ol em ol i kisim long ol lip bilong bus na stail bilong ol i mekim ol samting i smat moa yet. Ol waitman i lain long mekim tamiok long masin na ain tasol ol tumbuna bilong mipela i sapim ston na mekim na dispela em i bikpela samting tru.

Sapos yu go long museum bilong mipela traime lukluk gut ol samting em man i mekim na i no masin tasol taim yu lukluk klostu bai yu ting masin i mekim.

Wankain olsem long Saina yumi tu i mas traime long stapim ol pasin yumi save mekim long olgeta de na traime tingim ol tumbuna bilong bipo i bin kisim mipela i kam nau long hatwok bilong ol yet.

Planti samting bilong waitman i wok long kamap long kantri bilong mipela nau long dispela taim. Ol

long bihainim mama bilong ol na mekim bilum na karim.

I tru yumi skul tasol dispela i no min olsem yumi lusim tingting long ol pasin bilong yumi na ol tumbuna.

Ol yangpela taim ol i laik kisim holidi na stap long haus papamama i mas salim ol i go long ples na traime stap wantaim ol bubu na lapun long ples. Traime askim ol bubu long pasin bilong bipo.

Yumi ol yangpela i save bisi long planti samting tru na wok long sot win long go long skul, wok long bikpela siti na bihain marit na gat pikinini tasol yumi mas go bek long ples na strongim pasin bilong kastom na tredisen long ples.

Yumi mas lainim tokples tumbuna na ol gutpela pasin em papamama bilong mipela i bin lainim bipo.

Ol yangpela noken ting olsem skul bilong yu tasol i ki bilong yumi long laip na yumi lusim tingting long ol pasin tumbuna. Pasin tumbuna em i gat gutpela mining long em sapos yumi sindaun na stadi na skelim gut bilong wanem na ol lain i save mekim ol pasin ol i save mekim.

Long tingting bilong pasin tumbuna tasol ol lain long Sepik na Madang i save pulim planti turis i go long ples bilong ol. Long pasin tumbuna tasol na ol lain long hailans i save mekim bisnis long planim ol kaikai na planim kopi bilong kisim mani.

Lukim kain man olsem Peter Barter husat i kamap long narapela kantri tasol em i save laikim tru PNG na mekim ol wok bilong turisim i go bikpela tru. Em i save maketim ol samting bilong mipela long olgeta lain long wol i ken lukim na kam long PNG na save moa.

Ol lain Samarai na Tolai tu i gat ol gutpela danis we bai yu i no inap painim long wanpela hap long wol. Nogat tru.

Yu tingim wanem hap yu yet i kam long em, bai yu lukim olsem planti kalsa na pasin tumbuna bilong bipo em bai yu lukim olsem tumbuna bilong yu i smat tru na kamapim.

Yumi mas traime long strongim kalsa bilong yumi. Gavman i mas putim tingting long olgeta skul i mas lainim ol pikinini long holimpas ol gutpela kalsa bilong yumi na noken tingting long pasin bilong waitman tasol. Pasin bilong waitman i ken stap tasol yumi yet i gat pawa long kilim i dai o strongim pasin tumbuna i bin bihainim long bipo.

Sampela lotu i stap nau i save tok olsem pasin bilong bilas nabaut i no gutpela tasol long tingting bilong mi yet mi save askim bilong wanem na ol tumbuna i bin kisim tingting long haitim bodi bilong ol.

Bipo taim ol man i no save pulim meri na meri i no save sem taim em i bilas long wanem i nogat sem pasin na man i no save mangalim meri nating nating. Pasin bilong tumbuna i save skulim gut ol yangpela long taim bipo long ol i mas stap gut na helpim wanpela na narapela.


Traime askim ol lapun long tude. Ol i lukim planti moa senis bilong bipo i kam inap nau na ol bai tokim yu wanem kain senis bilong tude i gutpela na wanem samting i no gutpela.

Kisim tingting na toktok bilong ol na sapos ol i no laikim wanpela samting na ol i tok em i nogut, yu mas holim strong toktok bilong ol na mekim senis long laip bilong yu.

Senis yu laik mekim i mas rispektim ol kalsa na tu noken lusim ol pasin tumbuna. Insait long blut bilong yumi olgeta em tumbuna i planim sid bilong yumi ken kisim gutpela sindaun long dispela taim na yumi i mas strongim kalsa bilong yumi.

Sapos yumi tingting long we bilong mipela yet na bihainim ol samting bilong arapela lain bilong arapela kantri i save soim mipela bai yumi i no inap winim wanpela.

Dispela tingting i no long resis wantaim wanpela na narapela, em tingting bilong kamapim gutpela sindaun na tingting gut long husat lain i stap insait long komyuniti bilong mipela na amamas olsem yumi bilong dispela kantri.



• Masin bilong bipo ol tumbuna bilong Saina i save yusim long mekim rais.

Planti manmeri dai yangpela yet

PEKU PILIMBO i raitim

PASIN bilong kaikai, dring bia planti, smok, kaikai buai i save bagarapim yumi tasol yumi planti i no klia.

Planti man i save pundaun na dai nating taim ol yangpela yet. Ol dispela man inap stap longpela taim liklik sapos ol i lukautim helt bilong ol.

I gat kankain rot ol manmeri i save bagarapim ol yet tasol yumi pipel i no luksave. Bihain long kanikain dai kamap, ol pipel i mas mekim w anem long lukautim bodi bilong ol na stap longpela taim. Ol pipel long ples i mas luksave long dai olsem ol dai man yet i kilim ol yet na i no narapela man.

Bilip long sanugma

Olgeta taim wanpela man i dai yangpela yet, ol pipel bai tok: "Ol man i mas sangumnaim em na em i dai."

Ol i save traim hat tru long painim aut husat i kilim em. Sampela taim ol i save poinim pinga long rong man o meri na tok: "Em ya, man ya o meri ya i kilim em."

"Long dispela taim mipela lukim man ya i mekim dispela kain pasin bilong soim olsem em i gat birua long dai man.

"Ating em mas kilim em. Yumi askim em," ol i save tok.

Planti taim ol man nating. Husat nogat asua long dai bilong man i save sutim tok na bagarapim nem o sampela taim paitim em na mekim nabaut long em. Taim em i tok em nogat, ol pipel i save tok yu giaman.

Planti kankain sik i save kamap na kilim man yangpela yet. Planti bilong ol dispela man i dai bikos ol i no lukautim bodi bilong ol.

Ol i save kaikai olsem pik na dok. Ol i dring bia na mekim pasin pamuk wantaim wanem manmeri ol i bungim. Dispela ol pasin i ken luk gutpela tasol i save kilim man.

Sik na dai i no save painimaut pastaim yu wanem kain man o meri. Yu mekim nabaut wantaim laip bilong yu, yu ken dai yangpela yet.

Baibel i tok olsem sin i save bringim dai i kam. Sapos yu mekim sin, pe bilogn em i dai tasol. Tasol planti manmeri i no save wari. Ol i mekim nabaut i go na kilim ol yet yangpela. Ol manmeri bilong ples i save painim hat long bilip olsem dispela yangpela man i dai.

Asua i stap long dai manmeri tasol ol i no save. Ol i save tingting na bilip strong olsem posin o sanguma i stap bihain long dai bilong man ya.

Birua i stap long kaikai

Sik kensa i save kilim planti manmeri long kantri. Wanpela ripot i kam long Helt Dipatmen i tok wanwan yia 10,000 manmeri i save dai long dispela sik.

Dispela ol manmeri i no inap dai sapos ol i lukautim bodi bilong ol gut. Sapos ol i luksave long sampela mak na i no save wanem samting i kamapim dispela solap o mak long bodi, ol i mas sekim wantaim ol dokta na hariap tru

kisim marasin. Larim ol dokta i sekim.

Papua Niugini i nogat gutpela masin bilong sekim sik. Em i gutpela sapos yu sekim hariap wantaim ol dokta na nes. Ol bai tok klia wanem samting i kamapim ol sik nabaut. Sapos mak, ol bai tok klia wanem samting i kamapim dispela mak. Noken stap tasol na larim mak o solap i kamap bikpela bipo long yu go sekim.

Manmeri husat save smok na kaikai buai inap kisim maus

olsem posin taim em i go daun long bel. Bodi bilong yumi save laikim mak bilong kaikai stret long wok orait. Tasol yumi save givim planti moa i go antap.

Gris bilong ol dispela kaikai i go daun long bel. Taim bodi i kisim mak bilong gris em i laikim, ol narapela i save painim ples long stap.

Ol dispela ekstra gris i save stap bung long bel, long as na aninit long maus na sait long banis.

Dispela ol samting i givim bikpela strong long masol long bodi bilong ol. Taim bipo, i bin nogat planti manmeri i save smok, dring bia, kaikai abus olgeta taim. Ol i bin kaikai abus wanwan taim.

Yumi ol lain bilong taun i wok long kaikai abus olgeta de. Planti samting yumi save kukim wantaim gris nogut. Yumi save pasim ai na kaikai tasol. Yu no ting wanem samting bai kamap bihain.

Yu gat bodi gris we i no kam i go aut long tuhat bikos yumi no

strong na ting man o meri i dai long sanguma na posin, mi ting em gutpela sapos yumi senis na lukluk long wanem kain laip dispela dai man i bin gat.

Man o meri i ken dai yangpela bikos em yet i kilim em. Lewa i save pamim blut i go long olgeta hap bilong bodi long ol rop bilong blut. Taim planti gris bilong kaikai i go long bodi, ol displea gris i save go na bloking rot bilong blut i ron. Blut i no save go gut long het olsem na ol man i save ai raun. Sapos nogat sampela rot man o meri ya i kisim long stretim dispela hevi, ol manmeri inap dai taim olgeta rot bilong blut ron i pas na hat long blut i raun i go long het.

Eksasais na kaikai gut

Sapos yu luk olsem yu mekim planti eksasais, gris bilong bodi bai i paia na lus olgeta. Ol dispela gris i no inap paspas long skin na mekim yu sik nogut tru.

Olgeta apinun, sapos yu save wok long opis na raun long ka tumas, traim wokabaut. Sapos yu meri na i pret long man i pulim yu, kisim wanpela o tupela manki o man bilong yu na tokim em long yutupela wokabaut liklik na rausim gris long bodi. Sampela taim yu ken sanap long wanpela hap na wokabaut raun tasol inap long yu tuhat nogut tru.

Sampela taim yu ken ron na larim bodi i stretim rot bilong blut i ron gut. Noken yu go stap long haus, waswas kaikai na pundaun long bet tasol. Dispela em pasin nogut. Yu laik kilim yu yet.

Traim kaikaim ol gutpela kaikai bilong gaden. I no gutpela long yu putim bikpela hap mit bilong kakaruk antap long plet olgeta nait. Yu posinim yu yet wansait. Yu mas traim kukim ol gutpela gaden kaikai.

Ol tumbuna i bin kaikai gaden kaikai na wanwan abus olsem na ol i bin stap longpela taim long dispela graun. Ol i no painim planti sik tu. Yumi stap long gutpela taim. I gat haus sik, marasin, dokta na nes i pulap na yu inap stap longpela taim tasol yumi save rong na kaikai olsem long-long manmeri.

Yumi no save skelim kaikai gut na tok dispela kaikai inap kilim mi o dispela bai bagarap mi. Yumi lukim wanem gutpela kaikai yumi save pasim ai tasol na tok 'ah, dispela kaikai swit moa ya.' Tasol yumi no save wanem samting dispela switpela kaikai inap mekim insait long bodi bilong yumi.

Sapos ples yu save wok long en i stap klostu, yu mas traim wokabaut sampela taim. Noken kalap long bas o ka sapos yu laik raun i go klostu tasol na wok.

Sapos yu lukaut long wanem samting yumi kaikai, ating planti manmeri i no inap dai yangpela. Planti save manmeri i save dai bikos ol i nogat save bilong kaikaim gutpela kaikai. Bodi bilong yumi em wanem samting yumi kaikai. Sapos gutpela kaikai, em bai lukautim yumi. Sapos nogut em bai kilim yu. Olsem na yu yet skelim na sapos wanpela dai, noken hariap tok ol i posin o sangumaim em.

Sindaun na sekim sapos em kilim em yet ol ol sanguma kilim em. Bai yu kirap nogut long lukim olsem i no sanguma o posin, em kaikai tasol bagarapim em.



kensa. Ol meri husat save pamuk i save kisim sik long rot bilong kisim bebi.

Sampela taim ol man i save dai yangpela taim blut i no pam moa. Ol gris na hap skin i save blokim rot bilong blut i pam long lewa i go long narapela hap bilong bodi. Ai raun na yu nogat save long wanem samting yu mekim sampela taim. Bihain taim bai yu no moa tingting na yu pundaun tasol na dai.

Planti manmeri i save tok dispela em hat atek o strok. Dispela kain pasin save kamap na kisim laip bilong planti manmeri long kantri.

Planti bilong ol dispela lain em ol saveman bilong kantri. Ol i gat bikpela save tasol ol i no lukautim sait bilong bodi na wanem ol i kaikai.

Ol i save kaikai olsem pik dok. Taim ol go long pati, ol save dring planti bia. Bia i save kamapim planti gris long bodi. Ol i kaikai planti abus olsem kakaruk, pik, sipsip gris, bulmakau mit na planti abus bilong solwara tu.

Dispela ol kaikai i save swit long maus tasol em wankain

Planti manmeri bai karim bikpela as tru, ol man bai karim bikpela bel olsem ol meri i gat bel. Gris aninit long maus i save solap. Dispela em mak bilong soim olsem manmeri i gat planti gris tru long bodi.

Bodi bilong ol dispela manmeri i hevi na ol i save painim hat long ron na sotwin klostu taim ol kalapim liklik maunten. Taim gris i go pulap tru, em i save painim spes long stap. Sampela taim em bai go blokim rot bilong pulim win. Sampela taim gris i surik i go na pasim rot bilong blut i go i kam na ol manmeri i bai ai raun na i painim hat long sanap stret.

Dispela pasin i mekim i go na ol man i save dai yangpela. Nogat narapela samting rong, gris bilong kaikai i save kilim ol.

Nogat eksasais

Taim bilong tumbuna, ol manmeri i save wok hat tru long painim kaikai. Ol save pul long kanu long painim pis. Wokbabaut longpela hap insait long bus long painim abus. Mekim bikpela gaden na save wokabaut raun i go long planti hap.

save eksasais o mekim strongpela wok long painim kaikai.

Planti wok manmeri i save dai yangpela na yu sutim toktok long posin, sanguma na marila i no tru. Ol displa save manmeri i no lukautim bodi bilong ol gut. Ol i no givim eksasais long bodi. Ol kaikai planti na tingting long wok tasol. Ol i no kisim sampela taim long traim stretim bodi bilong ol. Olgeta moning na apinun ol i wok pinis, kaikai na slip. Kirap long moning na mekim wankain pasin.

Yumi PNG i save pret nogut tru long pasin bilong sanguma na marila. Taim wanpela manmeri i dai yangpela yet, yumi no save sindaun na traim painim aut wanem samting tru i kilim em. Yumi hariap tasol painim wanpela man o meri long komyuniti na sutim tok long en.

Tarangu man o meri i no save wanpela samting tasol wanpela i tok em i mas sanguma na olgeta i save bilip stret na sutim toktok long em. Tasol samting tru em man o meri husat dai i mas kilim em yet long wanem kain laip em i bin lidim long en. Sapos yu wanpela manmeri husat save bilip

Namba wan kopi sidling projek i kamap long Kabwum

WANPELA bikpela kopi sidling projek bilong kamapim ol haibrid kopi i kamap insait long Gwama ples long Kabwum Distrik, Morobe provins. Na dispela kopi sidling bai strongim rot bilong surukim kopi projek i go bikpela long bihain taim bikos ol fama bai i kam long kisim ol sid long dispela hap na i go bek planim long graun bilong ol wanwan. Planti ol fama long sait bilong Gumum, Iloko, Kowon, Bomu na Gotoro ples na tu long arapela hap bilong Kabwum distrik inap kisim ol kopi sids na go bek planim.

Dispela projek em hatwok bilong wanpela yangpela man nem bilong em Bart Timuka wantaim famili bilong em na sapot bilong ol kopi groas long Gumun, Iloko, Kowon, Bomu na Gotoro ples. Dispela yangpela man em yet i tromoi pinis K5,000 long kamapim dispela kopi sidling projek insait long tupela na hap yia.

Julai 10, 2001 em bikpela de bilong dispela yangpela man wantaim ol kopi fama long Gwama eria na Kabwum distrik. Ol lida olsem Gavana bilong Morobe provins Luther Wenge, memba bilong Kabwum Ginso Saonu, presiden bilong Seko Lokol Level Gavman Giukta Nakalip wantaim



• Ol manmeri i sanap lukluk raun long dispela kopi sidling projek.

wokim wok painimaut go bek long givim tingting long gavman long helpim dispela projek. Em i kros long planti wok politiks i bin kamap na bagarapim Wasu Kabwum Kopi Mil we Provinsal Gavman i helpim na kamapim tasol ol i no lukautim gut na i bagarap. Na em i tok long 2002 baset bai Provinsal Gavman i sapotim long kamapim gen Wasu Kabwum kopi mil. Na tu bai ol i putim sampela mani i go insait long helpim Gumum kopi sidling projek.

Presiden bilong Seko LLGC Giukta Nakalip tu i givim sapot bilong em wantaim gavman bilong em long lokol level na askim ol pipel long wok bung wantaim tupela lida, Mista Saonu na Gavana Wenge long kamapim wok bilong kopi insait long Kabwum distrik.

Moa long wan tausen manmeri bilong Gwama eria na tu arapela hap olsem Komba, Selepen na Timbe i bin kamap long witesim dispela lonsing bilong Kopi sidling projek ya long Gumum ples.

Gavana Wenge wantaim Mista Saonu i bin slip wanpela nait long dispela ples na bihain go bek long Lae.



• Mista Wenge na Mista Saonu wantaim ol fama bilong Nursery projek. (Raithan) Gavana Wenge na Memba i givim kopi sids i go long ol lida bilong Gumum ples olsem mak bilong luksave long projek.

ol kaunsila i bung long ples Gumum long luksave na sapotim dispela projek. Ol i singautim Nesene Minista bilong Agrikalsa Muki Taranupi na seketeri bilong dipatmen tasol tupela i no bin kamap.

Memba bilong Kabwum Ginso Saonu i tokim ol pipel olsem laip bilong planti manmeri long Kabwum i stap long kopi. Olsem na em i tok amamas long ol man bipo ol i bin go pas long bringim kopi i go insait long distrik. Tasol em i no amamas long ol man i go pas long Wasu Kabwum Kopi Mil na bagarapim mil. Em i redi long strongim na sapotim dispela kopi sidling projek bikos dispela em wanpela projek we ol pipel yet i helpim ol yet long kamapim na dispela i stap long bikpela tok bilong lotu na gavman tu long ol pipel i mas helpim ol yet pastaim long ol i ken kisim helpim i kam bihain.

Memba Mista Saonu i tok em i redi long sapotim dispela kopi projek stat long yia 2002 na i go antap.

Dispela kopi sidling projek i bin stat long 1999 na i kam inap nau em tupela krismas na hap. Man i go pas long projek ya, Bart Timuka i bin yusim K5,000 pinis long dispela projek. Ol i kisim haibrid kopi sid long Aiyura long Kainantu, Isten Hailans provins na i go lukautim long neseri. Insait long neseri, 40,000 (40 tausen) sids i kamap pinis na redi long planim long gaden. Mak bilong ol em wanwan famili memba i mas gat wan o tu tausen kopi diwai.

Gavana bilong Morobe Luther Wenge i strongim na sapotim dispela projek na tokim ol manmeri long groim kopi na noken wetim gavman na lida long givim ol mani. Em itokim ol pipel olsem bai i gat wanpela gavman tim tu bai salim ol i kam na lukluk raun na



• Ol visita kamap long Gumum ples.

Brata i kilim pren man bilong susa



WANPELA taim tupela susa na brata i stap. Olgeta taim meri ya i save stap long haus tasol na i no save mekim wanpela o wok. Brata bilong meri ya tasol i save wok. Em i save kirap stret long bik moning nabaut na go wok long gaden. Taim bilong kukim kaikai bilong tupela, man ya tasol i save kukim na givim susa bilong em.

Man i lukim na em belhat nogut tru long susa bilong em. Nau man ya kam long haus na tingting long wanpela trik long kilim dispela snek ya.

Man ya tokim susa bilong em, "Mi sik nogut tru, tumoro yu mas i go long gaden na mekim sampela kaukau maunten na painim sampela kaikai long gaden na karim i kam bilong kukim na kaikai.

So meri ya kirap long moning stret na go long gaden. Taim meri i go pinis long gaden man ya i kisim gras sket bilong susa bilong em na i go stap klostu tru long raunwara na sem taim em wokim draipela paia klostu long wara na kukim wanpela bikpela na ston i bin ret nogut tru.

Wantu tasol draipela snek ya i opim maus bilong em na i laik tanim long holim man ya.

Snek i bin ting olsem em meri bilong em tupela i save paul ya. Tasol nogat, man ya pusim draipela hatpela ston i go insait long maus bilong snek ya na snek ya sekim sekim olgeta bodi bilong em na tru em dai insait long wara. Meri ya stap long gaden

na em bin kam bek wantaim sampela kaikai. Man brata bilong em, em bin giaman olsem em bin sik nogut tru. Tasol samting em bin wokim em i no bin tokim susa bilong em.

Neks moning susa bilong em i stap long haus na boi nogut brata bilong em kisim bus naip tasol na em bin go antap long diwai na lukluk i stap long susa bilong em. Susa bilas gut tru na i go stap long wara tasol nogat wanpela samting kamap.

Wantu tasol em bin rausim olgeta samting na i go insait long wara na em bin lukim snek ya i dai i stap antap long wara. Hariap tasol meri i pulim snek kam ausait long raunwara tasol snek ya i dai pinis.

Meri ya belhat long brata bilong em na em i ranawe i go pinis long wanpela hap we brata bilong em na i no inap painim em olsem na tupela i lusim arapela na tupela i go stap longwe.

Imbo Kerilalibu, Sauten Hallans provins.

Nem: Bopusena Gorong
 Krismas: 15 (meri)
 Adres: Kreer Primary School, P.O. Box 502, Wewak, ESP.
 Save laikim: Mekim pen pren wantaim arapela pren.

Nem: Lousian Lousy
 Krismas: 16 (man)
 Adres: Kreer Primary School, P.O. Box 502, Wewak, ESP.
 Save laikim: Mekim pen pren wantaim arapela pren.

Nem: Florence Andwan
 Krismas: 16 (meri)
 Adres: Kreer Primary School, P.O. Box 502, Wewak, ESP.
 Save laikim: Mekim pen pren wantaim arapela pren.

Nem: Sylvia Banoi
 Krismas: 16 (meri)
 Adres: Kreer Primary School, P.O. Box 502, Wewak, ESP.
 Save laikim: Mekim pen pren wantaim arapela pren.

Nem: Fiona Kavi
 Krismas: 18 (meri)
 Adres: Kreer Primary School, P.O. Box 502, Wewak, ESP.
 Save laikim: Mekim pen pren wantaim arapela pren.

Nem: Bomba Alois
 Krismas: 17 (man)
 Adres: Division of Health, P.O. Box 524, Kundiawa, Chimbu Province.
 Save laikim: Pilai musik na mekim pen pen wantaim ol manmeri.

Nem: Grace Setina Artrin
 Krismas: 15 (meri)
 Adres: C/- Mr Artrin, P.O. Box 444, Cape Coast, Ghana, West Africa.
 Save laikim: Mekim pen pren.

Nem: Lavams Artrin
 Krismas: 22 (meri)
 Adres: P.O. Box 442, Cape Coast, Ghana, West Africa.
 Save laikim: Ritim buk, harim musik, senisim presens na mekim pen pren.

Nem: Thomas Mula
 Krismas: 15 (man)
 Adres: P.O. Box 216, Kimbe, WNBP.
 Save laikim: Mekim pen pren, helpim narapela lain sapos ol i nidim helpim.

Nem: Danny Jack
 Krismas: 15 (man)
 Adres: Ogeibeng Specialist Training Centre, P.O. Box 1157, Mt Hagen, WHP.
 Save laikim: Pilai spots, gita, tok stori na mekim prensip wantaim narapela.

Nem: Petrus Nonga
 Krismas: 16 (man)
 Adres: Ogeibeng Specialist Training Centre, P.O. Box 1157, Mt Hagen, WHP.
 Save laikim: Ritim buk, pilai basketbal, mekim prensip wantaim narapela.

Nem: Paul Sipik
 Krismas: 16 (man)
 Adres: Ogeibeng Specialist Training Centre, P.O. Box 1157, Mt Hagen, WHP.
 Save laikim: Go long skul, sios, ritim buk na wokim tani.

Nem: Peter Malalu
 Krismas: 17 (man)
 Adres: Ogeibeng Specialist Training Centre, P.O. Box 1157, Mt Hagen, WHP.
 Save laikim: Harim pop musik, salim tingting long wantok na pren.

Nem: Robert Waripi
 Krismas: 16 (man)
 Adres: Ogeibeng Specialist Training Centre, P.O. Box 1157, Mt Hagen, WHP.
 Save laikim: Pilai tas, wokim fani, na bekim pas.

Nem: Kebby Samuel
 Krismas: 17 (man)
 Adres: Ogeibeng Specialist Training Centre, P.O. Box 1157, Mt Hagen, WHP.
 Save laikim: Pilai ragbi tas, go long skul, save laik long raitim tumbuna stori.

Meri i wari long lusim boipren bilong em

Dia LAIPLAIN,

Mi wanpela sumatin. Mi save amamas long sampela bekim yupela i save raitim long niuspepa. Sampela i save bekim stret ol askim bilong mi.

Wari bilong mi em, mi gat wanpela boipren na em i laikim mi tru na mi tu i laikim em tumas. Tasol famili bilong mi i no laikim dispela. Ol i no laikim long mitupela bai pren yet.

Tasol mi laikim em tumas na i hat tru long mitupela i bruk. Mi laikim boipren bilong mi tumas bikos em i wanpela isipela man na i no save toktok planti o mekim ol bikhet pasin. Em i gat sampela tingting we i wankain long tingting bilong mi na mi pilim olsem i hat tru long mi bai lusim em.

Mi toktok wantaim famili bilong mi long dispela boi tasol ol i no laikim bikos mi stap yet long skul. Ating sapos mi pinisim skul bai ol i no inap tingting olsem. Tasol poin bilong mi em olsem:

Mitupela i gat bikpela laik tru long narapela narapela na mitupela i no inap stapim dis-



pela prensip long nau yet. Em i save kam lukim mi na em save salim pas long mi na sampela taim em i save toktok wantaim mi long telepon.

Yupela ting mipela i asua long mekim pren long dispela taim o nogat? Bilong wanem na famili bilong mi strong tumas taim mi no mekim wanpela samting rong long lukim boipren bilong mi tasol?

Mi save olsem mi no harim toktok bilong famili bilong mi tasol laik bilong mi long boipren bilong mi em strong tumas. Bai mi mekim wanem?

Tingting i paul

Dia PREN,

Mipela i amamas long harim olsem yu save wanbel long lukim ol bekim mipela i save putim long niuspepa.

Mipela i save traim long toktok long ol hevi we olgeta taim ol manmeri i save toktok long en.

Wantaim helpim bilong God, mipela i save traim long helpim ol manmeri i stretim ol yet gut, long painim amamas we Jisas i givim. Mipela is ave traim long stapim pasin bilong kros na wari.

Planti yangpela manmeri i save bungim wankain hevi olsem yu toktok long en, we ol i save bungim hevi long laik bilong ol long narapela pren bilong ol na sem taim ol i traim long mekim gut skul wok bilong ol.

I luk olsem famili bilong yu i no egensim laik bilong yu long mekim pren wantaim boipren bilong yu. Tasol ol i lukim olsem nogut prensip bilong yu bai pulim yu tumas i go aut long stadi bilong yu na ol i ting yu inap wet inap long yu pinisim skul bilong yu.

I luk olsem prensip bilong yu wantaim dispela boi i no bikpela

samting tumas bikos em i olsem pasin bilong pren tasol na i nogat wanpela samting we i toktok long marit. Ating ol famili bilong yu i lukim dispela i narakain liklik. Planti yangpela i save mekim pren pasin na go moa insait long pasin bilong slip wantaim narapela narapela taim ol i stap yet long skul.

Nogat famili bilong yu i wari olsem dispela pensip bilong yutupela bai i go strong olgeta na pasin bilong yu i go insait long ol pasin we yu inap bungim hevi long bhain.

Long tingting bilong yu, yu ting i nogat wanpela hevi i stap long yu i lukim boipren bilong planti taim. Ating i gutpela long yu no ken lukim boipren bilong yu olgeta taim we dispela inap mekim ol famili bilong yu i amamas.

Yu inap skelim dispela olsem i no stret long laik na tingting bilong yu, tasol famili bilong yu i gat gutpela tingting tu long sevim yu long no ken bungim ol hevi we planti yangpela i save bungim tude.

LAIPLAIN

KANAGE



kam.. Kanage lukim poroman bilong em ya i sindaun na em hariap tasol na pasim laplap. Poroman bilong Kanage hariap tasol na putim het i go daun long graun. Em i no bisi long poro bilong em Kanage. Bihain Kanage kam na ol i stori. Na poro i askim Kanage olsem, "What are you doing there,"

na baga ya Kanage kirap na tok. Mi wok long digim taro long gaden bilong mi. Poroman ya kirap na kilim skin long lap.

Michaelyne Rabaul

A pinun pinis na Kanage i stap long Omkolai na laik go long Moromaule long Saut Simbu.. Taim em kam daun long wara maket, em i bungim wanpela meri Gunangi, marit long Kia-Waindim. Apinun pinis na Kanage gritim bikmeri ya olsem, "Keken i adorai namona." Meri Sinasina ya paul long dispela toktok na em bekim olsem, "Yalbire erehughe," "Meri ya ting olsem, Kanage i tok, "Meri yu kam ha?" Tasol samting tru Kanage tanim toktok go long tokples Papua na tok, "Meri gutpela apinun tru."

Michael Bomal Kimbe

Kanage em i bilong bikples Flamale long Rabaul Is Nu Briten provins. Wanpela taim long moning wanpela man i kam long haus long painim em. Tasol Kanage em i slip yet ya. Man ya sindaun wetim Kanage i slip yet. Man ya sindaun yet na em lukim Kanage ya ran as tingting tasol i

Kanage bin go namba wan taim stret long kolples Hagen wantaim ol Gavman minista na ol narapela bikman long holim NEC miting long hap. Long Fraide bikmoning stret em laik rausim liklik toea bilong em na givim siksti stret i go long PNGBC ATM masin. Tasol taim em i kamap, lain long ATM i abururim pinis Air Niugini na go olsem snek long sait long Westpac. Manki i no bisi long sanap long lain. Em i bihainim rot i daun olsem long maket na laik luksave moa long taun. Taim em kamap long Wamp Nga Fuel Sevis Stesin em kirap nogut tru long lukim ol plastik tu mekim wanpela longpela lain stret i go olsem long wanpela fuel pam long kisim kerosin tasol nogat man o meri i was long ol, "Manki

lukim olsem na ai bilong em i op na tok. Man mi ting ol man tasol i save mekim lain na kisim mani long ATM tasol nogat." Ol plastik tu i laik kamap man na mekim lain long dringim kerosin. Mi paul nau bai mi jonim lain long kisim mani long ATM o bai mi sanap na wetim kerosin manki long givim kerosin bilong dringim. Tarangu em i kisim taim na go bek long Highlander Hotel we em lukim lapun bilong Haus Sir Pita werim nekles bilong em na givim tok pisin bilong Sepik wantaim ol Kanage i stap na isi tasol i go sanap wantaim ol.

Desmond Vhruri Mt Hagen

Kanage em bilong Simbu na em i stap long Lae. Wanpela taim Kanage raun wantaim ol poroman bilong em i go long 4 Mail maunten ol i bin lusim ka bilong kampani na i go lukim ol wantok. Ol lukim wantok pinis na ol laik go bek gen long haus tasol ol manki hansapim ol wantaim gan na naip. Taim Kanage lukim ol manki sanap wantaim gan na naip em i pispis long trausis. Hariap tasol em i tokim ol manki, "Yupela milien mani nogat na Kanage kirap pre long papa God." "Salim ol nabaut nabaut a-yo papa God." Ol manki mekim nabaut long mipela o a-yo papa God tokim ol manki mi mani nogat o ol manki belhat na paitim Kanage nogut tru. Kanage hariap na tokim ol manki "a- yo ol pikinini." Ol manki lusim Kanage wan-

taim ol poroman bilong em na tekov nabaut.

Geoff Oxford Lae

Wanpela taim papa Kanage slip long haus bilong em na taim bilong wok em pinis na olgeta poro bilong em lusim em na i go long wok. Em kirap leit na kisim basikol bilong em na em i no givim sanis long baik ya. Em givim siksti i go daun long maunten na em lukim wanpela mama em tu laik go long maket na moning tru em dispela banana mau. Kanage givim siksti go daun long maunten. Paps Kanage i no save gut long ranim basikol. Tarangu em go daun tasol na bamim mama na tarangu mama ya pundaun wantaim dis banana bilong em. Paps Kanage tu pundaun wantaim basikol bilong em long sait. Nau paps Kanage em belhat nogut tru long mama ya. Em kirap ran tasol kam long mama na kerosin em. Em laik tokim mama ya olsem, "Mi han na yu harim ah?" Tasol paps Kanage i paulim tok pisin na em tokim mama olsem, "Yu han mi harim ah?" Hariap tokim mi yu han mi harim ah?"

Hettlem Tom Fulin Madang

Wanpela taim Kanage na Kura tupela i stilim pik long bus na karim i kam long haus operetim i stap nau papamama bilong pik i

painim i kam, "Kamap klostu long haus. Kura em i lukluk i go ausait long windo na ol i kamap klostu pinis. Kanage apim pik i go antap long bet na Kanage tu i go antap long bet na karamapim blanket wantaim pik i stap na Kura i go aninit long bet. Taim papamama bilong pik kam sanap long dua Kanage kilim skin stret long pusap aninit long blanket. Na Kura stap aninit long bet na tanim nek olsem meri na em i tok, "Em inap ya, mi les pinis." em i tok em inap ya. Kanage lukim ol na mekim eksen olsem, "Yupela i go." Papamama bilong pik ol i lukim narapela sain na ol i tekov pinis. Kanage na Kura kam ausait na tekov long bus KK. Rait eksen olgeta.

Kulg Indaun Kundiawa

Kanage bilong Kundiawa 4 kona taun em i laik lukim pren meri bilong em na go long Gembogl distrik. Pren meri ya kam kisim em i go long haus bilong em ya. Tupela i stap olsem wan wik olgeta nau meri i askim Kanage long katim mak long pes na Kanage tok maksi. Tasol meri i tok strong yet ya. Meri katim mak long pes taim Kanage pilim pen giaman nois na meri i tok us, us long Kanage olsem bebi. TKanage harim us, us em i pasim ai na kilim skin. Kura lukim olsem na em i kaikai tit stret.

Kulg Indaun

KANAGE



Yumi Yet!



Las Wiru i lus tru

Dia Edita,
Mi wanpela manki Sauten Hailans provins long Pangia distrik. Mi no save wok mi stap nating long Hagen taun.
Mi harim rot bilong Pangia i bagarap olgeta. Mi save olsem mipela ol Pangia nogat wanpela memba i stap. Mi gat bikpela sori tru long ol lain las Wiru. So nau 2002 ileksen klostu nau yumi save putim kainkain man long taim bilong vot. So plis yumi manmeri long Las Wiru yumi mas tingim gut na

votim man maus bilong yumi i no samting nating yumi mas tingim na makim man long 2002 ileksen.
Mi save olsem mipela talibu Pangia nogat wanpela memba i stap. Yumi lus lain. Wanpela man bai kisim kopi mesin na givim yu wanpela man bai givim yu mani K50.
Dispela kain mauswara man yu no ken tromoi vot long em o makim em. Bai giamanim yu na kisim vot bilong yu na go long

palamen em bai i no inap mekim wanpela samting bihain.
Mi tok talibu i gat memba stap.
Mista Roy Yaki tasol stat long Pangia stesin. Na i go long Las Wiru nogat memba.
So nau taim bilong yumi long makim nupela memba. So plis makim gutpela lida.
**Jacsen Parit
Payama Las
Pangia, Sauten
Hailans provins.**

Wantok sistem i strong

Dia Edita,
Mi wanpela manki Apa Mendi long Kelta viles.
Nau mi i stap long siti long Lae, Morobe provins na lukim sampela wokman bilong Taun Kaunsil, ol sekyuriti i no i no save wok gut.
Ol save long sekyuriti bilong rausim buai spet tasol.
Ol save salim buai daka long 8 strit long taun. Yupela olgeta manmeri yupela save long ol ya tasol kirap gen na rabim buai spet nabaut i stap.
Tu olsem ol save tok ples long wantok bilong ol save salim buai long strit, ol i no inap kisim ol i go long Plis stesin. Nogat ol harim tokples na wok olsem yupela go. Em ol i go. Na ol narapela manmeri, ol bai was gut tru. Sapos ol toromoi wanpela pipai! Em ol holim ol na sasim ol long K20.
Sapos ol tok nogat. Ol yet bai sekim

poket bilong ol na rausim wanem liklik samting nabaut ol karim long en na kisim i go.
Man! Dispela pasin em i no stret long ai bilong papa God-na ai bilong manmeri long dispela graun.
Yupela mas sori long lapun manmeri long ples bilong yupela. Yupela i gat papamama tu o nogat?
Kisim nating K2 o K5 bilong lapun manmeri long strit.
Maski long tanim olsem mani man na dring OP long ai bilong mipela sampela lain. Olsem mani bilong yupela stret na baim bia yet.
Yupela het brukman ya, "Watpo na yu mekim olsem? Yupela ting olsem yupela kamap?"
**Peter Wilson
Lae, Morobe provins.**

Pasim maus bilong pipel

Dia Edita,
Indipenden raits bilong Papua Niugini bai i no moa wok bikos Gavman i laik bai bihainim tingting bilong em yet.
Sapos sitisen bilong Papua Niugini i laik toktok long Humen Raits, lukauti baret bilong sotgan bai kam long maus bilong yumi na tokim yumi long pasim maus.
Plis Mekere Morauta neks ileksen (2002) yu mas toktok strong tru long rausim Demokretik Sistem long lukautim kantri Papua Niugini na pait strong tru long kirapim diketasip o kominist long kantri Papua Niugini.
I dai bilong ol sumatin i soim Papua Niugini olsem Idiamin i lukautim kantri o Soharto i lukautim.
Planti samting tru i bagarap long Papua Niugini Gavman. Ol yangpela bilong yumi tu i wok long dai klostu klostu long han bilong Gavman.
Pasin kriminel i no stap long ol yangpela tasol, em i stat long grasruts na go antap long ol bikman.
Tasol ol grasruts i pes lain bilong kisim katres. Long Gavman, White Coller Criminal bai i no inap tru dai bikos dispela ol asua em swit tru long ol.
The black man in the white men shoes will never develop the nation.
**Lyanhad Nlawawe
Wewak,
Is Sepik provins.**

Spesim gut ol pikinini

Dia Edita,
Laipl stail na olpela pasin bilong tumbuna bipo. Manmeri i no bin slip wantaim long wanpela haus, i gat hausmeri na hausman. Wok bilong ol man em, katim diwai, klinim bus tasol na wokim gaden. Na long planim kaikai man em yet planim suga, banana, taro na marita.
Wok bilong meri em, long planim kaikai, kamautim na kukim kaikai na givim long ol man. Dispela em piksa bilong hausman long taim bipo na nau tu.
Ol man husat i no laik slip wantaim meri bilong ol bikos ol meri i gat sikmun i slip long dispela hausman. Ol man bai i no inap kisim kaikai taim meri i lukim sikmun. Ol i save slip long hausmeri.
Dispela hausmeri, ol i save kolim Periyapu o liklik haus bilong ol meri i kisim sikmun.
Dispela piksa i soim tupela yangpela ol i laik pren long marit. Long taim bipo, ol tumbuna ol i nogat save long pasin bilong spesim pikinini. Ol i tingting long karim planti pikinini long kamapim biknem long hauslain bilong ol na husat bai kisim graun bilong ol taim ol i dai.
Dispela piksa i soim ol pasin bilong tumbuna bipo. Taim ol meri i no laik long karim pikinini, ol i save kaikaim lip diwai, kawar, sol na ol narapela skin diwai. I gat lip diwai ol meri i ken kaikai long karim pikinini. Dispela yangpela meri i go painim lip diwai long bus taim em i no marit yet. Taim em i go marit em i no laik long karim pikinini na stap liklik taim wantaim man nating na karim pikinini bihain.

kisim marasin long olgeta de long wankain pasin bihain long go slip. Dispela marasin save pasim kiau bilong kisim bel marasin.
Dispela marasin em bilong meri i no susuim pikinini o pikinini i bikpela pinis. Mama mas kisim marasin olgeta de bihain long apin-un kaikai pastaim long go slip.
Sut dispela em i sut nes i save givim long mama. Mama mas kisim dispela sut bihain long olgeta tripela mun. Pasim rop bilong meri dispela em liklik katim bilong ol meri we dokta bai wokim. Mama i ken kisim dispela operesen long stopim pikinini. Dispela operesen bai pasim kiau bilong meri taim tupela i slip wantaim.
I gat rot bin spesim pikinini we ol man i ken bihainim long stapim wara man long bungim kiau bilong meri. Gumi dispela em man i putim long skin bilong em olgeta taim em i laik slip wantaim meri bilong em long pasim wara bilong em i go insait long meri.
Man putim nupela gumi taim em i laik slip wantaim meri bilong em. Pasim rop bilong man. Dispela em liklik katim we dokta bai wokim long pasim wara bilong man long go insait long meri bilong em. Dispela bai stapim meri long kisim bel.
Karima na Tokima i toktok long wanem rot i gutpela long tupela bihain long tupela kisim toktok long nes. Karima na Tokima i



Toksave i go long ol manmeri husat i save salim pas kam long Wantok Niuspepa. Sapos yu no putim nem tru bilong yu long pas bai mipela i no inap prinim pas bilong yu.

Papagraun i holim pas graun

Dia Edita,
Mi no amamas long Banz taun i no develop tru. Ol papagraun i holim pas graun na i no laikim taun i senis.
Sapos ol lenona i lusim graun long wokim bisnis bai Banz i ken kamap narakain olgeta. I gat planti ol mani man hia long Not Wahgi tasol i no gat fri graun we bai ol i ken kirapim bisnis.
Plis ol papagraun inap yupela givim senis long ol narapela traib olsem Senglap, Kulaka, Kamblo, Sekaka na Wikawaka long wokim bisnis long Banz? Pasin bilong yupela bai i no inap senisim Banz taun.
**Matt Ddeboh
Holeyah
Banz, Westen
Hailans provins.**

**Lyanhad Nlawawe
Wewak,
Is Sepik provins.**

Memba i stap we?

Dia Edita,
Mi wanpela manki bilong dispela ples. Mi laik save memba bilong Lumi/Aitape em bilong we na em i stap long we?
Dispela ples Lumi ples bilong bungim dispela bagarap:
• Prais bilong stua em i antap tumas long ol pipel;
• Manmeri i save wokabout o baim balus bilong kisim helpim taim ol man i kam long balus; na
• Planti ol manmeri na pikinini i wok long i hat tru long kisim helpim i kam long haus sik.
**Arnold Yelson
Lumi, Sandaun provins.**

Pater Peter i gat nem long WHP

Dia Edita,
Mi laik tok amamas na tenkim i go long Pater Peter bilong Fatima long olgeta hatwok em bin kirapim taim em i stap long Fatima insait long Banz na WHP.
Pater Peter long hatwok na komitmen bilong yu olgeta sios long Nongdugl i go long Penda long Tei distrik i stap.
Long taim na komitmen bilong yu olgeta Kristen bilong Katolik i stap wantaim ol save-man na meri husat i pas aut long Fatima komyuniti skul, haikul, sekenderi skul, vokesenel semneri na planti moa.
Pater Peter mi amamas tru na bilip olsem yu wanpela tru tru misineri na faunda bilong Fatima laikim yu.
**Matt Ddeboh Holeyah
Banz, Westen Hailans provins.**

Opim ai na makim stretpela lida

Dia Edita,
Mi laik autim bel hevi bilong mi long ol ministra na ol nupela kendidet husat bai traim long 2002 ileksen.
Neks yia 2002 taim bilong ileksen so yumi ol papamama na ol yangpela yumi traim long makim hones, na gutpela lida we em i ken karim hevi bilong yumi.
Plis ol pipel skelim gut man na vot na bihain bai no gat komplek na tok baksait long ol memba taim ol i no

mekim wok gut.
I gat tupela kain man bai resis: Saveman o Yunivesit man na grasruts bilong ples stret. Disisen stap long yumi wan wan wanem kendidet em trupela man na wanem kendidet em giaman man.
Sampela bai sanap long tingim em yet na enjoim em yet wantaim ol femili na ol arapela wanwok long Palamen.
Sampela bai sanap long

Banz em i stim kantri bilong Jiwaka

Dia Edita,
Mi laik putim pas long niuspepa olsem "Banz em i stim kantri long Westen Hailans provins bai ol manmeri long Papua Niugini i ken save.
Olgeta de bai yu lukim ol man na meri i spak i stap. Maski ol lapun, liklik o yangpela meri o man, lida na ol pablik sevans olsem tisa, plis na planti moa.
Olgeta stim bodi save tok "Liklik mani na bikpela spak." Em i min olsem yu ken baim long K5 o K4 long wanpela hap 500ml koka kota plastik na miks wantaim kola na dring tasol em i gat kik.
Dispela samting i gat kik na save mekim ol man spak kranksi olsem meme kaikai gras na dok putim pispis long ples klia. Gutpela pasin em i no gat bikpela trabel i save kamap. Bai yu lukim ol susa ol i save kolim 4 kopi paulim trausis bilong ol brata na dring, pilai kat na mekim planti nois olsem perot kaikai pikinini diwai long bus.
Plis, rispektim lo na dring gut, maski long bagarapim maket o pait o kros nabaut. Dring isi wantaim mani bilong yu na salim tingting tasol bipo wan o tu kopi bai rait na rait olgeta.
**Matt Ddeboh Holeyah
Banz, Westen Hailans provins.**

**Maison Apisah
Menyamy,
Morobe provins.**

Kisim mak bilong narapela ples

Dia Edita,
Watpo tru mi save lukim olgeta man-meri long olgeta provins i stilim mak bilong ol Duk ov Yok. Dispela kain pasim em i no gutpela olsem na yupela olgeta provins i mas bihainim mak bilong ples bilong yu yet.

No ken stilim mak bilong ol narapela provins. Olgeta taim mi save lukim pes bilong ol meri Sepik ol i save bihainim mak bilong ol Duk ov Yok. Ol meri Hailans tu na ol meri Morobe na ol meri Wes Niu Briten tu

olsem Hoskins, Talesia, Bali Vitu, Araowe na Bakovi.

Yupela olgeta ples mi kolim nem bilong ples bilong yupela pinis na yupela i no ken stilim mak bilong narapela provins. I tambu. Yupela i mas bihainim mak bilong ples bilong yupela stret. No ken stilim mak bilong narapela provins na em tasol bel hevi bilong mi.

**Tonny Aipet
Kimbe, Wes Niu Briten provins.**

Nogat pablik toilet

Dia Edita,
Dispela belhevi bilong mi i go olsem. Watpo tru na taun i nogat pablik toilet na olsem wanem nau.

Mipela olgeta man-meri i save i kam long taun na baim ol samting long stua na mipela i save painim hat tru long toilet.

Olgeta taim mipela i

hatwok i go long bus na painim ples bilong toilet na olsem wanem Kimbe Taun Otoriti i no gat pawa tru long wokim pablik toilet long taun.

Ol i save bikmaus nabaut long maket tasol na ol i no save karim aut ol wok bilong taun i nogat tru.

Ol Taun Otoriti ai

bilong ol pas na ol i no save karim aut ol wok bilong taun.

No ken pasim ai na slip yupela ol Taun Otoriti opim ai na lukluk long taun na wokim wok bilong yupela.

**Sonny Taken
Kimbe, Wes Niu Briten provins.**

Apa Erap i putim askim

Dia Edita,
Mi wanpela manki Apa Erap na mi laik sapatim tupela brata Yaem Gibam Nanak na Firieka Vruepe.

Kennedy Wenge i dai pinis o i stap yet? Sapos yu i stap yet wai na yu no luksave long mipela biklain kisim hat taim i stap. Sapos yu bilong Nawaeb ilektoret, yu mas mekim sampela mun bilong yu na mipela lukim.

Long 1997 i kam inap nau 2001 mi no lukim wanpela han mak bilong Kennedy Wenge. Rot bilong mipela i

bagarap nogat mentenens. Wanem taim bai yu mekim ol dispela samting?

Nau mi toksave long yupela ol pipel bilong Apa Erap olsem 2002 yupela mas lukluk gut na makim man.

Mipela makim ol man tasol na nogat helpim so yumi Apa Erap traim wanpela pikinini Erap stret na lukim 2002.

**Tabam Nain
Kavieng, Niu Ireland provins.**

Ol pikinini i kraik long papa tru

Dia Edita,
Pikinini bilong wanpela papa i kraik dedi, dedi, mi laikim ais krim na papa i givim em ais blok. Sori tumas pikinini bai kraik strong tru.

Ating bai papa i askim mama long helpim em long go painim ais krim. Papa na mama bilong pikinini i lukim em groa gut long lukaut bilong tupela bai tupela i amamas long mekim em stap laip insait long femili.

Husat bilong tupela bai givim bek long pikinini taim em kraik long kisim kaikai long han bilong tupela? Ating nogat wanpela. Long ai bilong tupela wantaim pikinini i kamap strongpela man bikos tupela i mekim em i stap amamas, tupela i givim em kaikai na arapela samting em laikim

long en. Wanpela papa i bin lukautim pikinini bilong em na i givim long narapela man long lukautim tasol sori tumas em poisonim em na em i dai. Bikos em i no papa tru bilong pikinini.

Papua Niugini em i yangpela pikinini bilong Somare, tasol nau em i stap long han bilong wanpela krangi man na PNG i kilim em i dai long save, na pasin bilong em.

Em i redi long ranawe nau taim ol i planim pikinini long matmat.

Praim Minista Mekere Morauta yu no inap givim wanpela eksklus long dai bilong ol sumatin bilong Yunivesiti yu yet mas karim asua.

Watpo yu laik pinisim wari wantaim barel bilong sotgan? Sori tru

Somare pikinini yu hatwok long em bai ol man nogut i kilim. Tasol laip bilong pikinini husat bai sevim.

**Leonard Niawave
Wewak,
Is Sepik provins.**



Makim gutpela lida long Obura

Dia Edita,
Long yia 1971 long taim long de 6 mama i bin karim mi, na mi stap long Obura, na taim mi kamap bikpela liklik yet na mi stap 4-pela yia em i 5 long 1975, ol PNG ol i kisim independens.

Nau mipela yet i lukautim kantri bilong yumi. Na long dispela taim mi stap yet na lukluk long ol wok i bin kamap long 1975, i kam inap long 1980.

Insait long dispela 5-pela yia wok bilong yumi i go gut long Obura Wonenara. Na long 1981,

mi lukim wok bilong Gavman i go daun, na em i go daun yet. Na long 1981 i kam inap long 2001 em nau 20 yia. Mipela Obura Wonenara i stap nogut yet.

Mipela i stap 20 yia nating stret. Na ol memba bilong yumi i no lukluk yet long yumi ol man-meri bilong Obura Wonenara. Ol i lukim mipela olsem samting nating insait long Obura, na ol i no kisim ol samting bilong gavman i kam insait long Obura Wonenara.

Nau mipela ol manmeri i stap

nating tru inap 20 yia. na mipela i no lukim amamas bilong memba bilong Obura Wonenara.

Long nau yumi manmeri bilong Obura Wonenara yumi mas lukluk gut na mekim gutpela lida moa bilong inap long karim hevi na wari bilong yumi manmeri bilong Obura Wonenara. No ken votim man long mit na mani em kaikai we bai i lusim tingting long yumi.

Lukluk gut na makim gutpela man na memba bilong Obura Wonenara.

**Boas Onno
Obura,
Isten Hailans provins.**

Komplek long haus bilong kampani

Dia Edita,
Mi wanpela manki asples bilong hia na dispela bel hevi-bilong mi i go olsem watpo tru mi save i go long KCP Singel Kwotas na mi save i go sindaun wantaim ol wantok na mi save harim olsem wanpela man olgeta taim i save komplek long haus, tenk wara na toilet.

Mi laik save long dispela KCP Singel Kwotas na olsem dispela haus, tenk wara na toilet em bilong husat tru. Em haus bilong yu yet o em bilong kampani.

Olgeta samting em pablik yus bilong olgeta man haus, tenk wara-em bilong olgeta man na mi i ken tokim yu stret olsem sapos haus bilong yu yet na yu lusim mani long olgeta samting olsem kapa, timba, semen faibro em olsem yu ken komplek long en bikos mani i bilong yu i lus long em na em haus bilong kampani yu no ken toktok long em.

Sapos yu laik salim ol pas bilong yu i kam long dispela nuispepa, Salim i kam long dispela adres:

**THE EDITOR
WANTOK
NEWSPAPER
PO BOX 1982, BOROKO, NCD.**

Em haus bilong kampani yu lukluk tasol bilong kampani bilong olgeta taim na bipo em Singel Kwotas na nau em marit kwotas i nogat singel kwotas moa. Olgeta taim mi save i go sindaun wantaim ol wantok na mi save harim long maus bilong wanpela man. Yu pasim maus liklik na i stap isi tasol ankol yu lapun pinis yu no ken komplek tumas.

**Jimmy Demokiko
Kimbe, Wes Niu Briten provins.**

Apim prais bilong kopi

Dia Edita,
Mi wanpela manki bilong Sikong ples insait long Menyamya distrik nau mi stap long Kimbe Oil Palm provins.

Mi laik komplek long dispela Yahauka kampani olsem kopi kampani olsem apim prais bilong kopi i go antap liklik. Lukim ol lain pipel long Goroka. Ol i

stap gut bikos prais bilong ol i go antap. Tarangu ol lapun papamama bilong Menyamya i save hatwok tru long pikim kopi paitim paitim long han na rausim skiri na draim. Em yu ting, dispela i isi wok?

Taim papamama i hat wok na kisim kopi i kam na givim yu, yu mas

baim ol gut, K3 na K4 em mani ya? Taim ol i salim em ol i gat tingting long baim trausis, siot na masis. Bipo long ol i baim siot na trausis em ol i baim sop na masis pastaim. Bihain ol i laik baim siot trausis em mani i sot, asua long pris bilong kopi tasol.

Plis Menyamya Yahauka inap ya givim spes na ol narapela kampani i ken kam insait na sevim ol papamama gut! Prais bilong yu i stap long K1.20 toea o K1.10 toea na ol yangela tu i laik wokim sampela sevis. Tasol ol i wok long fil. Traim na apim prais bilong kopi i go antap.

**Arvina Waram
Kimbe,
Westen Niu Briten provins.**

Skul long baibel

Dia Edita,
Long mun Me 14-25 staf bilong Pastorel Senta long Megiar insait long daiosis bilong Madang i bin givim wanpela kos long baibel kos.

Namba bilong ol lain atendim kos em 42 manmeri olgeta na kos i ran inap long tupela wik.

Em hia sampela ol skul lesen ol tisa i givim:

- Introdaksen bilong olpela testamen;
- Ol biknem man long olpela testamen;
- Ol longpela na sotpela nem bilong ol buk i stap long baibel;
- Ol mep i stap long baibel;
- Introdaksen bilong nupela testamen;
- Introdaksen bilong foapela Gutnius;
- Sevenpela steps bilong serim Gutnius; na planti arapela skul ol i givim.

Ol lain i atendim dispela baibel kos, i amamas tru long wanem ol samting ol i lainim, na planti i tok:

- I gutpela narapela yia (2002) mipela i mas skruim dispela kos;
- Wan wan peris insait long asdaiosis i mas kisim;
- Ating mipela (Katolik) i no promotim tumas ol kos long baibel, moabeta mipela i mas traim o stat nau;
- I luk olsem ol narapela brata sios na ol liklik lotu i winim mipela long mekim planti kos long bibbel; na
- Planti bilong mipela ol Lei sios woka i no gat inap bek graun long baibel olsem dispela kain kos i ken helpim na inapim ol liklik save bilong mipela.

Las tok bilong ol dispela lain i stap long baibel kos i tok, "Em i taim nau, bai daiosis i mas sapatim na kamapim moa - ol i tok skul long baibel."

**B. Panty
Madang, Madang provins.**



Ol yangpela i laikim nem bilong ol i stap insait long nuispepa long painim pen pren i mas prinim tupela nem wantaim adres, na wanem samting yupela i save laikim long mekim (hobbie).

WANTOK

Classifieds

FAX: 325 2579 - PH: 325 2500

EMAIL: word@global.com.pg

LINEAGE ADVERTISEMENTS

Lineage: Advertisements are charged at K4.40 per line of 23 letters incl. space. Photo K10.00 each and appear 3.5cms. All advertisements inclusive of VAT. See Rate Card for conditions.

Office Hours:

8.30 to 4.00 Monday to Friday
Classified Advertising Available in the following formats

Lineage: Available in single line, minimum two lines deep

Display: Available per single, double or four column wide, minimum size 3 cms deep.

Single Column Display Advertisement are charged K4.42 per single column centimetre. Costing is dependent on Logo and Artwork which may appear in the advertisement. Minimum charge is for 3cm x 1col.

Display Classifieds are charged at K4.78 per single column cm. They maybe double column, four column or full page with or without borders. Costing is dependent on space, logos and artwork which maybe requested. Minimum size is 3cm x 4 columns.

Wantok is published on Thursdays. Deadline for camera ready work is 12 noon Wednesday; prior all other 12 noon Tuesday.

Classified Index

AUTOMOTIVE

- Boating
- Motorcycles
- New & Used Cars
- Parts & Auto Spares
- Trucks & Tractors

NOTICES

- Electoral Notices
- Government Notices
- Law Notices
- Public Notices
- Tender

EMPLOYMENT

- Position Vacant
- Position Wanted

SEASONAL NOTICES

- Easter Greetings
- Father's Day Greetings
- Mother's Day Greetings
- Christmas Greetings
- Season's Greetings

GENERAL

- Amusement
- Auctions
- Business for Sale
- For Hire
- For Sale
- Going Finish
- Lost & Found
- Machinery for Sale
- Pets

- Wanted to Buy
- Wanted to Sell

PERSONAL

- Bereavement
- Birthday Greetings
- Births
- Condolence
- Deaths
- Engagements
- Funerals
- In Memoriam
- Wedding

PROPERTY/REAL

ESTATE

- Factories

- Warehouses
- For Rent
- Share
- Accommodation
- Holiday Resorts
- Houses for Sale
- Houses to Let
- Industrial Properties
- Properties for Sale
- Investment
- Properties
- Leave House Rooms
- Board Vacant
- Wanted to Rent
- Overseas Investments

Special Features

are an integral part of news reporting.

And at Word Publishing, we do our best to present reports that are fair, informative as well as educational.

If you are celebrating an anniversary, launching a new product or opening a new building, call our supplement Editor or Advertising Manager on:

**PHONE: 325 2500 or
FAX: 325 2579**

For your Classifieds adverts,

Call our Advertising Sales Team on

Telephone: 325 2500 or Fax: 325 2579

Ol Spot Dro

Toksave

Salim ol dro. risalts na poin lada i kam long Wantok Niuspepa long Tunde olgeta wik. Salim long Spots Edita: Fax: 325 2579 o ringim em long telepon no: 325 2500

PORT MORESBY SOCCER ASSOCIATION

Saturday, August 4, 2001

Bisini One

Time	Division	Fixtures
08:00	D2	Buresong vs Nomads
09:20	W1	Bavaroko vs LBC Defence
10:30	W2	SP Brewery vs BFW PS United
11:45	D1	Cyclone vs HLB POM United
12:50	W2	Tawala vs Kula
14:00	D1	Tarangau vs Naniu
16:00	Prem	Cosmos vs Kula

Bisini Two

Time	Division	Fixtures
08:00	Y1	Rapatona vs Babaka
09:20	W1	Orogen vs Guria
10:30	D2	Pangtel vs Haku
11:45	W2	Rapatona vs Cyclone
12:50	W1	Tarangau vs Sobou
14:00	D1	Kurfi Andra vs Tawala
16:00	Prem	BFW PS Utd vs LBC Defence

Sir John Guise Stadium One

Time	Division	Fixtures
08:00	D4	Guria vs YM2
09:10	Y1	BFW PS Utd vs LBC Defence
10:30	Y2	Arnotts Ela Utd vs Sunset
11:45	Y2	Gordons Sec vs Murat
13:00	D4	Cosmos vs Kula
14:10	D3	Manambu vs Arnotts Ela Utd
15:20	D3	Muma vs Momase

Sir John Guise Stadium Two

Time	Division	Fixtures
08:00	D4	BFW PS Utd vs LBC Defence
09:10	D4	Rapatona vs Babaka
10:30	Y1	ANZ University vs Telkom/SP
11:45	D4	ANZ University vs Telkom/SP
12:50	Y2	Bavaroko vs HLB POM Utd
14:00	D3	JR. KE Club vs Eda Ranu
15:20	D2	Datec Duau vs Dolos
16:20	D3	Sunset vs M/Baracks

Sunday, August 5, 2001

Bisini One

Time	Division	Fixtures
08:00	D2	WMI vs Aigob
09:20	Y1	Cosmos vs Kula
10:30	W2	Kula vs Madgauns
11:45	W1	Cosmos vs ANZ University
12:50	Y2	Pom Int'l School vs Manambu
14:00	D1	Blue Kumuls vs Sobou
16:00	Prem	Babaka vs Rapatona

Bisini Two

Time	Division	Fixtures
08:00	D2	Bavaroko vs Wanzesi
09:20	W2	Tawala vs Falcon
10:30	D1	Murat vs Dobo
11:45	W1	Telikom vs WMI
12:50	Y1	YM2 vs Guria
14:00	Prem	ANZ University vs Telkom/SP
16:00	Prem	Guria vs YM2

Sir John Guise Stadium One - (Catch up games)

Time	Division	Fixtures
08:00	D3	Eda Ranu vs Murray Barracks
09:00	Y1	Babaka vs Telkom/SP
10:30	Y1	ANZ University vs Cosmos
11:45	D4	Cosmos vs ANZ University
12:50	Y2	HLB POM Utd vs Sunset
14:00	D3	Jr. KE Club vs Muma
15:10	D3	Arnotts Ela Utd vs Sunset

Bye: Murat (W2), Jaha (D3) and Blue Kumuls (Y2)

PORT MORESBY NETBALL ASSOCIATION

U10 Pool A - 09.00am

C2	TST Kempa vs Telstars
C3	Chevron P. vs Ted Diro

U10 Pool B - 09.00am

C4	Gerehu Coth vs St Peters
C1	Pari (Holy Rosary) vs Mase

U13 Pool A - 10.00am

C2	TST Kempa vs Chevron P.
C3	City Phar. R. vs LB Mermaid

U13 Pool B - 10.00am

C1	Rakaone vs Pari (St Peters)
C4	TST Kempa vs Sparrows

U13 Pool C - 10.00am

C5	Waigani Rebels vs TST Kempa
C6	St Pauls vs Holy Rosary

U13 Pool D - 10.00am

C7	St Peters vs Poinimo
C8	Kaugere vs Sevese Morea (St Pauls)

U15 Pool A - 11.00am

C3	City Rebels vs TST Kempa
C1	Ted Diro vs Chevron Paramana

U15 Pool B - 11.00am

C4	St Theresa vs St Pauls
----	------------------------

C5

St Peters vs Wardstrip (Sparrows vs June Valley)

U15 Pool C - 11.00am

C6	Rakaone vs Holy Rosary
C7	Sevese Morea vs St Peters

U15 Pool D - 11.00am

C8	Kaugere vs Gerehu Com.
C9	St Theresa vs Philip Aravure (Hohola Youth vs Holy Rosary)

U15 Pool E - 11.00am

C13	Waigani Prim vs Holy Rosary
C14	Kila Kila Sec vs Karai

U17 Pool A - 12.00pm

C1	Memaids vs Telstars
C3	City Rebels vs Kila Kila Sec.

U17 Pool B - 12.00pm

C4	Ted Diro vs Rakaone
C5	Hohola Youth vs Sparrows

U17 Pool C - 12.00pm

C6	Sevese Morea vs Poinimo
C7	Gerehu Prim vs Philip Aravure

U21 1.00pm - 1st Semi Finals

C1	Paramana vs Rebels
C3	Mase vs Memaids

Junior Divisions - 1st Semi Finals

Starts at 09.05am - U10/U21 Seniors Week 11-12 Draws

Saturday August 4, 2001

Seniors - weekend Draws Week 11

Division One - Court Two	
11.00am	CP Rebels vs TST Kempa
12.30pm	Sparrows vs Rakaone
02.00pm	Chevron P. vs Memaids
03.30pm	Telstars vs BB Kings

Division Two - Court Three	
01.00pm	Sparrows vs P. Rebels
02.00pm	TST Kempa vs CP Rebels
03.00pm	Imuty Lele vs Angels
04.00pm	C. Paramana vs LB Memaids

Division Three - Court 5/4	
01.00pm	Warumana vs Telstars
02.00pm	BB Kings vs TST Kempa
03.00pm	Mase vs Pelagai
04.00pm	Kawaini vs Luvoni

Division Four - Court 5/6	
01.00pm	Mase vs PNGBC Kinos
02.00pm	Gavuone vs Kereibua
03.00pm	Aroma Coast vs Chevron P.
04.00pm	Poinimo vs Nabuaton

Division Five - Court 6/7	
01.00pm	Luvoni vs Rural Bank
02.00pm	Rakaone vs Aroma Coast
03.00pm	Hall Sound vs Poinimo
04.00pm	Angels vs Waigani Tyres

Division Six - Court 7/8	
01.00pm	Warumana vs Sea Gulls
02.00pm	Aroma Coast Coke Warriors
03.00pm	Sogeri vs Hisku
04.00pm	Toba Souths vs Abore Warriors

Seniors Weekend Draws - Week 12

Sunday, August 5, 2001

Division One Court Two	
11.00am	Telstars vs CP Rebels
12.30pm	Sparrows vs TST Kempa
02.00pm	Lae B Memaids vs BB Kings
03.00pm	Paramana vs Rakaone

Division Two Court Three	
1.00pm	PNGBC Kinos vs Angels
2.00pm	Chevron P vs Imuty Lele
3.00pm	C.P Rebels vs Lae B. Memaids
4.00pm	Sparrows vs TST Kempa

Division Three Court Four	
1.00pm	B B Kings vs Mase
2.00pm	Warumana vs Pelagai
3.00pm	Luvoni vs TST Kempa
4.00pm	Kawaini vs Telstars

Division Four Court Five	
1.00pm	Poinimo vs Chevron P.
2.00pm	Aroma Coast vs PNGBC Kinos
3.00pm	Mase vs Gavuone
4.00pm	Nabuaton vs Kereibua

Division Five Court Six	
1.00pm	Rakaone vs Luvoni
2.00pm	Hall Sound vs Rural Bank
3.00pm	Waigani Tyres vs A. Coast
4.00pm	Angels vs Poinimo

Division Six Court Seven	
12.00pm	Toba Souths vs Imuty Lele
1.00pm	Sogeri vs Waigani Tyres
2.00pm	Aroma Coast vs Abore Warrior
3.00pm	Warumana vs Coke Warriors
4.00pm	Seagulls vs Hisku

Division One - Ladder after Round 10	
Chevron Paramana	28
Telstars	22
Lae Biscuit Memaids	22
Chemcare Sparrows	21
B B Kings	18

TST Kempa	16
City Pharmacy Rebels	15
Rakaone	10

PORT MORESBY SCHOOLS SOCCER ASSOCIATION

Saturday, August 4, 2001 Week 16

Under 7 - Oval 8

08:00	Boroko East A vs Boroko PS
08:40	Ela Beach vs St. Josephs
09:20	Bava IEA vs Gordons IEA
10:00	Boroko East B vs Murray IEA

Under 8 - Oval 3

08:00	Murray IEA vs Boroko East IEA B
08:40	Ela Beach IEA vs Boroko PS
09:20	Boroko East IEA A vs St. Josephs
10:00	Gordons IEA vs Noblette

Under 9 - Oval 4

08:00	Murray IEA vs Boroko East IEA
08:40	Ela Beach IEA vs Sacred Heart
09:20	St. Josephs vs Gordons IEA B
10:00	Bambi vs Noblette
10:40	Korobosea IEA vs Gordons IEA A

Under 10 - Oval 10MS

08:00	Murray IEA A vs Gordons IEA
08:50	Korobosea IEA vs Noblette
09:40	St. Peters Channel vs Sacred Heart B
10:30	St. Josephs vs Murray IEA B
11:20	Ela Beach IEA vs Sacred Heart A

Under 11 - Oval 9MS

08:00	Murray IEA vs Sacred Heart
08:45	Gordons IEA vs Korobosea IEA B
09:35	Noblette vs St. Theresa
10:25	St. Josephs vs Ela Beach IEA
11:15	Bambi vs Korobosea IEA A

Under 12 A - Oval 6

08:00	Korobosea IEA vs Waigani Primary
8:50	Murray IEA vs Bambi
09:30	Sevese Morea vs St. Josephs
10:20	Gordons IEA vs St. Peters Channel

Under 12 B - Oval 6

11:00	Wardstrip vs St. Theresa
11:50	Butuka vs School of Excellence

Bye: Ela Beach

Under 13 B - Oval 6

12:30	Gordons IEA vs School of Excellence
1:30	St. Theresa vs Boreboa
2:30	Waigani Primary vs Sacred Heart
3:30	Korobosea vs Holy Rosary

Bye: St. Josephs

Under 14 A - Oval 7

08:00	Gerehu Primary vs St. Peters Channel
09:00	Murray IEA vs Korobosea IEA
10:00	School of Excellence vs Sacred Heart
11:00	Gordons IEA vs St. Pauls

Under 15 B - Oval 7

(Oval 7 is available for any catch up games from 1pm to 4 pm)

Under 17 B Girls - MS

12:00	Gerehu High vs Badihagwa B
1:00	St. Pauls vs Pom Grammar
2:00	Moitaka vs Coronation
3:00	Sacred Heart vs Waigani Primary

Sunday, August 5, 2001

Under 17 B Girls - MS

08:00	St. Pauls vs POMIS
09:00	Moitaka vs Badihagwa B
10:00	Sacred Heart vs Pom Grammar
11:00	Waigani Primary vs Coronation

Gerehu High School (Bye)

Note: Parents and teachers whose children are in the School of Excellence meeting Saturday 12 noon August 4th, at SJG Main Stadium.

PORT MORESBY RUGBY UNION

Saturday August 4, 2001.

Colts/U19

8.00am	Defence vs 1RPIR	Oval 2
9.00am	Wanderers vs University	Oval 2

8.00am	Finpac vs Royals	Oval 1
9.00am	Harlequins vs Telkom	Oval 1

Bye Brothers

First Division

B Grade		
10.00am	Defence vs 1RPIR	Oval 2
11.10am	Wanderers vs University	Oval 2

10.00am	Finpac vs Royals	Oval 1
11.10am	Harlequins vs Telkom	Oval 1

Bye Brothers

A Grade		
12.20pm	Defence vs IRPIR	Oval 2
01.40pm	Wanderers vs University	Oval 2

12.20pm	Finpac vs Royals	Oval 1
01.40pm	Harlequins vs Telkom	Oval 1

Bye Brothers

Premier Division

03.00pm	University vs Brothers	Oval 2
04.30pm	Defence vs Telkom	Oval 2

03.00pm	Royals vs Harlequins	Oval 1
04.30pm	IRPIR vs Wanderers	Oval 1

PORT MORESBY RUGBY FOOTBALL LEAGUE

Saturday, August 4, 2001

Lloyd Robson Oval

G1	09.00am	Prem	Magani vs Royals	- V. Kera
G2	11.00am	Prem	Defence vs Kone Tigers	- Sari Fareho
G3	01.00pm	Prem	Souths vs Waiya	- Paul Gul
G4	03.00pm	Prem	D/Warriors vs Post Puma	- Jerry Martin

Kone Tigers Oval

G1	09.00am	U17	Brothers vs Tarangau	
G2	10.00am	U17	D/Warriors vs Post Puma	
G3	11.00am	U17	Magani vs Royals	
G4	12.00pm	U17	Defence vs Kone Tigers	
G5	01.00pm	U17	Souths vs Waiya	
G6	02.00pm	1st D	B/Eagles vs Hisku Knights	
G7	03.00pm	1st D	P/Panthers vs R/Crushers	


Sunday, August 5, 2001

Lloyd Robson Oval

G1	12.30pm	Prem	Brothers vs Tarangau	- Tony Kuni
G2	03.00pm	Prem	Pom Vipers vs S/Warriors	

Kone Tigers Oval

G1	09.00am	U19	Souths
----	---------	-----	--------



• Susa ya i putim ai long sut long netbal long Pot Mosbi las wiken.



• Kathy Alau bilong Telikom i hetim bal egensim Bara long semi fainel bilong 2001 PNGFA Wimens soka sempionsip long Mosbi. Telikom win 2-0 na pilai egensim Yuni bilong Pom long fainel. Oi i win 2-0. *Oi poto: JOE IVAHARIA.*



• Pilaia bilong Jazz tim i lay-up long NCD basketbal kompetisen las wiken.



• Oi susa long Jazz i kisim poto bipo long gem las wiken. Lephon em olupela olupela intanesenel ka kosa Salape Parapa i sanap.



• Straika bilong Korobosea i salensim stret ol yangpela long Bambi long Pom skul soka resis las wiken. Korobosea win 3-1:



• Kenny Havora bilong Korobosea Anda 11 tim i laik rausim bal long birua bilong en long Bambi insait long Pot Mosbi Skul soka resis las wiken long Sir John Guise stedium. Korobosea i win 3-1.

Tumbe i mekim las win

SP CUP RIPOT

WAGHI Tumbe i kamapim las minit win long taim winim spes long fainel bilong 2001 SP Cup resis.

I gat tupela gem, ating hatwok bilong Tumbe bal lus nating. Ol bol mid-Waghi i stat long winim gem taim ol i kisim gutpela sapat i kam long Global Construction kampani bilong Pot Mosbi.

Taim ol i kisim dispela sponsa ol i winim Lae Bombers, Pot Mosbi Vipers na las wiken tasol ol i bagarapim tru Simbu Warriors.

Bihain long dispela win, Tumbe i sindaun wantaim 8 poin. Tasol sans long pilai long fainel bai hat liklik long wanem ol bai salensim Goroka Lahanis, Mioks, na las gem egensim Rabaul Guria.

Jenifer menesa bilong PNGRFL Kevin Murphy i tokaut olsem Vipers bai lusim poin long wanem ol i wok-abaut i go outsait long ples pilai.

Wanem tim i go pas bal winim dispela gem.

Samting olsem foapela minit i stap, Guria i go pas long skoa 22-16 na ol lain Vipers i wokbaut lusim gem.

Bihain long las wiken Guria 18, Mioks 14, Lahanis 14, Muruks 11, Bombers 10, Vipers 9, Tumbe 8 na Warriors 4.

Vipers bai kisim bikpela pen stret long salensim ol tim olsem Warriors, Lahanis na Enga Mioks.

Bombers bai bungim Mioks, Guria na Warriors, na ol bol Lae i mas tingting gut long dispela salens ya.

Long gem namel long Tumbe na Warriors, Mas Wus na Dai Tumbie i paia stret long helpim Waghi i win. Wus i skorim wanpela trai na kikim 4-pela konvesen long helpim tim i win tripela gem olgeta.

Kepten bilong Warrior Randal Kaupa i skorim wanpela trai na kikim 4-pela gol tasol dispela ino inap long daunim 5-pela trai bilong Tumbe.

Post Pumas stapim bullet bilong Defence

POST Pumas i kamapim wanpela strongpela gem long winim Hasting Deering Defence 24-22 long Pot Mosbi Ragbi lig las wiken.

Tasol klostu tru ol i painim hevi taim Nick Andy bilong Defence i skorim tupela trai insait long seven minit bipo long fultaim.

Samting olsem 10 minit i stap bipo long fultaim, Post Pumas i go pas wantaim skoa 24-12. Long dispela taim Andy i brukim difens bilong ol na skorim wanpela poin aninit long gol pos.

Na bihain long foa minit, em i putim narapela trai. Sapos tupela konvesen i go insait, Defence bai win 26-24.

Defence i stat long skorim gol insait long 5 minit. Hapbek Vagi Vali i kikim wanpela penalti taim referi i painim ol Pumas i opsait. Ol bol Soldia nau i go pas long poin 2-0.

Tasol Post Pumas i bekim taim hapbek Moses Matao i skorim trai taim em i kisim gutpela bal i kam long faiv-et. Fulbek Varo Kapi i kikim konvesen na skoa nau bilong Pumas i sanap 6-2.

Bihain long 39 minit, Pumas i skoa gen na surikim skoa bilong ol i go long 10-2. Dispela trai i kam yet long senta Thomas Kama.

Sampela seken i stap bipo long haptaim, senta bilong Defence Geno Kapa i skoa aninit long pos stret. Vali i kikim konvesen na skoa nau i sanap 10-8.

Insait long namba tu hap, tupela tim wanpela i strong tru. Ol i laik brukim difens bilong ol long skorim gol.

Dispela taim nau Henny Danny i surikim skoa bilong ol taim em i skoa aninit long pos. Fulbek Vari Kapi i kikim konvesen na skoa i sanap 16-8.

Defence i no wari. Ol i bung gen na pilai strong tru. Orat hapbek Vali i kisim wanpela lus bal long fulbek bilong Pumas na putim tri. Dispela konvesen i no go insait na skoa i stap 16-12.

Insait long 60th minit, winga Joshua Lapa i putim wanpela trai bihain long pilai bilong Defence i no holim gut bal ya. Konvesen i go insait na skoa nau i sanap 24-12.

FIFA opisa bai helpim PNG long kisim mani

WANPELA Developmen Opisa bilong Federesen ov Intanesenel Futbol Asosiesen (FIFA) bai kam long kantri long helpim PNGFA i kisim helpim mani aninit long Gol Projek

Dispela opisel ya i stap long Nu Silan. Na em bai kam long kantri long mun Ogas 26 long stretim pepa wok long kisim mani.

PNG bai kisim mani US\$ 1.3 milien (K4.6 milien) i kam long FIFA long helpim ol liklik kantri long soka.

Dispela wokabaut em namba wan wok redi PNGFA i mas mekim long bringim opisa i kam raun long Lae.

Tripela kantri insait long Osenia rijen i kisim pinis helpim aninit long dispela gol projek. Solomon Ailan em wanpela bilong we ol bai opim stedium bilong ol long mun Oktoba.

PNG bai salim wanpela tim bilong meri long go stap insait long dispela soka resis.

Nau yet 49 kantri bai kisim mani, na FIFA i mekim wok palnim aut long mani i mas go stret long ol projek.

PNG ating bai kisim mani bilong em long neks ya.

Sekretari bilong PNGFA Ivan Ngahan i tokaut olsem PNGFA i mas bungim smapela kondisen pastaim na ol i ken givim mani. Dispela em i no wanpela hevi bilong PNG.

PNGFA i mas bihain tripela rot long kisim mani. Ol i mas bihainim rot long givim mani long wanem FIFA i was aut gut long mani em i tromoi long wanem kantri.

Namba wan rot em PNGFA i mas salim sampela askim na bekim na namba tu em developmen opisa long kam long PNG long mun Ogas.

Nau yet Mista Ngahan i tokaut olsem dispela Developmen Opisa bai kamap long kantri long mun Ogas.

Namba tri em sampela askim na bekim, PNGFA i mas mekim long givim long Developmen Opisa we em i ken skelim na givim tok orait long mani i ken kam insait long kantri.

"Mipela i mas stap wantaim de ol FIFA i makim. Sapos mipela i no smat long wok, PNG bai lusim dispela mani.

"Sapos mipela i abus, mipelabal go bek gen na stat gen

long aplai long kisim dispela mani.

PNGFA i askim long K4.6 milien long mekim dispela projek.

Mista Ngahan i tokaut olsem dispela developmen opisa husat bai kam long kantri bai kisim wanpela FIFA model bilong stedium insait long kantri.


Dispela FIFA model ya bai bikpela stret olsem na PNGFA bai lukluk long sampela eria gen long mekim wok.

Insait long arapela ol soka stori, ol i bin makim pinis pablik rilesen opisa, akauns opisa na referi kodineta.

Mista Ngahan i tokaut olsem ol i makim ol pinis tasol ol dispela lain i no kisim pas yet sapos ol i kisim dispela wok o nogat.

Sapos ol lain i wanbel long kontrak bilong ol orait ol bai tokaut long nem bilong wanem ol man i win.

Tupela arapela posisen bilong Operesen Menesa na Teknikel/Developmen Opisa, PNGFA bai wet pastaim long wanem posisen ya i pulim ol lain ovasis tu.



• Netball action between the competition leaders, Paramana and Telstars in the Port Moresby Netball competition last Saturday. Telstars upset the leaders with 54-50. Photo Joe Ivaharia

Paramana i lus long Telstars

POT Mosbi Netbal Asosiesen i lukim wanpela bikpela gem i kamap namel long Paramana na Telstars.

Telstars i winim ol lain Paramana 54-50 tasol ol i no laki tumas taim ol Mermaid i rausim liklik netbal sket bilong ol 58-53.

Dispela win bilong Telstars i gutpela long wanem em i namba wan taim wanpela tim i winim Paramana husat i go pas long poin lata.

Na long Sarere, Mermaids i wilwilim stret TST Kempa 58-27 na Sparrows i autim Chemcare Rebels long wan poin - 35-34.

Dispela gem namel long Paramana na Telstars i wok long strong tru. Tupela tim wantaim i paia stret.

Insait long namba wan kwata, Paramana i go pas long skoa 13-12. Na long nabma tu kwata Paramana i ranawe wantaim skoa 28-24.

Tupela suta Gewa Raula na Kula Iamo i kamapim gutpela gem ns sutim olgeta bal bilong ol i go insait long umben.

Na Telstars, Mimi Ori na Betty Kiki i no gat lak tumas na tripela pilai bilong Paramana olsem Ravu Raula, Angela Terea na Caroline Lahari i blokim ol gut tru.

Dispela kain skoa i mekim na ol i mekim sampela senis we Lydia Veali i kam long sut na Ori na Monalisa Leka i stap long senta. Emily Maha na Velda Kenneth i stap long midkot.

Dispela senis i mekim Telstars i kamapim paia stret long win.

Na long namba tu gem, bikpela senis i kamapim taim Mermaids i mekim save long ol.

Insait long namba wan hap, Telstars i go pas long skoa 12 na Mermaids 9.

Tasol long namba tu hap, kosa bilong Mermaids Salome Mavara i mekim sampela senis na dispela i bagarapim tru plen bilong Telstars long win.

Skoa bilong ol sampela gem i sanap olsem Rebels winim Rakaone 52-45 na Paramana i bagarapim sindaun bilong Sparrows 44-36.

Wabag bai holim rijonel soka taitel

HENRY MORABANG i raitim


PRESIDEN bilong Wabag Soka Asosiesen Peter Mommers i no westim taim long bungim ol soka tim long hailens long resis insait long 2002 PNG Gems we bai kamap long Pot Mosbi.

Mommers husat i bin kam long Pot Mosbi las wik long lukluk long 2001 PNGFA Wimens tonamen olsem Match Commissioner i tokim Wantok Nius olsem em i laik bungim hailens soka gen.

Taim Mommers i lusim wok olsem presiden bilong Hailens Rijonel Soka Federesen na kisim wok olsem PNGFA presiden i ting stendad bilong soka i pundaun na ol hailens tim i no save strong long nesehel tonamen.

Nau em i lusim wok presiden bilong PNGFA, em i laik bungim gen ol tim insait long hailens.

Namba wan singaut bilong em em long holim Hailens Rijonel Soka sempionsip we bai kamap long



• Mommers i laik bungim ol soka senta long Hailens.

Wabag. Em i askim wanwan senta insait long Hailens rijen long salim wanpela tim bilong man na meri long kiki insait long PNG 2002 Gems egensim ol arapela rijen.

Mommers i no nupela long ranim dispela kain kompe-

tisen. Em i bin lukautim kain tonamen long 97 Nesene sempionsip long Wabag we lukim Pot Mosbi i lus long LFA long fainel.

Dispela tonamen i kisim luksave bilong ol eksekutiv bilong PNGFA. Na em i askim ol rebel tim bilong David Chung long putim sait tingting bilong ol na kamap long sapotim soka.

Mommers i tok em i nogat belhevi tasol em i laik soka long hailens i mas strong. Em i mekim dispela toktok olsem presiden bilong Wabag Soka Asosiesen.

Wantok Nius i no inap kisim toktok bilong David Chung, presiden bilong Hailens Soka Federesen long dispela tonamen.

Oipela presiden bilong PNGFA Mommers i save kisim planti sapot i kam long Provinsal Gavman na tu Gavana bilong Enga, Peter Ipatas, na em i bilip strong tur olsem tonamen ya bai kamap gut.

Mommers i askim ol tim long hailens i laik kisim moa toksave i ken ringim o feksim em long dispela sem namba 547 1235.

NBPOL i strong yet long soka

SOKA gem long Nu Briten Palm Oil Limited (NBPOL) i no kamap gut long wanem sampela tim i no soim pes long pilai.

Presiden bilong NBPOL John Raka i tokim Wantok Nius olsem planti tim i no pinisim gut sisen olsem na ol holim sampela gem ol i no pilai yet long pinis raun one bilong Mens Divisen na raun tu bilong ol Wimens divisen.

Mista Raka i tok olsem ol bai holim ol dispela gem pastaim orait ol i ken pinisim gut kompetisen bilong ol.

Na long ol gem i kamap long wiken, Smallholders i bagarapim tru sindaun bilong Kumbango Mill meri wantaim 4-0. Dispela em bikipela skoa stret i

kamap long las wiken. Na long skoa bilong ol men, em Kernel i mekim save stret long Kumbango Mill 4-2 na Bebere i bagarapim tu ol Crushers 2-4. Maskim em asples bilong tupela Kumbango tim, ol lain Kernel na Smallholders i no wari.


Na long Mosa Fil (1) na Mosa Fil (2), sampela gutpela gem i kamap. Long pilai bilong ol man, Stores i mas pilai tas ragbi wantaim ol lain Golf na waraim ol stret wantaim 7-pela gol.

Orait namba tu tim bilong Kumbango Plentesen i lus long Trensport na Medics i wilwilim tim wan bilong ol, 4-0.



• Ol Anda 11 soka tim bilong Bambi i soim nupela unifom bilong ol las wiken long Pot Mosbi skul soka resis. Ol i salensim Korobosea las wik na lus 3-1.

PAINIM BAL RESIS NAMBA 7



- RUL BILONG PILAI:**
1. Makim X long boks long poto yu ting bal i stap
 2. Makim X long pen tasol
 3. Katim poto long sisos na salim long: **PAINIM BAL RESIS NAMBA 7**, Wantok Niuspepa, P.O. Box 1982, Boroko, NCD.
 4. Nambawan entri i makim stretpela hap bal i stap, em bai win.
 5. Las de bilong kisim ol entri em Fraide 31 Ogas, 2001.
 6. Long Wantok bilong Fonde Septemba 6, bai gat nupela K100 prais mani resis. Bai gat resis bilong olgeta mun i go inap mun Desemba, 2001.
 7. Disisen bilong komiti i makim wanpela wina em i fainel.
 8. Wina bai kisim sek mani, na i no long kes.
 9. Sapos nogat wina bai skruim win moni i go long narapela resis.
 10. Yu ken salim moa long wanpela entri, tasol noken yusim poto kopi.
 11. Ol wokman meri na pikinini bilong Wantok i no stap insait long dispela resis.

Raitim nem na adres bilong yu: **Nem**.....**Address**.....

.....**Krismas**.....

Yu ken salim moa long wanpela entri, tasol no ken yusim poto kopi.

PMSA resis i wok long paia yet

BIKNEM tim Rapatona i strongim yet kona bilong ol long Pot Mosbi soka resis wantaim gutpela win 1-0 egen-sim Guria las wiken.

Stenbai straika Douglas Ririan i skorim dispela gol na mekim ol boi Guria i ai op.

Na ANZ University i strong yet long winim taitel na autim Babaka 3-2 long wanpela gutpela gem stret.

Tupela wik i go, ol meri bilong ol i no laki tumas long PNG Wimens Klap soka taitel taim ol i lus long Telecom bilong Pot Mosbi 2-0. Ol yangpela

bilong Cosmos i soim tru ol arapela biknem tim olsem ol tu i ken pilai soka.

Ol i dro wantaim Difens 1-1. Dispela gem, planti man i ting olsem em namba wan gem long wiken ya.

Resis bilong tupela nupela tim long primia divisen long dispela yia i stap namel long YM1 na ol boi Samarai.

Tupela i bin kamapim gutpela gem tur tasol ol Morobe i tu gut na rausim trausis bilong ol boi Samarai. Skoa bilong dispela gem i sanap olsem 2-0.

Lae Bisket sapotim Enga klab

JOHNNY POIYA i raitim

LAE Bisket Kampani i sponsarim Blu Kumuls soka klab wantaim tupela set unifom long las wik. Kos bilong tupela set unifom em K5,000.

Hailens Rijonel Sales Supavaisa Samuel Koyomu i tokaut olsem kampani bilong em i save sapotim planti spot. Em i givim nupela unifom long kepten na straika bilong Blu Kumuls long Wabag James Tennis insait long wanpela liklik seremoni i kamap long Hailenda Hotel.

Mista Tennis i tokaut olsem helpim bilong Koyomu i kamap long rait taim we Wabag Soka Lig i redi long statim fainel. Em i tok Blu Kumuls klab i yusim yet olupela unifom em kampani i givim las yia.

Wantaim ol hevi long dispela yia, Mista Tennis i tok olsem ol i painim

hat tru long wokim mani long baim nupela unifom.

Lae Bisket Kampani i givim nupela unifom na dispela i kirapim tru spirit bilong tim long pilai bikos nau yet Blu Kumuls i stap long top tri posisen long strongim ples long fainel.

Kampani i givim nupela unifom long traim helpim long strongim soka na tu helpim ol yangpela.

Mista Koyomu i tok "Mipela i helpim planti spot grup. Na mipela bai mekim yet long strongim spot sapos bisnis i ran gut. Spots em wanpela samting i save stapim ol yangpela long noken mekim pasin nogut, stil na mekim ol arapela trabel."

"Sapos ol bisnis i no luksave long dispela na tingting long mekim profit tasol, ating kantri bai i no inap ran gut bikos planti ol yangpela bilong mipela bai i no gat samting long mekim na painim trabel."

Orogen Skul Salens bai kamap long Tem 3 holide

MADANG Spots Developmen Asosiesen (MSDA) i wok long redi nau long salim tim wanpela tim long pilai insait long Orogen Skul Soka salens long Goroka, Isten Hailens.

Dispela soka salens ya bai kamap long Nesanel Spots Institut oval long mun Septemba 24-28.

Wanpela komiti bilong MSDA Scholastica Bogg i wok long go pas long redim tim i tokim Wantok Nius olsem Madang i gat

bikpela laik tru long stap long dispela tonamen.

Dispela bai namba wan taim gen Madang i salim tim long junia soka sempionsip. Las taim Madang i salim tim long Anda 10 Coca Cola soka sempionsip em long 1985 long Lae. Madang i winim Lae long fainel bilong dispela sempionsip.

Dispela i longpela taim tru, na Madang i tingting long soim kantri em i ken wokim gen.

Dispela sempionsip bilong Orogen i pulim ol tim i kam long Pot Mosbi, Lae, Manus, Tabubil na Wewak.

Ol tim bai resis long dispela divisen Anda 11, Anda 13, Anda 15 na Anda 17. Insait long ol dispela divisen, bai i gat 9-pela pilaia i pilai long Anda 11 na 11-pela pilaia long ol arapela divisen.

Ol tim bilong Pot Mosbi i hatim pinis trening bilong ol long Sir John Guise stadium.

Quimas kamapim strongpela salens

IAN KAKARERE i raitim

QUIMAS i pretim stret biknem Nowek Royals insait long bikpela gem bilong Goroka Ragbi Lig kompetisen las wik. Royals i strong na winim dispela gem 28-16 long stap antap yet long poin lata.

Samting olsem 100 man i kamap long lukim dispela gem i stap namel long tupela tim ya.

Insait long 20 minit, Royals i kamapim gutpela sapot pilai na skorim tupela trai. Ol trai ya i kam long insait senta Boma Tombo na fulbek Benny Samo. Quimas i kikim wanpela fil gol tasol i kam long faiv-et

Velex Kudi.

Quimas i no winim wanpela gem liklik long dispela ya. Tasol ol i kamapim gutpela gem las wiken we Howard Kenega i skoa. Fulbek bilong en Wilfred Henry i kikim konvesen.

Namba tu fil gol bilong Kudi i helpim Quimas long sanap 12-8 long haptaim.

Insait long namba tu hap, Kenega i skorim namba tu trai na Henry i kikim konvesen long bringim skoa i go 14-12.

Taim Royals i lukim olsem ol bai lus nau ol i pilai strong na Ota Saina i go putim wanpela trai. Tombo i kikim konvesen na skoa i sanap 18-14.

Tasol ol Quimas i no wari. Ol i pilai strong tru. Ol putim riserv fowat

Roosters go pas long Porebada tas

ROOSTERS tim i wok long kamapim paia stret long Porebada Junia Tas resis insait long Porebada viles insait long Sentral provins.

Las wik Porebada i autim Sharks 2-1 insait long wanpela gutpela gem stret we i pulim planti mani na meri stret.

Bipo long tupela i pilai, tupela wantaim i stap long 10 poin. Tasol Sharks i holim namba wan ples long wanem

em i gat planti namba bilong gol.


Planti man i save dispela bai wanpela gutpela gem. Olsem long namba wan hap, tupela tim wantaim i taitim bun stret. Tasol Roosters i laki na brukim kiau long go pas wantaim skoa 1-0.

Insait long namba tu hap, Sharks i traim long bekim. Olsem na hatwok bilong ol i karim kaikai na Busina Asi i bekim. Asi em wanpela

bilong ol pilaia bilong Sharks husat i strong tru. Ol arapela pilaia em Riv Maba na Lohia Asi.

Roosters i kaikai tit stret na skorim narapela trai gen. Dispela taim ol Lanny Igo i skorim ya. Ol arapela pilaia husat i pilai gut long sait bilong Sharks em Heagi Lohia, Heagi Gau na Gaudi Gau husat i skorim namba wan trai.

Na long namba wan gem, Broncos i autim Bites/Penrith 2-1.



Kas bilong Fulbek

□ Fulbek bilong Royals i mekim strongpela takol long pilaia bilong Kone Tigers insait long Pot Mosbi Ragbi lig resis. KONE Tigers winim Royals 20-10. Foto Joe Ivaharia

Royals pinisim sisen wantaim win

ONIAS MANO i raitim

SHAO Royals i pinisim sisen wantaim win long Is Nu Briten ragbi lig taim ol i nekim Warangoi Storms 10-8 las Sande.

Dispela win bilong Royals i givim ol 12 poin na ol i sindaun long seven ples. Warangoi i stap long 13 poin na stap antap long namba siks ples.

Muruks i soim olgeta strong bilong ol long winim maina primia wantaim 32-16 win abrusim University Cowboys.

Olpela Pot Mosbi pilaia Terry Longbutt i go pas long dispela tim. Na long haptaim skoa i sanap 12-6. Insait long seken hap, ol i skorim arapela 5-pela trai long winim dispela gem. Muruks na Storms i gat wanpela gem i stap yet we ol bai pilai.

Royals i nogat ol pilaia. Ol i yusim ol yangpela pilaia tasol we Luke Waldiat i go pas long ol.

Warangoi Storms i gat strongpela na hevi fowat. Ol i salensim ol lait-wet fowat pek bilong Royals olsem Casper, Latan, Kepas, Embere Poki na Jason husat i wok hat tru long winim gem.

Storms i stap aninit long lukaut

bilong Timothy Timeius na Peter Lingling. Ol i wok long mekim wankain stail pilai we i wok long pulim moa sapota i kam long Jack Emmanuel Park oval.

Royals i mov isi isi long difens na Storms i no westim taim logn skoa. John Francis i skroim namba wan taim. Ol Royals i traim long blokim ol rot bilong Storms tasol nogat. Ol i no was gut long likis Mapua na em i putim nambatu trai 8-0.

Dispela skoa i stap inap haptaim. Insait long namba tu hap, kosa bilong Royals Esau Baibai i kamapim sampela strongpela toktok na ol boi bilong em i strong tru.

Waldiat i wok long kamapim wankain pilaia na setim Gaspar Tibam long skorim wanpela trai. Em i kisim gutpela sapot i kam long riserv pilaia ABeI long skorim trai. Waldiat i kikim gutpela penalti long bringim skoa bilong ol i go long 10-8.

Insait long narapela gem em Diggers i strongim posisen bilong ol long namba foa ples wantaim 16-9 win egensim Bitapaka Souths. Souths i lus olsem bai win tasol ol i no bihainim gut gem plen na dispela em as bilong lus bilong ol.

ANSA BILONG PAINIM BAL RESIS NAMBA 6



resis namba 5 wina: PETER BAKLY, ELC KUMUNGA, BOX 156, MT HAGEN, W.H.P

WANTOK SPOTS

DISPELA WIK
INSAIT LONG
WANTOK NIUS



Moa soka nius
insait long kantri
- Pes 30



Ol poto long
las wiken long
Pot Mosbi



- Pes 28

Guria kisim spes pinis long fainel

HENRY MORABANG i raitim

RABAUl Guria i winim pinis spes long stap insait long fainel bilong SP Cup bilong dispela yia 2001.

Tim bilong Is Nu Briten i bosim poin lata wantaim 18 poin. Em i kisim poin bihain long Pot Mosbi Vipers brukim kompetisen rul na wokabout i go ausait long gem taim pilai i no pinis.

Tupela tim i stap klostu long em Enga Mioks na Goroka Lahanis i lus. Mendi Muruks winim Enga Mioks 26-24 na Lae bomim Goroka Lahanis 18-10.

Win bilong Muruks i helpim ol i kam long namba foa ples na Bombers i kam stap long namba faiv.

Pot Mosbi Vipers i surik i go bek long namba siks ples, na dispela bai givim hatpela taim long ol boi Mosbi long winim gem long fainel.

Waghi Tumble husat i wok long mekim nais i westim taim. Ol i ken win tasol ol i nogat sans long pilai. Kundiawa Warriors i statim gut bihain long nupela kosa John Yegiora i kisim wok tasol nau em tu i kisim taim.

Wantok Nius i painim aut olsem aninit long SP Cup kompetisen rul, ol 4-pela top tim tasol bai stap insait long fainel. Dispela i min olsem tripela spes nau i stap long han bilong ol tim olsem Mioks, Lahanis, Muruks, Bombers na Vipers.

Sapos Vipers na Muruks i laik pilai long fainel, ol i mas winim tripela las gem bilong ol stat long dispela wiken. Pot Mosbi Vipers bai painim hat liklik long wanem ol bai bungim Kundiawa Warriors (POM), Goroka Lahanis (POM) na Mendi Muruks (Mendi).

Na Muruks bai salensim Lahanis, Warriors na Rabaul Guria.

Arapela ol tim olsem Lahanis, Mioks na Bombers tu i mas winim gem bilong ol. Sapos ol i popaia, ol arapela birua tim bai kisim sans long winim ol ya.

Sapos ol tim i skelim poin lata nau, ol i ken save wanem tim bai pilai insait long fainel ya.

Insait long ol gem i kamap las wiken, Cedric Belo, Leo Kondai, John Milba na Daniel Lucas i go pas long LBC Bombers long wilwilim stret ol boi Goroka Lahanis 18-10. Lahanis i lusim pinis namba wan ples long Rabaul Guria na sindaun long namba tri ples.

Bombers i kamap strongpela difens gem na winim dispela gem ya.


Ol Lahanis pilaia olsem Nigel Hukula, Makali Aizue na Lawrence Goive i kamapim strongpela pilaia tasol ol i no laki tumas.

Mendi Muruks i mekim tok lukaut long ol arapelâ tim olsem ol i putim skin tasol long fainel. Ol boi Sauten Hailens i autim Enga Mioks 26-25 na Tumble wilwilim Simbu Warriors 28-18.

Poin lata nau i sanap olsem Guria 18, Mioks 14, Lahanis 14, Muruks 11, Bombers 10, Vipers 9, Tumble 8 na Simbu Warriors em 4.



• Kain stail bilong Kone Tigers na Royals long Pot Mosbi i kamap strong bikos fainel i kamap klostu nau. Foto Joe Ivaharia



Marcus Bai setim rekot bilong Melbourne Storms

WINGA bilong Melbourne Storms na tu PNG Kumul Marcus Bai i kamap namba wan pilaia bilong Storms long skorim 50 trai.

Em i skorim dispela trai egensim Brisbane Broncos long las wiken. Boi Ulamona i kamap namba wan pilaia tu long PNG long skorim bikpela namba bilong trai long strongpela Nesenel Ragbi Lig (NRL) kompetisen.

Marcus Bai i joinim Melbourne Storms 4-pela yia i go pinis bihain long em i joinim Gold Coast Seagulls long wanpela sisen. Em i stat long kisim moa kontrak bihain long em i pilai long Hull Kingston Rovers klab long Inglan.

Bai joinim Storms taim ol i stat. Na ol i winim primiasip insait long namba tu yia bilong ol long NRL. Boi PNG tu i stap long dispela tim i winim St George long gren fainel ya.

Planti ol ragbi lig sapota insait long kantri i salim bikpela amamas long Marcus long skorim 50 trai. Maski ol ripot nogut i kamap long Bai tupela wik i go pinis, dispela wik Marcus Bai i mekim PNG i amamas long dispela trai. Bikpela samting tru em i winim ol arapela olpela pilaia bilong NRL olsem Bruce Mamando, David Westley na Adrian Lam long putim trai bilong klab bilong ol.

Kosa bilong Marcus Bai, Mark Murray i amamas long tim bilong i winim strongpela tim, Brisbane Broncos 32-28.

Bai i statim ragbi lig wantaim Brothers klab long Bialla ragbi lig. Orait bihain long dispela bikpela brata bilong em, Stanis Bai husat i presiden bilong Paga Panthers long dispela taim i stretim wanpela gutpren salens wantaim Paga Panthers na Brothers klab.

Long dispela taim, Marcus Bai i pilai na Stanis i holim em bek long pilai wantaim Paga Panthers. Em i pilai long klab na i no longtaim em i winim posisen long senta/wing wantaim Pot Mosbi Vipers. Long sem yia, em i stap pinis insait long PNG tim long Wol Kap we ol i go pilai long 1995. Bihain long dispela taim, em i winim kontrak wantaim Supa Lig klab long Inglan. Em wantaim John Okul, Stanley Gene na em yet i winim kontrak na go pilai long ovasis long sem taim.

Enjoy Coca-Cola at the right price

The Coca-Cola company want you to purchase your Coca-Cola at the RIGHT PRICE.

You can pick up an icy cold Coca-Cola 355ml can for just K1.10 or 500ml bottle for K1.30.

And you can also grab a 1litre Coca-Cola for K2.00.

Enjoy Coca-Cola and pay no more than the recommended retail price.

Prices apply to other refreshing flavours including Schweppes, Sprite, Fanta, & Diet Coke.



Coca-Cola Amatil (PNG) Ltd.

COCA-COLA, DIET COKE, FANTA, SPRITE, SCHWEPPES AND enjoy AND THE CONTOUR BOTTLE DESIGN ARE REGISTERED TRADE MARKS OF THE COCA-COLA COMPANY.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.